

S T E N O G R A M

PETE RADNE SJEDNICE SKUPŠTINE KANTONA SARAJEVO
ODRŽANE U SRIJEDU 27.02.2019. GODINE
SA POČETKOM RADA U 10,00 SATI

Predsjedavajući:

Otvaram Petu Radnu sjednicu Skupštine Kantona Sarajevo. Himna BiH.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 28 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: Amel Mekić, Sead Milavica, Vedran Jakupović. A kašnjenja su najavili: Mahir Dević i Amra Hasagić.

Prijedlog dnevnog reda Pete Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 15.02.2019.godine.

Na osnovu člana 73. Poslovnika Skupštine Kantona Sarajevo Kolegij Skupštine Kantona Sarajevo, dana 22.02.2019. godine, prihvatio je da se Prijedlog dnevnog reda Pete Radne sjednice, dopuni sa sljedećim tačkama:

1. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo; (razmatrat će se kao tačka 10.)
2. Prijedlog odluke o izmjeni Odluke o davanju suglasnosti o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida; (razmatrat će se kao tačka 11.)
3. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo; (razmatrat će se kao tačka 12.)
4. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća:
 - a)"Rad" d.o.o. Sarajevo;
 - b)"Park" d.o.o. Sarajevo; (razmatrat će se kao tačka 13.)
5. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog preduzeća:
 - a)"ZOI 84" Olimpijski centar Sarajevo d.o.o. Sarajevo;
 - b)Preduzeće za gospodarenje državnim šumama "Sarajevo - šume" d.o.o. Sarajevo; (razmatrat će se kao tačka 14.)
6. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo; (razmatrat će se kao tačka 15.)
7. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća :
 - a) "Rad" d.o.o. Sarajevo;
 - b) "Park" d.o.o. Sarajevo; (razmatrat će se kao tačka 16.)
8. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog preduzeća:
 - a) "ZOI '84" Olimpijski centar d.o.o. Sarajevo;
 - b)Preduzeće za gospodarenje državnim šumama "Sarajevo-šume" d.o.o. Sarajevo; (razmatrat će se kao tačka 17.)
9. Informacija o stanju uzrokovanim poplavama na području Kantona Sarajevo (razmatrat će se kao tačka 18.)

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Kolega Mirza Čelik se javio, izvolite.

Poslanik/zastupnik Mirza Čelik:

zahvaljujem predsjedavajući. Pa evo koristim priliku da pozdravim sve prisutne kao i gledaoce pored malih TV ekrana. Naime, o čemu se radi. Ja sam član Komisije za privredu, ekonomsku i finansijsku politiku i na samoj sjednici Komisije za privredu, ekonomsku i finansijsku politiku sam tražio da se nekoliko tačaka uvrsti na dnevni red, a smatrao sam da je opravdano da sad prije usvajanja dnevnog reda kažem nekoliko stvari, jer u samoj tački kada se bude razmatralo ne bih imao pravo kao član Komisije jer se te tačke nisu ni razmatrale. Prije svega želim da informišem i vas predsjedavajući i zastupnike i javnost da sam na Komisiji tražio da se uvrsti nekoliko tačaka na dnevni reda tiču se imenovanja, odnosno razrješenja predsjednika i članova Skupštine KJP i njihovo potvrđivanje. Obzirom da smo imenovali u 2018 od 26.06. Skupštinu preduzeća, ova dva preduzeća, smatrao sam da pravni osnov koji je naveden ili razlozi za donošenje u samoj odluci nisu pratili Poslovnik o radu Skupštine niti Zakona o javnim preduzećima i Zakona o privrednim društvima F BiH. Stoga, tražim ili zahtijevam da se ove tačke s dnevnog reda skinu ili da Zakonodavno pravna komisija prije samog utvrđivanja dnevnog reda održi sjednicu i kaže nama zastupnicima u pismenoj formi da li postoji zakonski osnov za ove tačke koje su predložene, odnosno na Kolegiju. Znači komisija niti jedna nije razmatrala prijedlog razrješenja ni potvrđivanja, a tražim od ZPK da nam protumači ovo da li je u skladu sa zakonom, jer Skupštine preduzeća koje razrješavamo su imenovane 2018, a pravni osnov vjerovatno je neusvajanje Izvještaja iz 2017. Stoga još vas jednom pozivam da ZPK zasjeda i da na osnovu njihovog akta koji će nam dostaviti, da li je u skladu sa zakonom, a to i piše u članu 38 da je ZPK dužna, pa ću citirati pasus: „prati procese zakonodavne procedure i prilikom donošenja Zakona i drugih akata u nadležnosti Skupštine i davanje mišljenja u pismenom obliku”. Evo toliko, zahvaljujem predsjedavajući.

Predsjedavajući:

kolega Čampara se javio, izvolite.

Poslanik/zastupnik Aljoša Čampara:

zahvaljujem predsjedavajući. Pozdravljam sve prisutne i gledaoce pored malih TV ekrana. Pa evo otprilike na istom tragu, prije svega želim da se osvrnem i u formalno pravnom smislu, kasnije naravno u meritumu ću diskutirati vezano za ove određene tačke dnevnog reda, ali se pozivam na povredu Poslovnika, tačnije član 38. Poslovnika, koji kaže da Zakonodavno-pravna komisija razmatra nacрте i prijedloge Zakona i drugih akata koje donosi Skupština u pogledu njihove usklađenosti sa Ustavom Kantona i pravnim sistemom i podnosi izvještaj o tome. Mi imamo nekoliko tačaka na dnevnog redu, gdje Zakonodavno-pravna komisija uopće ih nije razmatrala, mislim da je to klasična povreda Poslovnika upravo iz razloga što Zakonodavno-pravna komisija mora razmatrati sve materijale koji dođu, očitovati se o njima, bez ulaska sada da li ima većine, da li nema većine, zato i mislim da je Poslovnik ovdje povrijeđen jer ako imate situaciju da recimo na istoj toj Zakonodavno-pravna komisija bile su određene informacije ako se dobro sjećam o Grasu i još nekom drugom preduzeću ne vidim zašto ove druge tačke ne bi bile uvrštene u samu sjednicu Zakonodavno-pravna komisija. A želim još da naglasim da je naš kolega Mahir Dević koji je član te komisije tražio upravo iz razloga što je Kolegij Skupštine utvrdio dopunu dnevnog reda sa ovim tačkama i sasvim bi bilo logično da se te tačke nađu i na Zakonodavno-pravna komisija. Ja predlažem Skupštini, odnosno Kolegiju, rukovodstvu, kako god hoćete da ne izlazimo van Poslovnika, da napravimo pauzu, da se sastane Zakonodavno-pravna komisija da da svoje pismeno mišljenje za ove tačke i da onda jednostavno krenemo sa radom po cjelokupnom dnevnom redu. Mislim da nema nikakvog razloga da Zakonodavno-pravna komisija ne razmatra ove tačke, ne ulazeći sada u većinu, pretpostavljam da će biti većina na samoj Zakonodavno-pravna komisija ali

stvarno ne vidim razloga zašto da se dovodimo uopće u situaciju da ne raspravljamo nešto što je propisano Poslovníkom. Hvala.

Predsjedavajući:

zahvaljujem kolega Čampara. Amra Junuzović-Kaljić ima riječ, izvolite.

Poslanik/zastupnik Amra Junuzović-Kaljić:

hvala predsjedavajući. Dakle u svojstvu predsjedavajućeg Komisije za privredu i finansije, mi smo raspravljali i uvažili ovu primjedbu koji je imao uvaženi zastupnik Čelik, što je i notirano u zapisu, odnosno zapisu komisije. Jasno nam je da je ta situacija nastupila zbog dopune dnevnog reda i zbog činjenice da je tehnički prosto bilo nemoguće, odnosno vremenski postaviti stvari na vrijeme. Hvala vam lijepo.

Predsjedavajući:

zahvaljujem. Zastupnik Samir Suljević ima riječ, izvolite.

Poslanik/zastupnik Samir Suljević.

Zahvaljujem predsjedavajući. Pozdravljam sve prisutne gledaoce kraj malih ekrana, pošto je Zakonodavno-pravna komisija u ovih nekoliko diskusija prozvana osjećam potrebu da se predsjednik Zakonodavno-pravna komisija javim za riječ i da pojasnim određene pojmove. Na početku, radi javnosti, možda hronološki iznijet ću nekoliko činjenica. Zakonodavno pravna komisija je održala sjednicu 26.02.2019 godine sa početkom u 13,00 sati o čemu je Vladi Kantona i Skupštini dostavljen izvještaj. Dakle, sam jedan dan uoči sjednice Skupštine. Pozivi za ovu sjednicu su pozvani 19.02.2019 godine. Istina je da je član Zakonodavno-pravna komisija Mahir Dević na samoj sjednici 26.02. tražio da se dnevni red dopuni sa dodatnim tačkama a koje su dostavljene Skupštini kao dopunski materijal 22.02.2019.godine. Riječ je o odlukama o potvrđivanju razrješenja i imenovanja vršilaca dužnosti predsjednika i članova Skupština KJP i KJKP. Komisija je sa 2 glasa ZA i 3 suzdržana nije prihvatila prijedlog za dopunu dnevnog reda. Kroz diskusiju članova komisije koji su bili suzdržani u odnosu na ovaj prijedlog pojavile su se dileme o načinu realizacije dnevnog reda ukoliko bi isti bio dopunjen sa novim tačkama, jer na sjednicu nisu pozvani predstavnici predlagagača. Da napomenem, prisustvo predstavnika predlagagača je obavezno članom 208. stav 4) Poslovnika koji propisuje da ukoliko na sjednicu radnog tijela ne dođe predstavnik predlagagača razmatrano pitanje će biti skinuto s dnevnog reda. Ovo praktično znači da je prihvaćena dopuna Dnevnog reda, ove tačke se i ovako i onako ne bi mogle razmatrati na komisiji. Kao predsjednik Zakonodavno-pravna komisija još prilikom prve sjednice komisije proučavao sam arhivu Skupštine Kantona Sarajevo tačnije arhivu izvještaja skupštinskih komisija. Radi javnosti, ističem da svi zainteresovani građani mogu posjetiti web stranicu Skupštine na isti način provjeriti izvještaje skupštinskih komisija u prethodnim mandatima. Vidjet ćete da materijali uz kojima je dopunjen dnevni red Skupštine, nisu razmatrani na sjednicama komisija, razlog je jednostavan, što maloprije naša kolegica iznijela neke komisije su svoje sjednice održale prije nego što je dnevni red dopunjen a one koje nisu bile održane, već su bile zakazane i pozvani predlagagači. Ukoliko je zastupnik Mahir Dević smatrao da je nadopunjavanjem dnevnog reda prekršen Poslovnik Skupštine, molio bih da se decidno izjasni koja odredba Poslovnika je prekršena, odnosno gdje su propisane posljedice ukoliko radna tijela Skupštine ne razmatraju materijal koji je na dnevnom redu Skupštine. Ja moram ovdje da napomenem da se kod nas vrlo često Poslovnik krši po pitanju rokova, jer član 71 Poslovnika propisuje da se sjednice radnih tijela sazivaju 7 dana prije održavanja sjednice Skupštine, međutim, zbog organizacionih problema, odnosno nedostatka prostora, jer na raspolaganju imamo samo jednu salu, nismo u mogućnosti ispoštovati ovaj rok. Poštivanjem propisanog roka znači da

nema ni teoretske mogućnosti da radna tijela razmatraju dopunu dnevnog reda budući da se dopuna dnevnog reda vrši 4 dana prije održavanja sjednice. Zahvaljujem.

Predsjedavajući:

kolega Čampara se ponovo javio. Ja u dobroj volji puštam da raspravljate. Sada ne bi trebali imati replike. Želim da vam podsjetim dobio sam pismo od Savez udruženja dobitnika najvećih ratnih priznanja „Zlatni ljiljan i Zlatna policijska značka” koja danas ima jedan ozbiljan okrugli sto. Ima za temu ratni zločini, njihovo procesuiranje. Dobar broj članova i Vlade i Skupštine bi trebao tamo prisustvovati i molim vas da ovu sjednicu pokušamo završiti u normalnom i razumnom roku do 18 sati, te sugerišem da se ni ne trošimo previše na eventualno nekim replikama ili pokušajima ubjeđivanja jedni druge u ono što mislimo. Kolega Čampara još vi pa ćemo se izjasniti o dnevnom redu, izvolite.

Sistem zaledio, moramo se resetovati, par minuta. Nije svaki put, prošli put je neko drugo bio. Programiran je na određeni broj javljanja i kada ono baš prekuca, onda stane.

Može li sada, uključite kolegu Čamparu.

Poslanik/zastupnik Aljoša Čampara:

zahvaljujem predsjedavajući. Pa stvarno bez ikakvih namjera da izazivam bilo kakve polemike, uopće mi to nije interes, ja samo želim da kažem sljedeće: ne želim uopšte da se ubjeđujem ni s kim, ja želim samo da se pozovem na član 38 Poslovnika. Dakle kolega Suljević je govorio o razlozima zašto se to nije desilo, ali razlozi ne mogu biti za kršenje Poslovnika nedostatak prostora ili nemanje dovoljno vremena za održavanje ovih sjednica. Stvarno ovo dobronamjerno govorim ovo ovdje svima samo da poštujemo Poslovnik bez ikakve želje za ulaženje u bilo kakvu polemiku. Mislim da je dobro da ispoštujemo proceduru i da Zakonodavno-pravna komisija donese stav o ovome., znamo mi kakav će stav donijeti, većina postoji, dakle uopće to nije bitno, ali je bitno da poštujemo poslovničke procedure. Hvala.

Predsjedavajući:

hvala kolega Čampara. E ne mogu da ne dam sada riječ kolegi Suljeviću. Protumačit ću ja, ja sam odgovoran da protumačim tok održavanja ove sjednice i njene zakonitosti. Kolega Suljeviću izvolite.

Poslanik/zastupnik Samir Suljević:

hvala. Ne bih dužio, ali dajem jedan prijedlog jer gospodin Čampara je samo izvukao nešto što nije bit moje malopredašnje diskusije. Evo imamo jedan prijedlog i pored vas je gospođa Kulovac sekretar pa evo možemo je pitati za tumačenje i da nam objasni d ali je ikada praksa bila da se tačke dnevnog reda kojima se dopunjava dnevni red razmatraju na Zakonodavno-pravna komisija. Hvala.

Predsjedavajući:

javio se sada i kolega Marić, izvolite.

Poslanik/zastupnik Zvonko Marić:

zahvaljujem predsjedavajući. Dame i gospodo, drugarice i drugovi, poštovani gledatelji. Samo kratko bez namjere da polemiziramo na bilo koji način, međutim ovo o čemu je kolega Čelik govorio, volio bih da znam da li on poznaje neku odredbu Zakona ili bilo kojeg pravnog akta da odluka koja je pravni temelj za promjenu Skupština ne poznaje razlog smjene ili imenovanja. To je definitivno tačno, takva ne postoji. Dalje, interesira me koji je to član

odluke prekršen. Citirat ću član 3 i član 7. „samo odlukom bez razloga se sve može definitivno smijeniti a to potvrđuje, evo ja ću citirati da ne govorim napamet članak 3. „Imenovanje predsjednika i članova Skupštine KJKP vrši se na način da iste na prijedlog resornog Ministarstva uz suglasnost Vlade Kantona Sarajevo potvrđuje Skupština Kantona Sarajevo.” i članak 7 „Razrješenje predsjednika i članova KJP vrši se na način propisan u članu 3, koji sam već citirao, ove odluke, a proceduru razrješenja mogu pokrenuti resorni ministar, Vlada Kantona Sarajevo i Skupština Kantona Sarajevo”. Dakle definitivno mogu da kažem da su ovo proceduralni razlozi koji ne bi trebali da nas ometaju da obavimo ono zbog čega smo danas ovdje. Volio bih da znam koja je to odluka za pravni temelj, koja promjenu Skupštine ne poznaje razlog smjene i imenovanja. Ne postoji takva. Hvala.

Predsjedavajući:

pretpostavio sam da će ovo ići sada u nedogled i neću ići dalje u raspravu. Samo ću vas informisati o sljedećem: Zakonodavno-pravna komisija može razmatrati ali obligatorno nije da materijal koji se nalazi na dnevnom redu Skupštine ima stav Zakonodavno-pravna komisija i drugih radnih tijela niti je njihovo mišljenje obavezujuće za Skupštinu Kantona Sarajevo. Vi ukazujete ili potencirate i htio sam javnosti radi, dao sam prostor da kažete da je bio pokušaj da se na dnevni red Zakonodavno-pravna komisija uvrsti tačka koja nije dobila potrebnu većinu. To je bilo potrebno više radi politike i više radi kolegijalnosti ja sam to dozvolio. Ja sam protumačio i ne treba nam pomoć sekretara i koji to dobro zna. I molim zastupnike da se izjasne, ustvari moram ja sada pročitati cijeli dnevni red.

Kolega Čampara, krivi navod. Nisam dao nikome riječ jer će zastupnici na ovaj način do jedan raspravljati o dnevnom redu. Ne vidim potrebu i Poslovnik mi daje za pravo da dajem riječ. Dakle više smo nego korektno počeli a vi hoćete nekorektno da nastavimo. Molim zastupnike za mir u sali. Čitam dnevni red o kojem se mi izjašnjavamo. Čuli smo sve što je potrebno. Ja, kao predsjedavajući Skupštine, tvrdim da ova tačka može ostati na dnevnom redu, a ukoliko hoćete da poslušate mene i Marjanovića, ponovo se obratite nekom od sudova koji o tome može raspravljati. Nemojte galamiti kolega Čampara.

Na osnovu naprijed navedenog, Prijedlog dnevnog reda današnje, Pete radne sjednice, glasi:

1. Poslanička/zastupnička pitanja, inicijative i odgovori;
2. a) Informacija o radu KJKP „GRAS“ d.o.o. Sarajevo;
b) Informacija o radu Uprave KJKP „Vodovod i kanalizacija” d.o.o Sarajevo;
3. Prijedlog Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo"-skraćeni postupak;
4. Prijedlog odluke o davanju saglasnosti na Program rada Javne ustanove „Služba za zapošljavanje Kantona Sarajevo“ Sarajevo za 2019. godinu;
5. Prijedlog odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2019. godinu sa Odlukom o izvršavanju Finansijskog plana Javne ustanove „Služba za zapošljavanje Kantona Sarajevo“ Sarajevo za 2019. godinu;
6. Prijedlog Odluke o davanju saglasnosti na Odluku o izmjeni i dopuni Statuta Javne ustanove Opća bolnica "Prim. dr. Abdulah Nakaš";
7. Prijedlog odluke o verifikaciji Odluke o spajanju javnih ustanova kulture u Javnu ustanovu "Bosanski kulturni centar Kantona Sarajevo"-Prečišćen tekst;
8. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća za transport i distribuciju gasa "Sarajevogas" d.o.o. Sarajevo sa Zakonom o javnim preduzećima u Federaciji Bosne i Hercegovine;

9.

- a) Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B 3, izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina;
 - b) Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo stambeno-poslovnom objektu Niz B, Lamela B 2, izgrađenom u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina
10. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo
 11. Prijedlog odluke o izmjeni Odluke o davanju suglasnosti o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida;
 12. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo;
 13. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća:
 - a) "Rad" d.o.o. Sarajevo;
 - b) "Park" d.o.o. Sarajevo;
 14. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog preduzeća:
 - a) "ZOI 84" Olimpijski centar Sarajevo d.o.o. Sarajevo;
 - b) Preduzeće za gospodarenje državnim šumama "Sarajevo - šume" d.o.o. Sarajevo;
 15. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo;
 16. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća :
 - a) "Rad" d.o.o. Sarajevo;
 - b) "Park" d.o.o. Sarajevo;
 17. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog preduzeća:
 - a) "ZOI '84" Olimpijski centar d.o.o. Sarajevo;
 - b) Preduzeće za gospodarenje državnim šumama "Sarajevo-šume" d.o.o. Sarajevo;
 18. Informacija o stanju uzrokovanim poplavama na području Kantona Sarajevo;
 19. Izvještaj o poslovanju KJP Centar "Skenderija" d.o.o. Sarajevo za 2017. godinu;

Molim zastupnike da se izjasne o predloženom dnevnom redu. Molim rezultate glasanja.

Za je glasalo 20, PROTIV 8 i SUZDRŽANIH nije bilo, 1 nije glasao.

Konstatujem da je Skupština za Petu radnu sjednicu Skupštine Kantona Sarajevo usvojila dnevni red.

Kao informativni materijal dostavljeni su vam:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec decembar 2018. godine;
- Izvještaj o korištenju sredstava Tekuće rezerve iz Budžeta Kantona Sarajevo za period od 01.07. do 31.12.2018. godine;

- Izvještaj o provođenju Zakona o državnoj službi u Kantonu Sarajevo u organima uprave i službama Kantona Sarajevo za 2018. godinu;
- Strategija upravljanja dugom Kantona Sarajevo 2018-2020. godina;

- 0 -

Prije nego što predemo na realizaciju prve tačke dnevnog reda obavezni smo da razmatramo zapisnike sa stenogramima sa Druge radne sjednice, Treće hitne sjednice , koji su vam dostavljeni uz poziv za sjednicu.

Ima li primjedbi? Zastupnica Jasmina Bišćević Tokić, prije vas imaju kolega Čelik i Čampara prijavljeni. Čelik ništa, Čampara vi izvolite.

Poslanik/zastupnik Jasmina Bišćević-Tokić:

E zahvaljujem predsjedavajući. Ja bih molila ispred Kluba SDA pauzu od pola sata.

Predsjedavajući:

Hvala kolegice, pauza pola sata u ime Kluba SDA. Hvala.

NASTAVAK NAKON PAUZE

Predsjedavajući:

Nastavljamo sa radom Pete redovne sjednice Skupštine Kantona Sarajevo. Kolegica Jasmina Bišćević-Tokić se javila , obrazloženje jel. Izvolite uključite kolegicu.

Poslanik/zastupnik Jasmina Bišćević –Tokić:

E hvala predsjedavajući, naravno želim da obrazložim zahtjev za pauzu Kluba SDA. Pa mislim da je nečuveno u parlamentarnoj demokratiji ponašanje predsjedavajućeg koji je samo prvi među nama jednakim i koji nije predsjednik Skupštine nego samo predsjedavajući Skupštine. I u biti on je samo zadužen da vodi sjednicu a nikako da tumači Poslovnik i zakone. Tumačiti Poslovnik može samo onaj koji je donio taj Poslovnik. U ovom slučaju to je Skupština Kantona Sarajevo. Tužno je i ponižavajuće kako se uopšte odnosi prema sekretaru Skupštine i prema svojim kolegama, osnovno demokratsko pravo je da svaki zastupnik ima pravo na riječ u skladu sa Poslovnikom i u ime građana koji su nas birali. Ovo stvarno nije zabilježeno ni u najrigidnijim nedemokratskim sistemima te iz ovog razloga tražimo da se poštuje Ustav, Zakon i Poslovnik Skupštine Kantona Sarajevo te da kolega predsjedavajući shvati da mora poštovati nas zastupnike koje su izabrali građani ovog Kantona. Ukoliko se nastavi ova praksa prema zastupnicima SDA kao najvećem klubu u Skupštini, koji su dobili najveći broj glasova od građana Kantona Sarajevo, Klub zastupnika SDA će znati adekvatno da odgovori na ovu pojavu i to da sazove sjednicu Kluba Bošnjaka te da ispita povjerenje koje je ukazano da predsjedavajući bude u rukovodstvu Skupštine.

Predsjedavajući:

Hvala kolegice Bišćević-Tokić. Prije nego što predemo na realizaciju prve tačke dnevnog reda obavezni smo da razmatramo zapisnike sa stenogramima sa Druge radne sjednice i Treće hitne sjednice, koji su vam dostavljeni uz poziv za sjednicu. Ima li primjedbi.

a)

Molim vas ako nema primjedbi da se izjasnite o Zapisniku sa Druge radne sjednice Skupštine Kantona Sarajevo.

Možete glasati.

ZA je glasalo 29 zastupnika, PROTIV i SUZDRŽANIH NIJE BILO.

Konstatujem da je Skupština potvrdila Zapisnik sa Druge radne sjednice Skupštine Kantona Sarajevo održane 26.12.2018.godine.

b)

Molim vas da se izjasnite o Zapisniku sa Treće Hitne sjednice Skupštine Kantona Sarajevo .

Možete glasati. Molim rezultate glasanja.

ZA je glasalo 24 zastupnika, PROTIV 1 i SUZDRŽANIH 2.

Konstatujem da je Skupština potvrdila Zapisnik sa Treće Hitne sjednice Skupštine Kantona Sarajevo održane 26.12.2018.godine.

Sada krećemo sa tačkom Poslanička/zastupnička pitanja inicijative i odgovori, tačno je 11,23. imamo sat.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Uh, što se brzo prijavljujete. Kolega Dževad Poturak, najbrži prst danas, izvolite kolega Poturak.

Poslanik/zastupnik Dževad Poturak:

kako sam danas brz. Zahvaljujem predsjedavajući. Za danas imam jedno pitanje i dvije inicijative. Prvo pitanje, radi se o psima lualicama. Prošli saziv Vlade i Skupštine Kantona Sarajevo ulagao je puno truda na rješavanju problema pasa lualica, podsjećam da je KS čak kupio azil u Prači. Bilo je puno informacija oko tužbi oštećenih građana zbog ujeda pasa, nanošenja tjelesnih povreda i slično. Tražim od Ministarstva komunalne privrede i infrastrukture KS, odnosno ministra, koji su prema mojim informacijama vodili ove aktivnosti, da za sada obavijeste građane i da nam prezentirate navedene informacije. Također tražim da nam u pisanoj formi pripremite i odgovorite, da li je ovaj problem stavljen pod kontrolu, šta se dešava sa azilom u Prači? Da li je otpočeo sa radom, ko njime upravlja, kakve su štete nastupile eventualno po Kanton Sarajevo zbog napada i ujeda pasa lualica?

Moja prva inicijativa jeste da se pripremi prijedlog rješenja za kažnjavanje govora mržnje, neprimjerenog ponašanja kroz elektronske medije, tačnije portale i društvene mreže. Obrazloženje: svjedoci smo nezapamćene i potpuno neprimjerene retorike pa slobodan sam reći i mržnje koja se iskazuje putem društvenih mreža, i web adresa. Jasno je kakav to ima uticaj na društvo, omladinu i zato pokrećem inicijativu da nam Vlada Kantona Sarajevo putem Ministarstva pravde i uprave, putem Ministarstva za obrazovanje i mlade, Ministarstva MUP-a ponude prijedlog preventivnih i represivnih aktivnosti i mjera na zaustavljanju govora mržnje i neprimjerenih sadržaja na društvenim mrežama i portalima. Moje mišljenje je da se ovo društveno zlo mora zaustaviti, da je neophodno više preventivno raditi sa mladima ali i kažnjavati tako gdje je to neophodno.

Moja druga inicijativa jeste da svjedoci smo, pa naravno piše i u medijima da je Sarajevo postalo odredište za veliki broj migranata iz Sirije i drugih zemalja. Jučer čitam iz medija kako su novi autobusi migranata prebačeni iz USK u centar Ušivak u Hadžićima. Prvo poštujem brigu o stradalnicima jer su i bh izbjeglice bile u periodu 92-95 širom svijeta, ali

nije Sarajevo jedino dužno da zbrinja migrante. Zato pokrećem inicijativu da ministar Garibija predloži Vladi i Skupštini jedan plan i strategiju u saradnji sa državnim Ministarstvom kako će se ova pitanja rješavati u budućnosti. Niko ne zna ni broj ni raspored migranata u BiH, ni ko ih hrani, liječi. Da li su to državne institucije ili nevladine organizacije ili mešetari ili možda neke kriminalne grupe. Mi smo vlast, dužni smo štiti svoje građane i strance na našoj teritoriji, zato tražim službenu informaciju, inicijativu kako ćemo staviti pod kontrolu ovo važno pitanje. Znači tražim prijedlog rješenja da se ponudi u roku od 30 dana, a ako ne u ovom roku onda da se u Skupštini ponudi drugo rješenje do kraja marta kojim bi se ovaj problem riješio ili ublažio.

Poslanik Mirza Čelik:

Zahvaljujem predsjedavajući. Ja ću imati dvije inicijative koje ću danas pročitati a nekoliko sam već dostavio u Stručnu službu. Problematika vodozaštitne zone na području općine Ilidža je već odavno gorući problem Kantona Sarajevo i ova Skupština i Vlada mora se ozbiljnije baviti tim pitanjem. Pitanje vodozaštitne zone je složen problem i može se posmatrati sa više stajališta kao što je pitanje zagađenosti, održavanja i granice obuhvata donošenjem ove Odluke zaštita izvorišta i dr.

Ovom prilikom ističem problematiku otkupa zemljišta u Vodozaštitnoj zoni. Naime Kanton Sarajevo je u obavezi da vrši otkup zemljišta od vlasnika čije se zemljište nalazi u obuhvatu vodozaštitnih zona. Samo u zaštitnoj zoni Sokolovići u kojoj je do sada najmanje vršeno otkupljivanje ima preko 150 hektara zemljišta koje je neophodno otkupiti ukoliko se želi zadržati vodozaštitna zona. U posljednje vrijeme niti su izdvajana sredstva niti je vršen otkup zemljišta na kompletnoj zoni, a posebno u dijelu vodozaštitne zone Sokolovići. Zato predlažem da ova Vlada u Budžetu za ovu godinu prilikom rebalansa izdvoji 15 miliona KM kako bi se moglo pristupiti otkupu zemljišta na ovom lokalitetu te da se zaduže nadležne institucije VIK-a i Ministarstva da pristupe realizaciji navedenog pitanja. A svakako pozivam Općinsko vijeće Ilidža da donese zaključke vezano za obuhvat vodozaštitnih zona i za otkup zemljišta i da dostavi u pismenoj formi Skupštini kako bi u program rada usvojili i samu jednu tematsku sjednicu a tiče se vodozaštitne zone.

Druga zastupnička inicijativa, neću obrazložiti pošto nemam vremena, možete li potvrditi da je direktor JU BKC bio u sukobu interesa kada je u svojstvu direktora organizirao manifestaciju Knjiga u nišama u okviru koje su učestvovali izdavačke kuće Sinopsis, Dobra knjiga, Bajbuk i druge a koje su ujedno bile i korisnice Fonda za bibliotečku djelatnost FBIH, na čijem je čelu predsjednik Kukavica Edin u 2018 primivši grantove u iznosu od 12 do 16.000 KM. Hvala.

Poslanik/zastupnik Elvedin Okerić:

Zahvaljujem uvaženi predsjedavajući, dopredsjedavajući, uvažene kolege i kolegice, poštovani građani pored malih ekrana, sve vas srdačno selamim i pozdravljam. Danas imam jednu inicijativu. Podnosim inicijativu prema ministru MUP-a i komesaru Uprave policije Kantona Sarajevo da u skladu sa svojim nadležnostima adekvatno nagrade policijske službenike koji su direktno učestvovali i doprinijeli da se uhvati višestruki ubica Edin Gačić opasan po sigurnost građana. Obrazloženje:

Posao policajca je jedan od najčasnijih, najtežih i najzahtjevnijih poslova koji iziskuju svakodnevnu psihofizičku spremnost, te prihvatanje rizika koji nekad može biti koban za njih same. Policijski službenici moraju biti adekvatno motivisani kako bi mogli odgovoriti najtežim zadacima pa i kad im je život ugrožen. To ćemo postići prvenstveno pravičnim postupanjem prema njima a i adekvatnom reakcijom koja će biti pokazatelj zaštite, brige i zahvalnosti sistema za njihov rad i trud. Ne zaboravimo da u momentu dok je ubica Edin Gačić bio na slobodi bili smo spremni sve dati da se samo uhvati. Kako su ovi hrabri momci uspješno realizovali zadatak pronalaska ubice ne smijemo zaboraviti, već smatram da se

trebaju što prije nagraditi najvećim priznanjem zbog njih samih a i zbog motivacije drugih kolega koji moraju vidjeti da se danas ipak isplati hrabar biti. Hvala.

Poslanik/zastupnik Senad Hasanović:

Zahvaljujem predsjedavajući, pozdravljam sve prisutne u sali kao i gledaoce kraj malih ekrana. Za ovu sjednicu imam dvije inicijative i dva pitanja. Pokrećem inicijativu da MUP Kantona Sarajevo u saradnji sa nadležnim agencijama pristupi formiranju specijalističkog odjeljenja a obuku pasa tragača i vodiča pasa tragača, te iste nakon neophodnih pripremnih radnji stavi na raspolaganje policijskim strukturama Kantona Sarajevo. Obrazloženje: upotreba pasa za otkrivanje i praćenje tragova mirisa predstavlja najstariju vrstu upotrebe ovih životinja. Prema naučnim saznanjima i iskustvima iz policijske prakse psi tragači se mogu upotrijebiti za identifikaciju lica čiji je trag pronađen i praćenje pravca bjekstva lica za kojim se traga. Pronalaženje leševa skrivenih ili odbačenih predmeta koji se mogu dovesti u vezu sa izvršenjem krivičnih djela. Poznate su primjene ovakvih pasa prilikom potrage za diverzantsko-terorističkim grupama u svim terenskim uslovima. Sagledavajući nedavne događaje u Kantonu Sarajevo među kojima su na žalost i ubistva policajaca kao i rastući rizik od priliva lica u BiH i Kantonu Sarajevo koji bi mogli predstavljati pored ostalog i sigurnosnu prijetnju, smatram da postojanje ovakve jedinice u sastavu MUP-a Kantona Sarajevo ima svoju svrhu i opravdanje.

Drugu inicijativu pokrećem prema Ministarstvu kulture i sporta Kantona Sarajevo da pruži podršku ideji za organiziranje državnog prvenstva BiH u takmičenju snage, poznatije kao "strong man". Obrazloženje idejni začetnik organiziranja "Strong man" je Nedžmin Ambešković, državni prvak Švedske u ovom takmičenju. Organiziranje ovakvog takmičenja u Sarajevu pored toga što ne predstavlja finansijski zahtjevan korak može predstavljati i začetak i regionalnog takmičenja za koje bi sasvim sigurno bila zainteresirana i šira javnost, što bi pored sportske dimenzije sigurno obogatilo i turističku ponudu Kantona Sarajevo. S obzirom da se radi o jako atraktivnom takmičenju koje ima svoje poklonike, kako u Sarajevu i BiH, tako i širom regiona, smatramo da bi pomenuto prvenstvo značajno upotpunilo ponudu sportskih sadržaja u Kantonu Sarajevo. U prilog inicijative dostavljam kontakt podatke inicijatora i kratak opis takmičenja. Pokušat ću postaviti još jedno pitanje s obzirom na vrijeme: Pod kojim uslovima pružanje i naplate usluga izdata privremena dozvola za obavljanje javnog gradskog prevoza u Opštini Stari Grad i to firmi Centrotrans te da li je navedena firma obavezna omogućiti građanima kupovinu mjesečnih pretplatnih karata pod istim uslovima kao i prethodni prevoznik, odnosno Gras. Obrazloženje: u Općini Stari Grad izdavanjem privremene dozvole u obavljanju javnog gradskog prevoza riješen je veliki problem građana. Pitanje se odnosi na vrstu mjesečnih karata koje Centrotrans prodaje građanima a prije svega za mjesečne karte za nezaposlene osobe. Navedene vrstu karte CTS je izdavao u početku svog poslovanja da bi iznenada prestao prodavati ovu vrstu mjesečnih karata. Obzirom da je prethodni prevoznik Gras u svojoj ponudi imao ovu vrstu mjesečnih karata, postavlja se pitanje da li je s obzirom da obavljaju istu uslugu gradskog prevoza firma CTS dužna građanima omogućiti da kupe ovakvu vrstu karte? Hvala.

Poslanik/zastupnik Amra Junuzović-Kaljić:

hvala predsjedavajući. Srdačan pozdrav svima u Skupštini i građanima Kantona Sarajevo. Kratko ću ovo je inicijativa koja je označena kao rekonstrukcija i modernizacija tramvajske pruge u Sarajevu i dijelu od „S krivine” kod hotela Holidej do Ilidže, prema Ministarstvu saobraćaja. Obrazloženje je sljedeće. Na dijelovima tramvajske pruge od Marin dvora odnosno „S krivine” do stare pravoslavne crkve na Bašaršiji izvršena je rekonstrukcija 2005 godine. Od crkve do Marin dvora 2011. dakle tramvajska pruga od Marin dvora do Ilidže nije rekonstruisana u poslijeratnom periodu i na dijelovima te pruge tramvaji voze veoma sporo radi nesigurnosti iste. Stoga se predlaže Ministarstvu saobraćaja da u skladu sa raspoložućim

sredstvima, a bez obzira na planiranu sanaciju i reorganizaciju KJKP Gras doo Sarajevo krene u rekonstrukciju tramvajske pruge u oba pravca koja može služiti i najmodernijim tramvajima. Kroz središnji dio pruge se može planirati asfaltiranje tog pojasa što se može iskoristiti za saobraćaj vozila posebne namjene, npr hitna pomoć, vatrogasna služba, policija pa i taksi služba itd čime bi se rasteretile postojeće saobraćajnice. Sve bi to imalo veliki značaj za grad, za Kanton, obzirom i na nemogućnost proširenja saobraćajnica na putu od općine Novi Grad ka Ilidži radi neplanske gradnje neposredno uz saobraćajnicu. Hvala lijepo i u pismenoj formi predajem.

Poslanik/zastupnik Damir Marjanović:

hvala vam predsjedavajući. Želim dobar dan kolegicama zastupnicama, kolegama zastupnicima, gledateljima TVSA i svima onima koji nas prate. Danas ću postaviti dva pitanja i pokrenut jednu inicijativu. Prvo pitanje se odnosi na JU Djeca Sarajeva.

Želim da provjerim da li je tačna informacija da Javna ustanova Djeca Sarajeva od kako postoji, od kako je Kanton Sarajevo preuzeo svoje nadležnosti nad njima kao osnivač, nije imala priliku da uđe u posjed ili da stavi na raspolaganje svih 59 objekata, kako je zapisano da ona treba da kontrolira, i to iz razloga da veliki broj tih objekata nikada nisu *de facto* postali i vlasnici zato što nisu riješeni imovinski procesi ili da se nezakonito možda, ili zakonito, ne znam na koji način koriste od različitih privatnih, javnih pa čak i internacionalnih institucija. S tim u vezi izuzetno me zanima i interesuje na koji način pojedini objekti ove JU poput koriste se od strane internacionalnih javnih organizacija poput Francuske, Austrijske, Kineske i Njemačke ambasade?

Također tražim da mi se dostavi sva dokumentacija i o stanju devastiranih, neuslovnih i neuknjiženih objekata kojima upravlja JU Djeca Sarajeva, koji bi trebali biti detaljno analizirani na sljedećoj sjednici Komisije za obrazovanje i nauku. Razlog je vrlo jednostavan. Preko 800 djece se trenutno nalazi na listi čekanja a svi smo dobro upoznati sa problemima u predškolskom odgoju i obrazovanju i nepostojanje određenih kapaciteta. Stoga i neke informacije koje sam čuo, posebno o objektima koji ili nisu u funkciji ili koriste treće osobe, su me poprilično iznenadile.

Drugo pitanje, normalno ovo prvo pitanje prema Vladi Kantona Sarajevo Ministarstvu obrazovanja, nauke i mladih Kantona Sarajevo i normalno prema menadžmentu JU Djeca Sarajeva.

Drugo pitanje je opet prema Ministarstvu obrazovanja nauke i mladih Kantona Sarajevo ali ujedno i UNSA. Da li je tačno da institucionalna akreditacija Univerziteta u Sarajevu koju je dodijelila Agencija za razvoj visokog obrazovanja i osiguranje kvaliteta Bosne i Hercegovine ističe u drugoj polovini 2019 godine? I da li je UNSA spreman za ono što slijedi nakon toga kada istekne. Da pojasnim, izuzetno sam upoznat sa ingerencijama Kantonalnog ministarstva i onog što UNSA može da uradi po ovom pitanju i znam da problem isticanja akreditacije ne možemo da tražimo na kantonalnom nivou, ili eventualno UNSA i ta j problem je na državnom nivou zato što ljudi koji su tamo neodgovorni i ne rade svoj posao, a i političke je prirode problem. I na neki način reflektira se ono što se dešava na relaciji RS-Država i određene ingerencije ministarstava. Ali mislim da Ministarstvo za obrazovanje i UNSA moraju da se pripreme na momenat kada bude istekla ta akreditacija jer postoje određene naznake da će pojedine zemlje iz regiona koje su članice EU insistirati vrlo brzo da se diplome iz BIH zbog nefunkcionalnosti Agencije za akreditaciju ne priznaju na europskom tržištu i to ne zato što su zabrinute za kvalitetu nastave nego zato što jednostavno hoće da nam odvedu djecu iz BIH, da postanu njihovi studenti. Jedan od prijedloga koji bih sugerirao svojim kolegama a i kolegama iz Ministarstva da KS i UNSA razmotre čak opciju ako se ne riješi to u nekom narednom periodu eventualno aplikacije za neku internacionalnu akreditaciju. Možda Austriju ili neke druge zemlje EU.

I na kraju inicijativa, Da se po što hitnijoj, opet nemojte mi zamjeriti ministrice, opet prema

Ministarstvu obrazovanja, nauke i mladih Kantona Sarajevo, ovo vama ide u korist, da se po što hitnijoj proceduri pokrenu aktivnosti na popunjavanju radnih mjesta u Ministarstvu obrazovanja, nauke i mladih Kantona Sarajevo, koje je prema trenutnoj sistematizaciji radi sa 47% kapaciteta tj uposlenika. Veliki je posao pred ovim ljudima, ispod 50% ljudi po sistematizaciji tamo radi, mislim da im se treba pomoći što prije. Izvinjavam se.

Predsjedavajući:

četiri minute kolega Marjanoviću. Do četiri je nekako tolerancija bila prema svima. Molim vas da ne idete ni do četiri, Poslovnik kaže tri minute. Dopredsjedavajuća Danijela Kristić.

Dopredsjedavajuća Danijela Kristić:

zahvaljujem predsjedavajući. Pozdravljam sve prisutne i gledaoce kraj malih ekrana. Ja imam dvije inicijative i dva zastupnička pitanja.

Ovim putem inicijativu da se lijekovi grupe inhibitora protonske pumpe i H² blokatori stave na Esencijalnu listu bez vremenskog ograničenja za dijalizne i transplantirane pacijente koji propisanom terapijom ovlaštenog doktora moraju piti navedeni lijek duže od dva mjeseca. Obrazloženje: trenutno su navedeni lijekovi na Esencijalnoj listi sa ograničenjem od dva mjeseca. Kada su u pitanju lijekovi dijalizni i transplantirani pacijenti ne mogu sebi dozvoliti reduciranje ili neredovno uzimanje terapije kao što je u ovom slučaju za KS stavljeno ograničenje od dva mjeseca za grupu lijekova inhibitora protonske pumpe i H² blokatora kojima su trenutno obuhvaćeni svi pacijenti.

Druga inicijativa, ovim putem podnosim inicijativu za refundiranje troškova prevoza onih pacijenata koji pri odlasku na dijalizu koriste vlastiti prevoz kao što je regulisano u drugim kantonima. Obrazloženje: u Kantonu Sarajevo ima 325 pacijenata koji idu na hemodijalizu. Uslugu prevoza sa hitnom pomoći prošli mjesec je koristilo 220 pacijenata, dok je ostalih 105 pacijenata na hemodijalizu odlazilo svojim privatnim automobilima. Dok u ostalim kantonima pacijenti koji idu na hemodijalizu privatnim automobilima refundiraju te troškove preko blagajne DZ, jer njima prevoz pacijenata na hemodijalizu vrši DZ. Obzirom da je taj dio uređen u drugim kantonima smatram da uz malo dobre volje se može naći modus rješenja i KS te da bi ovim gestom bar malo olakšali onako težak položaj te populacije.

Zastupničko pitanje prema KCUS: koliko je u 2017 i 2018 godini u KC urađeno transplantacija bubrega? Od toliko, koliko je bilo kadaveričnih transplantacija a koliko transplantacija sa živih donora? Broj uspješnih kadaveričnih transplantacija, broj uspješnih transplantacija sa živih donora i broj transplantacija sa smrtnim ishodom.

I zastupničko pitanje za Službu za zapošljavanje: Molim vas da mi dostavite spisak pravnih lica kojima je odobreno upošljavanje uposlenika putem programa sufinansiranja putem Službe za zapošljavanje KS za period 2017 i 2018 godine. Također da li imate informaciju koliko je uposlenika koji su uposleni ovim programima ostalo raditi nakon završenog programa sufinansiranja. Hvala.

Poslanik/zastupnik Bibija Kerla:

Dobar dan svima u sali i gledaocima pored TV ekrana. Ja imam par pitanja. Prvo pitanje danas za Ministarstvo obrazovanja nauku i kulturu mladih Kantona Sarajevo.

Da li su članovi 174. stav 4) i 175. stav 5) Zakona o srednjem obrazovanju kantona Sarajevo, kojima se za sekretare srednjih škola propisuje novčana kazna do 1.000 KM u skladu sa ostalim članovima istog zakona? I po kom pravnom osnovu su sekretari škola odgovorni prekršajno za teže prekršaje navedene u članu 174. istog zakona, iako su prema istom zakonu ti poslovi za koje je predviđeno plaćanje prekršajne kazne u isključivoj nadležnosti direktora škole i nisu u opisu poslova sekretara škole?

Obrazloženje: ovakvom odredbom zakona o srednjem obrazovanju sekretari srednjih škola

stavljeni su u nepovoljni i diskriminirajući položaj u odnosu na sekretera organa uprave, opštinskog vijeća, gradskih vijeća koji ne podliježu obavezi plaćanja novčane kazne za prekršaje.

Imam jedno pitanje za premijera Kantona Sarajevo da li je isplaćena nagrada od 50.000 KM od Vlade Kantona Sarajevo raspisane za dojavu o kretanju Edina Gačića koji je ubijen prilikom policijske intervencije?

Obrazloženje: Vlada Kantona Sarajevo na jednoj od svojih sjednica je donijela odluku o prijedlogu za dodjelu nagrade u iznosu od 50.000 KM za informaciju o kretanju Edina Gačića. Koliko znam javio se mladić koji tvrdi da je na osnovu njegove informacije imenovan i otkriven ubica. Da li će obećana nagrada biti isplaćena ili će to samo ostati na obećanjima a ne bi mi bilo drago da to bude tako jer se bojim da se onda ne okrenemo kriminalcima a ne policiji i onima koji drže red u našem Kantonu.

Imam jedno pitanje za Ministarstvo odnosno za Vladu Kantona Sarajevo, koja Ministarstva su zadužena za izradu izgradnje strategija obdaništa, osnovnih i srednjih škola? Obrazloženje u zadnjih 20 godina, odnosno u poslijeratnom periodu imamo veoma velikih problema oko toga da je mortalitet u odnosu na natalitet u porastu. Veliki broj stanovništva napušta BIH pa samim tim i KS. Pa me interesuje da li i koje Ministarstvo Kantona Sarajevo radi na izradi ove strategije. Hvala lijepa.

Molim usmeni odgovor na sve ovo, a i pismeni.

Predsjedavajući:

Na sva tri pitanja usmeni odgovor?

Poslanik/zastupnik Bibija Kerla:

Jeste.

Poslanik/zastupnik Samir Suljević:

Hvala. Imam zastupničku inicijativu Vladi Kantona Sarajevo, odnosno Ministarstvu za boračka pitanja Kantona Sarajevo. Da se na brdu Žuč, uži lokalitet Golog brda, izgradi spomen obilježje i izvrši uređenje lokacije na kojoj je 27.jula 1993.godine u odbrani grada poginulo 18 pripadnika specijalne jedinice MUP-a R BiH. 26 godina nakon tog događaja na navedenoj lokaciji nema postavljenog spomen obilježja a i sam lokalitet je neuređen i na obilježavanjima preživjelim veteranima i gostima predstavlja problem. Obrazloženje: brdo Žuč je postalo sinonim za oslobađanje grada Sarajeva od agresije u čemu su i pored ostalih učestvovali specijalci Odreda Bosna zajedno sa Prvom slavnom 111. viteškom brigadom Prvog korpusa ARBiH. 27. jula 1993. godine 18 pripadnika specijalne policije MUP-a BiH dalo je svoje živote u odbrani BiH, i svih njenih naroda i građana. Časna borba, hrabrost i uvježbanost bile su njihove osobine, a odbrana BiH u to teško vrijeme uzvišeni zadatak. Hvala.

Poslanik/zastupnik Admela Hodžić:

zahvaljujem predsjedavajući. Pozdravljam sve prisutne kao i naše sugrađane Kantona Sarajevo. Ja imam dva pitanja i jednu inicijativu. Kolega Poturak je već pitao za migrante, problem migracije u Kantonu Sarajevo. Taj problem nije u Kantonu Sarajevo, taj problem je prepušten Općini Hadžića i Centru Ušivak. Moje pitanje glasi za Vladu Kantona Sarajevo zašto nije ništa preduzeto kada je najavljeno 250 migranata koji treba da se vrate u Ušivak. Najavljeno je u tom kontekstu kao da smo ih mi poslali iz Ušivaka pa nam ih oni vraćaju i niko se nije oglasio po tom pitanju. I da li će Vlada Kantona Sarajevo donijeti neku strategiju i plan rješavanja ove migrantske krize da to ne bude samo prepušteno Općini Hadžića. Drugo moje pitanje upućeno ministrici zdrastva Kantona Sarajevo. Molim gospođu Amelu Sofić da mi u zakonom predviđenom roku dostavi odgovor u pisanoj formi a pitanje koje se odnosi na

nedostatak doktora u JU Zavod za zaštitu žena i materinstava Kantona Sarajevo, lokalitet Hadžići. Kada će pacijentice koje su početkom februara ostale bez doktorice ginekologije i akušerstva u Hadžićima dobiti odgovarajuću zamjenu? Na osnovu čega je donesena ovakva odluka i do kada će ovakvo stanje trajati? Obrazloženje: doktorica koja je radila u Hadžićima dobila je premještaj u Saraj polje ali ni do danas nije došla doktorica ili doktor koji bi preuzeli njene pacijentice. Pitaju da li je moralno i etički prvo premjestiti doktoricu pa onda tražiti zamjenu i do kada će ta potraga trajati? Trenutno radi jedan doktor ginekologije te je zbog toga velika gužva i dugo se čeka na pregled. A na stranici Zavoda još uvijek stoji radno vrijeme za prvu i drugu smjenu. Morate imati u vidu da broj pacijenata nije smanjen da bi se broj ljekara smanjivao, kao i to da u toj čekaonici sjede najteži onkološki pacijenti i po nekoliko sati čekaju na pregled. Moja inicijativa, podnosim inicijativu Ministarstvu privrede Kantona Sarajevo za izdvajanje sredstava i regulaciju toka rijeke Zujevine u mjestu Pazarić u dužini oko 900 metara, na području gdje svake sezone kiša u proljeće i jesen dolazi do izlivanja rijeke i poplava što prouzrokuje ogromnu materijalnu štetu i ugrožava ljudske živote stanovnika tog područja. Potrebno je za sanaciju izdvojiti oko 1 milion KM. Zahvaljujem.

Poslanik/zastupnik Neira Dizdarević:

hvala predsjedavajući. Pozdravljam sve prisutne u sali kao i gledatelje ispred malih ekrana. Ja za danas ću delegirati dvije inicijative i dva pitanja. Moja prva inicijativa vezana je ustvari za Zakon koji upravo razmatramo danas na sjednici, a to je Zakon o objavljivanju propisa i drugih općih akata u Službenim novinama Kantona Sarajevo. Tako da podnosim inicijativu prema Ministarstvu pravde i uprave Kantona Sarajevo da pristupi potrebnim aktivnostima kako bi se građanima omogućio slobodan i besplatan, bez naknade, pristup on line svim aktima koje Kanton Sarajevo i njegovi organi objavljuju u Službenim novinama. Dakle, navedena inicijativa ima naravno za cilj povećanje transparentnosti rada organa Kantona Sarajevo kao i mogućnost praćenja i kontrole njihovog rada. U prilog navedenog ističem praksu TK koji je arhivu Službenih novina omogućio dostupnom svojim građanima on line bez naknade. Moja druga zastupnička inicijativa ustvari naslanja se na inicijativu koju sam već pokrenula na prethodnoj sjednici 30.01. a to je ujedno i inicijativa općinske vijećnice Naše stranke, Amele Topuz, a radi se o rekonstrukciji mosta u Halilovićima. Ja danas ponovo apeliram na nadležno Ministarstvo da zaista pristupi krajnje ozbiljno ovoj situaciji zato što je sada već ta situacija alarmantna. Dakle, radi se o mostu o mostu u Halilovićima između kompanije Comtrade i FIS. I također u prilogu dostavljam fotografije sa lica mjesta od jutros gdje ćete vidjeti dakle da je samo pitanje vremena kada se neki nesretan slučaj ovdje može dogoditi. Zastupničko pitanje koje upućujem Ministarstvu zdravlja Kantona Sarajevo vezano je za inicijativu koju je u prethodnom mandatu dosta potencirala Naša stranka, i čak je naravno pokrenula inicijativu za izmjenu predmetne odluke o refundaciji troškova za medicinski potpomognutu oplodnju. Podsjećanja radi, našom inicijativom i intervencijom, dobna granica za žene se pomakla na 40 godina, gdje se dakle refundiraju dva pokušaja vantjelesne oplodnje. Naravno smatramo da to nije dovoljno jer statistike pokazuju da vantjelesna oplodnja često bude uspješna tek nakon pet ili šest pokušaja i na tome ćemo naravno raditi i u narednom periodu, ali da bi smo pristupili tim aktivnostima, potrebna je jedna sveobuhvatna analiza, pa ja molim Ministarstvo da mi dostavi odgovor da li raspolaže podacima o broju izvršenih postupaka vantjelesne oplodnje i uspješnosti istih u Kantonu Sarajevo. Dakle, KC i privatne klinike za period 2015-2018, kao i broju prijevremeno i terminski rođenih beba nakon vantjelesne oplodnje. Molim za informaciju od strane ZZO o broju korisnika prava na refundaciju po osnovu Odluke o refundaciji, te da li KCUS raspolaže potrebnom opremom i resursima za zbrinjavanje trudnoća i novorođenčadi nakon vantjelesne oplodnje, odnosno općenito djece u viskom riziku? Da li je izvjesno da će se potrebe za zbrinjavanjem rizične djece povećati ukoliko i drugi kantoni usvoje slične odluke o

finansiranju vantjelesne oplodnje. I naredno pitanje također za Ministarstvo zdravstva. S obzirom da je to moja inicijativa iz 2016 godine, stomatološke usluge za djecu sa poteškoćama, opet sam dobila informaciju od roditelja da postoje neke poteškoće u pružanju ovih usluga na Stomatološkoj klinici, čak da se pružaju samo jedan dan u sedmici, pa molim za odgovor da li je ovo tačno i ukoliko ima ovih problema, šta je uzrok i kako ih riješiti? Toliko hvala.

Poslanik/zastupnik Vildana Bešlija:

hvala predsjedavajući. Ja imam pet inicijativa. Pokušat ću onako malo brže pročitati, ali i ako ne uspijem sve pročitati, svakako ih dostavljam u pismenoj formi, i na sve postavljene inicijative bih zamolila pismeni odgovor.

Prva inicijativa se upućuje Vladi Kantona Sarajevo a odnosi se na Izmjenu i dopunu Uredbe o uređenju i održavanju zelenih i rekreativnih površina u Kantonu Sarajevo. I to konkretno na član 20. ove Uredbe. Trenutno ukoliko je sportska sprava primjera radi na Vilsonovom šetalištu i na nekoj drugoj lokaciji neispravna za korištenje, građani, pogotovo djeca, ukoliko to sami ne procijene, nisu upoznati s tom činjenicom jer ni na koji način nisu obaviješteni i vrlo lako se može naći u direktnoj fizičkoj opasnosti. Zbog toga je neophodno da se na osnovu zvaničnog mišljenja komisije, koju regulišete ova Uredba, a prije dovođenja u ponovnu funkciju ili prije uklanjanja neispravnih dječjih sprava i rekvizita za igru djece, sportskih rekvizita i zaštitnih ograda nadležno KP jasno označi sve neispravne sprave i rekvizite i tako smanji mogućnost fizičke opasnosti. Predlažem izmjenju i dopunu člana 20. kojim bi se jasno definisali načini djelovanja u ovim situacijama, jer to trenutno nije slučaj. Imamo neki period u trajanju od možda 7 ili 8 dana u kojim se samo navodi da se ta sprava treba dovesti u ispravno stanje ili ukloniti a nema označavanja u tom periodu znaka opasnosti.

Druga inicijativa nju upućujem Ministarstvu komunalne privrede i infrastrukture. Odnosi na da se izvrši nadzor nad provođenjem članova 16. i 23. iste uredbe o uređenju i održavanju zelenih i rekreativnih površina u Kantonu Sarajevo, kojima je regulisano postavljanje i održavanje informativnih panoa na dječjim, sportskim i postojećim igralištima. Također, molim da se dostavi i informacija o sprovedenom nadzoru, i to na način da se dostavi:

- a) naziv dječjeg/sportskog igrališta;
- b) lokacija dječjeg/sportskog igrališta (općina i tačna lokacija);
- c) investitor;
- d) izvršitelj radova;
- e) nadležno komunalno preduzeće kome je dječje/sportsko igralište dato na održavanje.”

Ne treba posebno spominjati da vrlo brzo ide lijepo vrijeme i pogotovo će biti još više korištena ta dječja igrališta. Ono što je sporno ovdje što sam ja uočila da zaista nisam vidjela da su ili u manjem broju a sigurno nisu sva dječja igrališta propisno obilježena sa informativnom tablom na kojoj se nalaze potrebne informacije kako postupiti u nekim neželjenim situacija i tako da smatram neophodnim da se ovi informativni panoi redovno postavljaju i održavaju, kako se više nikada ne bi ponovio slučaj tragično poginulog 12-godišnjeg dječaka na sportskom igralištu na Dobrinji gdje se danima nakon pokušavalo doći do odgovornih i nije se znalo da li je igralište u vlasništvu općine i pod upravom JP Lokom ili je za njega odgovoran Kanton Sarajevo i njegove institucije i JP. Važno je napomenuti da Uredba čiju izmjenju iniciram nastala nakon pomenutog tragičnog događaja ali se ona na žalost ne sprovodi u potpunosti. Informacije poput naziva investitora ispravnosti sprava i rekvizita mislim da su posebno važne i da se treba to što prije uraditi. Hvala vam.

Poslanik/zastupnik Haris Pleho:

zahvaljujem predsjedavajući. Prije svega želim sve srdačno da poselamim i pozdravim kao i gledaoce pored malih ekrana. Imam dva zastupnička pitanja koja upućujem prema

Ministarstvu obrazovanja. Prvo pitanje, molim vas da mi odgovorite šta namjeravate poduzeti da se ukine Odluka školskog odbora Srednje škole poljoprivrede, prehrane, veterine i uslužnih djelatnosti koja je omogućila da direktor škole koristi putničko vozilo škole u trajanju od 24 sata? Napominjem da ovu odluku ne posjeduju niti ministri u Vladi.

Drugo pitanje ću samo predati i svakako tražim odgovor u pisanoj formi. Hvala.

Poslanik/zastupnik Bilsena Šahman:

zahvaljujem predsjedavajući. Pozdravljam sve prisutne i gledaoce kraj malih ekrana. Imam jednu inicijativu, dva pitanja i još jedan moj odgovor. Pitanje za Ministarstvo zdravstva šta se dešava sa prijedlogom za proširenjem dijaliznih kapaciteta. Znamo da je 335 pacijenata na dijalizi. Od toga 40 je u četvrtoj smjeni. Da pacijenti moraju doći dva sata prije i dva sata poslije dijalize moraju čekati, da su uslovi nehumani i neetični. Zašto se ne pokrene javno-privatno partnerstvo koje imamo i u RS 12 centara, u ZDK i SBK, gdje je već to organizovano i mislim da je to jedini način da se pomogne takvim pacijentima.

Drugo pitanje je za komesara Halilovića da dostavi podatke o broju činovanih policajaca u toku proteklih pet godina, posebno ratnih veterana koji su otišli u penziju bez mogućnosti da napreduju. Kako je moguće da policajci odu u penziju a da nisu uspjeli dobiti niti jedan čin?

Inicijativa za formiranje Fonda solidarnosti za pomoć djeci oboljeloj od rijetkih bolesti i liječenju u inostranstvu. Fond bi se finansirao izdvajanjem od plate svakog radnika (ukoliko to radnik neće, može pismeno da se izjasni) i od donacija. Fond solidarnosti bi bio u okviru Zavoda zdravstvenog osiguranja KS jer takvi lijekovi su skupi i nisu registrovani. Interventno se uvoze. Ova inicijativa je prošla Parlament FBiH, međutim Federalno Ministarstvo zdravstva nije imalo sluha i oglušilo se na naše zahtjeve za formiranje radne grupe koja bi to odradila. Zato molim Ministarstvo zdravstva da formira tu grupu, u koju se i ja mogu uključiti jer već imam pripremljen nacrt takvog Zakona.

Sada jedan odgovor kako smo imali prošlu skupštinu i pitanja za KCUS za finansijski izvještaj, ovo bih svrstala u rubriku vjerovali ili ne jer smo nazvani ljudi koji nemaju pojma o toj materiji. Moje pitanje je bilo direktorici za intelektualni kapital koji su izgubili? I to spada u finansijski izvještaj i očigledno da ne zna da je to najznačajniji, jer je tražila da se ja lično izjasnim o tome, najznačajniji organizacioni resurs kojeg čine ljudski kapital, definisan kao znanje, iskustvo, sposobnost i umijeće. Mjerenje intelektualnog kapitala je veoma odgovorna, kreativna i kompleksna aktivnost menadžmenta, naravno za menadžment koji to zna da uradi. Godine školovanja od osnovne do fakulteta, doktorata, godine iskustva, urađenih operacija, radova, itd. Mene koja imam 15 godina rukovodnog iskustva u zdravstvu i u javnom i u privatnom sektoru nije nimalo simpatično bilo da direktorica najveće zdravstvene ustanove ne zna da se intelektualni kapital može izračunati i ovaj primjer te press konferencije će se sigurno nekada izučavati pokazivati kako ne treba raditi, i da smo odlaskom ljudi iz KC izgubili milione KM i da će proći decenije da se stanje popravi. Meni je zaista stalo do našeg zdravstva, do naših građana, do naših pacijenata i naših zdravstvenih radnika i mislim da je na nama odgovornost za ovakvo nešto da dopuštamo da se ovakve stvari dešavaju i da se na ovakav način mi ovdje svi prozivamo.

Poslanik/zastupnik Zvonko Marić:

zahvaljujem predsjedavajući. Molim usmeni odgovor ministra Filipovića ili Kovečevića, sasvim svedeno ministra finansija i stambene politike, ako je moguće da mi usmeno odgovore na sljedeće pitanje, da mi se pojasni informacija o doznačenim sredstvima Općini Novi Grad za potrebe sanacije stanja na deponiji Smiljevići koji su prema navodima medija utrošeni nenamjenski u druge svrhe. O kolikom iznosu je riječ i ostale detalje, da li je to sukladno Zakonu ili strogo propisano zakonima da se ne može sredstva doznačena iz Ministarstva finansija ili Kantona Sarajevo mogu upotrebljavati u neke druge svrhe. Ovo vam govorim iz prostog razloga što o deponiji Smiljevići, koja je u kritičnom stanju, smo

razgovarali i na tematskoj sjednici povjerenstva ili komisije kojom ja predsjedavam. Druga stvar, evo kolegica Neira Dizdarević je upravo predložila otprilike ono što sam ja želio predložiti. Ne bih da ponavljam te stvari ali radi se o vantjelesnoj oplodnji. Mi znamo i svjedočili smo u proteklom mandatu da je Naša stranka pokrenula čak i Zakon u kojem je stajalo da je ta granica za vantjelesnu oplodnju 38 godina, sada vidim da je 40. međutim ja ponavljam što sam i onda rekao, da tu granicu ne treba postavljati, naprosto to trebaju odrediti stručnjaci jer svako pitanje koje je osjetljivo poput ovoga ne treba stavljati bilo kakvu barijeru odnosno nešto što asocira na diskriminacija, prema tome neka stručnjaci odlučuju o tako nečemu jer znam osoba koje su i u 43 godini imale čak porod prirodnim putem. I na koncu, kolegica Bibija Kerla je pokrenula pitanje da li je dodijeljena nagrada koja je bila predviđena u iznosu od 50.000 KM za davanje informacija o četverostrukom ubici Gačiću. Koliko znam da još uvijek nisu podijeljena ta sredstva iz prostog razloga što postoje određene dileme ko je prvi dojavio tako nešto. To je vrlo upitno i davanje i raspisivanje ove nagrade ali ne bih da to bude tema ove moje inicijative, već naprosto bojim se da ćemo na ovaj način svako odgovoran i civiliziran u ovome društvu je dužan da da takvu informaciju i mislim da ne trebam se vraćati po takvim manirima u vrijeme divljeg Zapada kada su bile ucjene i stvaranje lovaca na ucijenjene glave živ ili mrtav toliko i toliko novaca. Zato pokrećem inicijativu ako su sredstva već odobrena da se sredstva ravnomjerno rasporede obiteljima ili porodicama ili familijama kako god hoćete ubijenih policajaca dvojice, pa onda potom i ovog trećeg policajca. To ne može nadomjestiti gubitak tim obiteljima, ali sasvim sigurno da će biti najpravednije s obzirom da postoje dileme ili trileme koje se odnose na to ko je prvi dojavio, jer barem tako iz nadležnih institucija su govorili da postoje neki ljudi. I znamo za onaj svojevrsni video koji smo svi gledali i prema tome, ako postoji ta dilema i ne postoji jedinstven stav ko je, da se ova sredstva dodijele ovim porodicama. Hvala.

Poslanik/zastupnik Segmedina Srna Bajramović.

Zahvaljujem predsjedavajući. Pozdravljam sve prisutne. Ja sam svoja dva zastupnička pitanja već u potpunoj, cjelovitoj formi dostavila skupštinskim službama. Pokušat ću ispoštovati vrijeme od 3 minute i skratila sam ovo usmeno izlaganje. Prvo moje pitanje ponukano je situacijom sa kojom se po ko zna koji put suočavaju oboljeli od karcinoma, pa ovih dana, koji u bolnicama dobijaju odgovore da citostatika nema, da ih moraju sami nabaviti, a iz ZZO i reosiguranja FBIH za sve krive proces javnih nabavki, dobavljača ali i proizvođača lijekova. Problem s nestašicom lijekova nije od jučer, on traje već dugo, tako da je očigledno da je ovaj način organizacije, planiranja i nabavke lijekova za onkološke pacijente potpuno pogrešan, te je očigledno jasno da ga je neophodno promijeniti a sve sa ciljem poboljšanja liječenja onkoloških pacijenata. ZZO FBIH obavezan je provoditi postupke javnih nabavki za svaki lijek, to smo čuli posljednjih dana više puta, pa i za citostatike u skladu sa Zakonom o javnim nabavkama i potpisati ugovore o nabavi i isporuci lijekova sa ugovornim veledrogerijama, dobavljačima, koji se obavezuju između ostalog i na kontinuiranu isporuku ugovorenih lijekova. Nakon potpisivanja takvih ugovora Zavod nema mogućnost za nabavku lijeka od drugih dobavljača u slučajevima kada je lijek deficitiran pa i slučajevima kada na tržištu postoji generička paralela drugog proizvođača. Dok traje nestašica tih citostatika Federalni zavod refundirat će troškove za lijekove koje moraju sami nabavljati, ali je pitanje da li ti pacijenti imaju novac za kupiti tako skupi lijek. Očigledno je da se za funkcionisanje Fonda solidarnosti koji se iz godine u godinu suočava sa sve većim problemima moraju hitno tražiti drugačija sistematska rješenja. Zamolila bih stoga našu Vladu i resorno Ministarstvo da se uključi u ovaj proces. Da se svojim kapacitetima a u saradnji sa nadležnim institucijama i Vladom FBIH pokuša pomoći u reformisanju očigledno pogrešno postavljenog sistema koji iz godine u godinu ponavlja svoje slabosti kroz utvrđivanje odgovor na sljedeća pitanja, na koji način se vrši procjena nabavke citostatika, te da li je moguće izvršiti nabavke određenih rezervi lijekova kako nam se ovakva situacija ne bi ponavljala iz godine u godinu. Da li Vlada

FBIH može uplatiti svoj dio obaveza po pitanju Fonda solidarnosti pa da se osiguraju nedostajuća sredstva kojim će se nabaviti odgovarajuće rezerve lijekova, i da li postoji mogućnost da Agencija za javne nabavke izvrši određenu intervenciju kroz prioritetno rješavanje ovakvih postupaka ili eventualno izradu uputstva po kojim će se ovakvi postupci, od kojih ovise životi ljudi, učiniti efikasnijim nego što je slučaj zadnjih godina. Na drugo pitanje evidentno neću moći preći, samo ću napomenuti i onako oba iziskuju usmeni odgovor i konkretno djelovanje. Odnosi se na trenutno postupanje sa nus proizvodima i otpadom životinjskog porijekla.

Poslanik/zastupnik Jasna Duraković:

zahvaljujem predsjedavajući. Srdačno pozdravljam sve prisutne u sali, kao i građane i građanke Kantona Sarajevo. Ja imam za današnju sjednicu pripremljena tri zastupnička pitanja, tačnije nekoliko pitanja ali na tri različite adrese. Prvo pitanje se odnosi na upućujem i vama predsjedavajući, kao i rukovodstvu ovom doma, kada ćemo konstituisati etičku komisiju koju smo imenovali čini mi se na protekloj radnoj sjednici, jer čini mi se da će njen rad zaista biti neophodan u narednom periodu. To je jedno. Pod dva imala sam isto, gotovo identično pitanje kao i kolega Marjanović, tako da se neću ponavljati, a evo prisutna je i uvažena ministrica pa mislim da možemo dobiti odgovor kroz komisiju za obrazovanje i nauku. I moje treće zastupničko pitanje zahtjeva određeno obrazloženje ali evo bit ću kratka pošto imam još uvijek vremena. Naime, Skupština Kantona Sarajevo je usvojila Vlada Kantona Sarajevo primijenila mjere za rješavanje pitanja zagađenosti. Postavlja se pitanje koliko su te mjere efektivne i da li zaista daju rezultate. Najočitiji primjer dugoročnog ugrožavanja ljudskog zdravlja i života kroz zagađenje zraka imaju građani u Vogošći u Kantonu Sarajevo. A to je uzrokovano korištenjem privatnih ložišta i dima koji ulaze u njihove stanove korištenjem upravo privatnih kotlovnica i ložišta. Pored toga moram spomenuti najvećeg zagađivača zraka, a to je preduzeće Bags energotehnika d.d. Vogošća koje još uvijek radi na bazi tehnologije iz 1974 godine. Mi vrlo dobro znamo šta to znači a toliko je neriješenih problema oko ovog zagađivača, počev od statusnih pitanja, imovinskih, vlasničkih i stalno evo čekamo da Vlada ponudi neko rješenje kako bi se štetnost kvalitet zraka u Općini Vogošća konkretno neutralizirala ili svela na najmanju moguću mjeru. Danas neću otvarati problem finansiranja ovog zagađivača od strane Vlade Kantona Sarajevo ali ću svoje pitanje preusmjeriti na stanare u ulici Tome Mendeša u Vogošći koji cijelu zimu proživljavaju torturu jer se u privatnom objektu ispred zgrade koristi privatno ložište jačine 35 kw. Dakle mještani tvrde da se u ovoj kotlovnici loži ugalj, loži smeće, fotografski papir. Napomenut ću samo štetnost fotografskog papira. Za njegovu izradu se koriste supstance kao što su tatani, dioksid, barit koji u kontaktu sa vatrom mogu izazvati gušenje, bronhitis i teške plućne bolesti. U stambenoj zgradi u pomenutoj ulici živi preko 100 stanara, među njima su i trudnice i djela, njih skoro 30. dakle nalazi pokazuju da su jedno dijete i majka u ovoj stambenoj jedinici zbog štetnih uticaja dima iz privatnih ložišta koji ulaze u njihove stanove oboljeli čak i od težeg oblika bronhitisa. Zato postoje ljekarski nalazi. Stanari su se obraćali opštinskoj ekološkoj inspekciji, oni su ih uputili kantonalnoj inspekciji, kantonalna okolišna inspekcija im je kazala kako to nije predmet njihovog djelovanja i uputili su ih eko policiji. Ni eko policija se s ovim ne bavi, već su ih prosljedili dalje protupožarnoj inspekciji MUP-a Kantona Sarajevo. Dakle iz ove inspekcije mogli su samo naložiti čišćenje dimnjaka. Inspekcija je konstatovala da se zagrijavanje privatne jedinice koristi ugalj. Dakle ovaj problem se ne rješava. Moje pitanje je upućeno kantonalnoj inspekciji za okoliš, Ministarstvu za okoliš i prostorno uređenje, Ministarstvu zdravstva Kantona Sarajevo i kome već treba da se ovo pitanje konačno riješi. Ko je odgovoran za ugrožavanje ljudskog života, za ovo zagađenje? Zašto u nadležnim kantonalne okolišne inspekcije ne postoji kontrola kao i kaznene odredbe za privatna ložišta. I na kraju hoće li se konačno ovo promijeniti i kada možemo očekivati od Vlade Kantona Sarajevo da ovaj problem riješi?

Predsjedavajući:
kolegica Srna Bajramović intervencija, izvolite.

Poslanik/zastupnik Segmedina Srna Bajramović:
zahvaljujem predsjedavajući. Ja bih zaista zamolila da se držimo vremena od 3 minuta. Ja ne znam ko se držao još tog vremena danas. Može se uvijek dostaviti u pisanoj formi. Ako smo upozorili na to da budemo korektni jedni prema drugima, a evo već smo i na početku rekli, i znamo koliko nas posla očekuje. Mislim pitanja se mogu dostaviti, šira obrazloženja skupštinskim službama i nema potrebe, imala sam i ja štošta za reći i odustala sam od obrazlaganja svog drugog pitanja. Zahvaljujem.

Predsjedavajući:
zahvaljujem. Na mjestu vam je primjedba. Ja upozoravam na 3,30, tolerišemo do 4 kako bi smo se ko biva malo uigrali a vi sve više koristite ovo do 4. tako da ovo ćemo još danas pa onda ćemo na 3 gasiti od iduće sjednice, a to ću napomenuti kada sjednica krene. Zastupnica Arijana Memić ima riječ. Tri minute.

Poslanik/zastupnik Arijana Memić:
zahvaljujem predsjedavajući. Pozdravljam sve prisutne gledaoce kraj malih ekrana. Ja imam dva zastupnička pitanja i jednu inicijativu. Moje prvo zastupničko pitanje upućeno je JU Studentski centar Sarajevo. Moli vas da mi dostavite informaciju o broju zaposlenih radnika na određeno i neodređeno vrijeme u JU Studentski centar u periodu 2018-2019 godine, te da li su provedene konkursne procedure prilikom navedenog zapošljavanja? Posjedujem informacije da je došlo do navedenog zapošljavanja bez odobrenja Vlade Kantona Sarajevo unatoč moratoriju na zapošljavanje što predstavlja direktno kršenje odluka Skupštine Kantona Sarajevo i Vlade Kantona Sarajevo. Drugo zastupničko pitanje upućeno je također JU Studentski centar Sarajevo. Molim vas da mi dostavite informaciju da li su radnici koji su primljeni u radni odnos u 2018 i 2019 godini primani na jedno radno mjesto a nakon zasnivanja radnog odnosa raspoređeni i potpisali ugovore na druge radne pozicije koje nisu bili predmeti raspisanih konkursa ili eventualne saglasnosti za popunu tih radnih mjesta. Imam jednu inicijativu upućenu Ministarstvu saobraćaja. Pokrećem inicijativu za obnovu i rekonstrukciju trolejbuske mreže od raskrsnice kod bivše zgrade Američke ambasade do naselja Šip. Realizacijom ove inicijative bi se uspostavio trolejbuski saobraćaj do ovog novoizgrađenog naselja koje svaki dan ima sve više stanovnika, te ujedno iskoristila postojeća infrastruktura, odnosno stubovi. Korištenje trolejbusa i svih drugi prijevoznih sredstava na strujni pogon u razvijenom svijetu je trenutno ekološki najprihvatljiviji oblik gradskoj prijevoza. S obzirom da su u toku pripreme za implementaciju projekta izgradnje kružnog toka u naselju ŠIP realizacija ove inicijative bi se mogla nasloniti na pomenuti projekat kroz eventualno doprojektovanje a time i iskorištavanje ovog kružnog toka kao okretnice za ovo gradsko prevozno sredstvo. Inicijativa bi se mogla realizirati u saradnji sa kantonalnim Ministarstvom saobraćaja i KJKP Gras u čijem bi poslovnom interesu bilo proširivanje korištenje gradskog prijevoza i do ovog naselja. Također bi se njena realizacija mogla smatrati prvom fazom sanacije kompletne trolejbuske mreže na nekadašnjoj relaciji prema općini Vogošća. Koristi od realizacije ove inicijative bi imali stanovnici novoizgrađenog naselja ali i svih drugih susjednih naselja koji od okončanja agresije nemaju redovan gradski prijevoz. Neophodno je istaći da bi se realizacijom ove inicijative značajno unaprijedio kvalitet života stanovnika jer bi na najjeftiniji način bili uvezani sa svim drugim dijelovima grada. Posebno bi to bilo bitno učenicima, studentima, redovno aktivnom stanovništvu a posebno penzionerima koji isključivo koriste subvencionirane kupone gradskog prijevoza. Sigurno bi to doprinijelo i smanjenju upotrebe vlastitih motornih vozila koji su najveći uzročnici

zagađenja zraka u našem gradu. Hvala.

Poslanik/zastupnik Jasmina Bišćević-Tokić:

hvala predsjedavajući. Evo ja za danas imam dva zastupnička pitanja. Prvo se odnosi za Ministarstvo obrazovanja, našoj uvaženoj ministrici. Da li je tačna informacija da se mimo svih propisanih procedura, mimo Pravilnika o prijemu djece u JU Djeca Sarajeva i javnog poziva za prijem za pedagošku 2018/19 godinu uprava ustanove je formirala komisiju koja je vršila razgovore da roditeljima djece sa poteškoćama u razvoju kako bi ih usmjerila gdje da dijete krene u vrtić. Do pred sami početak školske godine ti roditelji nisu imali informaciju šta je sa prijemom da bi u augustu mjesecu bili pozvani na razgovor od strane imenovane komisije što nije slučaj sa roditeljima zdrave djece. Koji je pravni osnov za sazivanje samo roditelja djece sa poteškoćama u razvoju. Tražim od Ministarstva obrazovanja nauke i mladih Kantona Sarajevo i prosvjetne inspekcije da izvrše nadzor nad ugovorima kojim se sada regulišu prava i obaveze ustanove i korisnika usluga te da mi pismenim putem dostave sljedeće podatke na osnovu koje odluke je imenovana spomenuta komisija i ko su članovi te komisije? Obrazloženje: na osnovu Konvencije o pravima osoba sa invaliditetom članom 24. države potpisnice priznaju pravo osoba sa invaliditetom na obrazovanje. U svrhu ostvarenja ovog prava bez diskriminacije i na osnovu jednakih mogućnosti države potpisnice osigurat će sve obrazovanje na svim nivoima među kojima i Kanton Sarajevo. Ni jedno dijete ne smije biti diskriminirano ni po kojem osnovu a pogotovo ne medicinskom. I imam drugo zastupničko pitanje upućeno našem uvaženom premijeru gospodinu Forti. Da li je tačna informacija da ministar unutrašnjih poslova gospodin Admir Katica ima dodatak na platu od 30%, kao što imaju službenici sa posebnim ovlaštenjima, a znamo da on to nije, te sa tim dodatkom mjesečno prima platu više od 4000 KM, što su veća primanja i od premijera Kantona Sarajevo i od premijera Federacije. Tražim da mi se dostave pismenim putem sljedeći podaci, ko je odobrio takvu isplatu primanja i na osnovu kojih zakonskih regulativa? Hvala.

Poslanik/zastupnik Damir Nikšić:

zdravo. Ja ću brzo proletiti kroz ovo i tražit ću pismeni odgovor ne mora ništa usmeno. Zastupničko pitanje resornom ministru šta se desilo sa naknadama za tuđu njegu i pomoć koju su djeca koja imaju potrebu za tom vrstom pomoći do sada redovno primala? Pitanje je na koji način i kada se ovom problemu planira sistemski pristupiti jer prema informacijama koje imam roditelji čija djeca poteškoće zajedno sa svojom djecom su doslovno dovedeni u situaciju da budu građani drugog reda. Tako su mi se obratili građani.

Drugo pitanje Etičkom komitetu Psihijatrijske bolnice Kantona Sarajevo i Zavodu za bolesti ovisnosti Kantona Sarajevo molim vas da mi sa kako stručnog tako i etičkog aspekta odgovorite da li je moguće da zdrava osoba stekne psihičke smetnje kao rezultat konstantnog i sistemskog ne fizičkog, već psihičkog maltretiranja na radnom mjestu ili npr u obrazovanoj instituciji? Da li mislite da psihosocijalna atmosfera u školskim i drugim institucijama a naročito mobing mogu uticati na mentalno zdravlje građana do te mjere da im je kao žrtvama isto potrebna pomoć vaših institucija. Ovdje imam zastupničko pitanje, roditelji maloljetnog djeteta pita resornu ministricu da li su osnovne škole u Kantonu Sarajevo u obavezi poštovati odredbe protokola o postupanju škole u situacija nasilja na koje je saglasnost dalo Ministarstvo za obrazovanje i nauku mlade Kantona Sarajevo i kada će Ministarstvo odgovoriti na dopise i dokaze roditelja učenika u kršenju propisa i Zakona od strane direktora OŠ Malta. Imam tu i obrazloženje, imam sve. Ne bih sada koristio vrijeme da. Imam malo vremena. Onda pitanje resornom ministru policijskom komesaru koliko je policija u Kantonu Sarajevo kada se o savremenim pojavama na internetu radi, slično pitanje je kao maloprije postavljeno, ovih dana su mi građani skrenuli pažnju na postojanje alarmantnog broja ultradesničarskih i militantnih grupa i pojedinaca na društvenim mrežama koji pored vatrenog i

hladnog oružja promovišu određene ideološke sadržaje koji obiluju govorom mržnje i porukama vjerske etno nacionalne mržnje a čije su mete i neki zastupnici u ovoj Skupštini kao i sami članovi Vlade. Ja sam veliki pobornik slobode govora, ali kada dođe do oružja i svega toga, malo se bojim. Tako da se pitam gdje i kako najefikasnije građani mogu prijaviti konkretne fizičke prijetnje i prijetnje smrću. Moram reći da jutros su mi došli na vrata i zamolili me da dođem na razgovor. Znači sve je u redu, policija je reagovala. Ali ne do jutros. Imam inicijativu da li bi resorno Ministarstvo moglo organizovati određenu aktivnost, medijsku kampanju u svrhu edukacije obrazovanja raznih generacija, korisnika interneta u postupcima u ovakvim slučajevima. I da li postoji zapravo ikakav odjel koji se bavi skeniranjem terorističkih aktivnosti na internetu? Imam pitanje pa ću ga predati. I još pitanje Vladi Kantona Sarajevo, zamolili su me građani da to kažem, pitam koji su projekti do sada provedeni i koje projekte planira ova Vlada u cilju motivisanja Sarajlija na povratak u Sarajevo ili motivisanja Bosanaca i Hercegovaca svih nacionalnosti da izaberu Sarajevo za svoj budući dom s obzirom da se radi o njihovom glavnom gradu. Popis iz 2013 pokazao je drastačina pad broja Srba i Hrvata u Sarajevu u odnosu na popis iz '91. Šta je urađeno i šta se namjerava uraditi da se ovi brojevi približe onima iz '91 i za koliko planirate povećati ove brojeve djelovanjem do idućeg popisa koji bi se trebao provesti 2021 ili najkasnije 2023 godine? Obrazloženje: postoje naznake da je to naša ustavna a i ljudska obaveza. Hvala.

Poslanik/zastupnik Hamed Aljović:

zahvaljujem predsjedavajući. Selamim i pozdravljam sve prisutne. Moje prvo pitanje je upućeno prema Ministarstvu za obrazovanje, nauku i mlade Kantona Sarajevo. Molim Ministarstvo za obrazovanje, nauku i mlade Kantona Sarajevo da mi odgovori kada će resorno Ministarstvo i ministrica koristiti zakonske ovlasti za smjenu v.d. direktorice JU Djeca Sarajeva koja grubo krši Zakon i ima više od jednog mandata v.d. te ustanove. Obrazloženje: spomenuta direktorica Jasmina Čongo je već šest mandata v.d. direktorica JU Djeca Sarajeva. Smatram da je to u suprotnosti sa zakonom o osnovnom odgoju i obrazovanju. Drugo pitanje, isto upućeno prema Ministarstvu za obrazovanje, nauku i mlade Kantona Sarajevo. Molim Ministarstvo za obrazovanje, nauku i mlade Kantona Sarajevo da mi odgovori za koje namjene su planirana sredstva u iznosu od 1,8 miliona KM koja se nalaze na poziciji budžeta Ministarstva za obrazovanje za 2019 godinu na budžetskom kodu 614300 pod nazivom implementacija strategije realizacija zaključaka Skupštine Kantona Sarajevo za rad sa djecom sa poteškoćama u razvoju. Zahvaljujem.

Poslanik/zastupnik Elvis Vreto:

hvala predsjedavajući. Koristim priliku da pozdravim sve prisutne predstavnike medija, gledaoce kraj malih ekrana. Ja ću se malo prije nego što podnesem jednu inicijativu osvrnuti na odgovor koji sam dobio od Ministarstva saobraćaja. Moram priznati da sam to shvatio ka informaciju, a ne proces kako doći do realizacije te inicijative. Radi se o komercijalnoj liniji Hrasnica Vijećnica. Mislim da kroz ovaj odgovor što sam dobio su hronološki nabrojani podaci šta se dešavalo iz prošlosti. Poziva se na Pravilnik iz 2009 i na komisiju koja se sastajala 2016 godine, pa molim Ministarstvo da progresivno djeluje kako bi inicijativa koja je nužnost zbog lošeg javnog prevoza bila privremeno stavljena u funkciju.

Imam jednu inicijativu za danas prema Ministarstvu zdravstva, JU Domovi zdravlja Kantona Sarajevo da se hitno izvrši rekonstrukcija krova zgrade JU DZ Ilidža kao i sanacija unutrašnjeg prostora zbog posljedica prokišnjavanja. Krov je u jako lošem stanju što šteti postojećoj betonskoj konstrukciji, odnosno zidovima koje koristi medicinsko osoblje kao i pacijenti. Uzimajući u obzir da su ugroženi osnovni uslovi za rad u pružanju usluga građanima, korisnicima zdravstvenih usluga, kao i da je OJ DZ Ilidža pruža primarnu zdravstvenu zaštitu za 62.239 stanovnika molim vas da se hitno interveniše i u što kraćem roku realizuje ova inicijativa. Na ovu inicijativu također želim pismeni odgovor o dinamici i

načinu rješavanja realizacije. Ovu inicijativu je također pokrenuo vijećnik u Opštinskom vijeću Ilidža Amar Bungur. Vjerovatno je u procesu tako da iz Opštinskog vijeća imate istu inicijativu. Toliko predsjedavajući hvala.

Poslanik/zastupnik Igor Stojanović:

hvala predsjedavajući. Ja imam jedno pitanje i postavljam ga Zavodu za planiranje i odnosi se na naselje Zabrdje, Smiljevići. Moje pitanje glasi s obzirom da se tu nalazi deponija Smeća i s obzirom da smo ne tako davno imali više problema vezano za zdravstveno stanje građana koji žive u blizini ovog naselja, također je primijenjen i plan koji bi trebao da sanira procjedne vode, da utiče i na nesnosan smrad u okolnom naselju, koji ugrožava zdravstveno stanovnike, tražim informaciju od Zavoda za planiranje s obzirom da postoje indikacije da je pokrenuta inicijativa da se na ovom lokalitetu izgradi sportska ploha pa me zanima da li je istina da pokrenuta inicijativa i da se već ušlo u projekat izgradnje sportske plohe na ovom lokalitetu-. Također me zanima koliko je uloženo sredstava u plastenike za poljoprivredu na ovoj lokaciji. Za mene je sasvim nelogično da imamo ulaganje od strane opštine u plastenike i u sportsku plohu na jednom području koje ugrožava zdravlje stanovnika. Želim imati tu informaciju da bih pripremio neku svoju narednu inicijativu. Hvala.

Predsjedavajući:

Zahvaljujem kolega Stojanoviću.

Ako nema više prijavljenih, ja bih iskoristio pravo i pokrenuo dvije inicijative, jednu ste dobili u pisanoj formi i molit ću da se Skupština o njoj izjasni. Podnosim inicijativu za stavljanje van snage Zaključka Skupštine Kantona Sarajevo kojim se zabranjuje zapošljavanje u svim ustanovama, fondovima, zavodima i ostalim institucijama čiji je osnivač Kantona Sarajevo. Od Vlade Kantona Sarajevo tražimo da nastavi sa strogom kontrolom zapošljavanja u javnom sektoru nadzirući moratorij koji je na snazi. Obrazloženje. Imajući u vidu nedavno donesene odluke Vlade Kantona Sarajevo posebno odluku o uspostavi Registra zaposlenih u javnom sektoru kao i Uredbu o zapošljavanju ali i izmjene Zakona o radu FBIH, čime je uspostavljen funkcionalan sistem nadzora i kontrole, osigurani transparentni procesi zapošljavanja u javni sektor, cijenim da prestaje potreba sa zaključkom ove Skupštine o zabrani zapošljavanja na neodređeno. Pa predlažem da isti stavimo van snage. Također, prema informacijama koje su došle do skupštinskih zastupnika trenutnim moratorijom su zaustavljeni vrlo značajni procesi zapošljavanja, čak u pravosuđu jer Vlada nije mogla dati saglasnost. Tako primjera radi, već duže vrijeme se ne postupa po zahtjevu kantonalnog suda kojim se traži saglasnost za prijem stručnih saradnika za rješavanje zaostalih predmeta. Vodeći računa o činjenici da bi sudska, izvršna i zakonodavna vlast morale biti neovisne jedna od drugoj Vlada je dovedena u vrlo neugodan položaj zbog nemogućnosti da postupi po navedenom zahtjevu. Ponavljam, sada kada će se sva zapošljavanja u javnom sektoru vršiti putem javnog konkursa uz jasno uspostavljena pravila provođenja konkursne procedure, iz uspostavljen sistem nadzora i kontrole te uz i dalje neophodnu saglasnost resornih ministarstava i Vlade ne vidi se potreba, gubi se svrha skupštinskog zaključka. Molit ću da se o ovome zastupnici izjasne. Materijal je podijeljen u pisanoj formi.

Druga inicijativa je upućena Vladi Kantona Sarajevo, Ministarstvu pravde i uprave. Pokrećem inicijativu za izradu Zakona o nepotizmu i stranačkom zapošljavanju u organima uprave i ostalim institucijama čiji je osnivač Kanton Sarajevo. Svjedoci smo zloupotreba izabranih i imenovanih zvaničnika koji u toku svojih mandata u javni sektor zapošljavaju članove svojih stranaka, aktiviste, rodbinu te na taj način nanose veliku štetu sa nesagledivim posljedicama. Bitno je ovim zakonom utvrditi odgovor i sanaciju za sve one koji javnu funkciju koriste za nepotrebno zapošljavanje po stranačkim i rođaćkim linijama.

Nema više prijavljenih. Imao je dopredsjedavajući sugestiju jednu, meni je to saopštio.

Dopredsjedavajući Vior Handžić:

zahvaljujem predsjedavajući. S obzirom da se javljam prvi put srdačno pozdravljam sve prisutne i one koji na bilo koji način posmatraju rad današnje Skupštine. Ja imam samo dopunu ili dodatak vašoj prvoj inicijativi koja se odnosi na skidanje zaključka Skupštine Kantona Sarajevo a to je da u cilju dalje transparentnosti cijelog ovog procesa, Vlada odnosno premijer na nekoj mjesečnoj bazi Skupštini dostavlja samo kratku informaciju o tome na šta se dalo saglasnost za prijem na neodređeno vrijeme a u skladu sa moratorijem Vlade koji je na snazi. Ponavljam kako je ovaj proces bio transparentan. S premijerom sam već razgovarao o tome, e ne vidim nikakav problem i da inicijativa bude dopunjena na ovaj način. Zahvaljujem.

Predsjedavajući:

zahvaljujem dopredsjedavajući. Nemam naravno ništa protiv, onda bi u nastavku ovog zaključka, samo nakon tačke piše koji je na snazi, stajalo još „traži se od Vlade Kantona Sarajevo da Skupštinu mjesečno izvještava o saglasnostima za zapošljavanje koje su date institucijama u Kantona Sarajevo, na neodređeno, svakako moratorij kaže. Zahvaljujem.

Molim službu da pozovu zastupnike. Svi su u sali. Molim zastupnike da se izjasne o ovom Zaključku koji su dobili u pisanoj formi, uz dodatak dopredsjedavajućeg Handžića.

Možete glasati. Molim rezultate glasanja.

Za je glasalo 28, protiv i suzdržanih nije bilo.

KONSTATUJEM DA JE SKUPŠTINA USVOJILA OVAJ ZAKLJUČAK.

Prelazimo sada na:

Pardon izvinite kolegice Kerla, bilo su prvo usmena vaša i još je bilo usmenih dva. Hvala kolegice Kerla još jednom. Dakle usmeno zastupnica Kerla ima tri pitanja. Premijeru, ministri, za koga su, ko se javlja. Ministrica Bogunić prvo, izvolite.

Ministrica Zineta Bogunić:

Hvala na pitanju poštovana zastupnice. Vaše pitanje je bilo da li je član 174 Zakona o srednjem obrazovanju u suprotnosti sa Općim zakonom o srednjem obrazovanju i nekim drugim članovima i zašto se sekretarima daje kazna. Ja ću da pročitam taj član 174 stav 4). „Za prekršaj iz stava 1) ovog člana za koji se utvrdi da nije u pisanoj formi upozorio o nezakonitom postupanju nastavnika direktora škole i školski odbor kaznit će se sekretar škole novčanom kaznom od 1000 KM.” sve komisije koje su sastavljale prvo Zakon, pa proučavale poslije u implementaciji se vidi kako Zakon funkcionira nisu našle da je to u suprotnosti a ja sam nedavno primila grupu sekretara iz srednjih škola i osnovnih škola koji se ljute na to. Svi se žale na to ako plaćaju kaznu. Ja se slažem potpuno s vama da ono što je u ingerenciji direktora da te kazne plate direktori a ono što je u ingerenciji sekretara ukoliko je pogriješio da te kazne plate sekretari. Mi ćemo zajedno sa sekretarima poraditi na izmjeni ovog člana Zakona, ali kada će to biti, kada bude uopće došlo vrijeme da se mijenja Zakon o osnovnom i srednjem obrazovanju jer ovaj član 74 nije samo u srednjem obrazovanju nego i u osnovnom. Vaše drugo pitanje je bilo da li u Ministarstvu postoje strategije za obdaništa. Ja ću vas upoznati da je već 2017 formirana grupa za izradu strategija za razvoj obrazovanja od predškolskog do visokog i nauke i sve su te strategije izrađene i stoje u ladici jednu nepunu godinu dana. Sada ćemo reaktivirati, još ćemo malo samo tekst dopuniti i te će strategije, nadam se ova Skupština usvojiti vrlo brzo.

Ministar Admir Katica:

hvala lijepa predsjedavajući. Lijep pozdrav građanima Kantona Sarajevo. Lijep pozdrav vama zastupnicima u Skupštini Kantona Sarajevo. Pitanje se odnosilo na isplatu nagrade koju je

Vlada Kantona Sarajevo koju je Vlada Kantona Sarajevo raspisala u vezi potražne djelatnosti za počinioem krivičnog djela više ubistava od strane Edina Gačića za svaku onu informaciju koja bi policiju odvela do pronalaska ovoga čovjeka bila je raspisana nagrada od 50.000 KM. Osnova za isplatu takve nagrade u vezi koje je Vlada Kantona Sarajevo nema nikakve dileme jeste dakle policijski izvještaj koji će tačno reći, utvrditi identitet osobe koja je dala informaciju policiju koja je policiju odvela do pronalaska Edina Gačića. Rekoh nema dileme, ukoliko, mi još nismo dobili taj policijski izvještaj. Ukoliko dobijemo policijski izvještaj u kojem će pisati da je ta i ta osoba dala tu informaciju bit će isplaćena ta nagrada toj osobi. Toliko.

Predsjedavajući:

Ministrice Bogunić jel dopuna odgovora? Nemojte odgovarati na ono što se od vas nije tražilo usmeno. Dakle zastupnica Kerla i zastupnik Marić su tražili, sve ostala pitanja dostavljate pismeno. Zastupnik Marić je imao usmeno za ministra Filipovića i Kovačevića radi se deponiji, o namjenskom ili nenamjenskom utrošku sredstva. Ko će od vas dvojice? Ministar Kovačević, uključite se.

Ministar Amel Kovačević:

Selam i lijep pozdrav građanima Sarajeva koji nas prate, također uvažanim zastupnicima i kolegama. Zahvaljujem na pitanju. U ovom trenutku imamo preliminarne odgovore na pitanje na pitanje koje je postavio zastupnik Marić. Dakle Općini Novi Grad je na osnovu sporazuma prebačeno 573.300 KM za sanaciju kanalizacije na ovom prostoru Smiljevića. To je učinjeno na osnovu naloga Ministarstva komunalne privrede. Dva su sporazuma u pitanju cca vrijednosti od 286.000 svaki. O utrošku datih sredstava očekujemo da Ministarstvo za komunalnu privredu provjeri činjenično stanje i pismeno ćemo vas o tome obavijestiti.

Predsjedavajući:

hvala ministre Kovačeviću. Nije bilo više pitanja koja traže usmeni odgovor. Zastupnica Duraković jel bilo usmeno, niste naglasili. Evo sada možete li ponoviti od čemu se radi.

Poslanik/zastupnik Jasna Duraković:

Zahvaljujem. Vama sam uputila pitanje kada će se konstituisati Etička komisija koju smo imenovali na protekloj radnoj sjednici u ovom domu.

Predsjedavajući:

Zahvaljujem. Ono što je bilo naša obaveza jeste da je u procesu rada Komisije za izbor i imenovanja i Skupštini formiramo. Ona je formirana i ne znam da li postoji procedura koja propisuje. Evo služba će na vašu sugestiju zakazati u narednoj sjednici prvi sastanak na kojem će na konstituirajućoj sjednici oni izabrati svoga predsjednika i moći će dalje nastaviti da rade. Hvala kolegice Duraković, što ukazujete na ovaj problem. Time smo iscrpili prvu tačku dnevnog reda. Bio sam požurio na Gras. A sada druga tačka.

AD – 2.

a) INFORMACIJA O RADU KJKP „GRAS“ D.O.O. SARAJEVO;

b) INFORMACIJA O RADU UPRAVE KJKP „VODOVOD I KANALIZACIJA“ D.O.O SARAJEVO;

Periodični koji imamo kao tačku dnevnog reda kontinuiranu. Direktor Vatriću izvolite.

a) Prelazimo prvo na Informaciju o radu KJKP „GRAS“ d.o.o. Sarajevo

Direktor KJKP GRAS Avdo Vatrić: UVODNO IZLAGANJE

Predsjedavajući:

zahvaljujemo direktore. Primjedba je zato što nemamo taj pisani materijal a nismo htjeli da uskratimo zastupnicima mogućnost da eventualno danas nešto čuju o Grasu, a inače je praksa kada materijala pisanog nema da se ne raspravlja. Ali eto, pošto nam je u kontinuitetu Gras bitan, otvorili smo ovu temu. Jesu li ovo pitanja svih prijavljenih? Jesu. Idemo redom.

Poslanik/zastupnik Bibija Kerla:

pa s obzirom da se u vašim izvještajima to uvijek spominjalo da Vlada Kantona Sarajevo ne isplaćuje ovaj procentualni dio koji učestvuje u realizaciji mjesečnih karata koji je do sada iznosio 26,7%, sada ste vi to povećali na 39,2%, pa me interesuje jel to sada postoji mogućnost jel Gras ide u veći gubitak nego što je do sada išao ukoliko Vlada Kantona Sarajevo ne isplaćuje svoj dio koji je dužna, sa svim sporazumima koje napravi sa onima koji koriste mjesečne karte.

Direktor KJKP Gras Avdo Vatrić.

Evo, ja mislim da ste pogrešno razumjeli vi. Sa povećanjem cijena ovo što smo tražili onda bi učešće pomoći da kažem, sa subvencijama koje daje Vlada Kantona povećalo bi se to na 39,2%. tako da bi imali manji gubitak. Govorim o povećanju cijena. To bi se učešće, povećali bi se ukupni prihodi, ali bi se povećalo i učešće ovih subvencioniranih kategorija. I onda bi došli na standarde koji su u svijetu do 60% u svim ovim preduzećima.

Predsjedavajući:

sačekajte da kolege pa ako imate dodatna pitanja. Admela Hodžić izvolite.

Poslanik/zastupnik Admela Hodžić:

zahvaljujem. Pa evo moje pitanje se odnosi na ovaj zaključak Vijeća roditelja sa Opštine Hadžići. Dostavljen je i Vladi i ministru saobraćaja i obrazovanja i direktoru Grasa. Svima nama. Pa ovako ja bih samo da pitam kada će se pristupiti rješenju problema u prevozu najviše pritužbi roditelji su imali na linijama Tarčin-Korča, Tarčin- Budmolići, Pazarić-Osenik, Pazarić-Lokve, Pazarić-Drozgometva, Hadžići- Mokrine, Hadžići-Ušivak, Hadžići-Miševići. Znači ni do danas to nije riješeno. Imamo registrovano preko 2000 kašnjenja i moramo svi biti svjesni toga da u dobroj mjeri utičemo i na uspjeh učenika, ovaj problem ja mislim da je prioritetan i da se treba rješavati nabavkom minibusa.

Direktor KJKP Gras Avdo Vatrić:

što se tiče imam dobio sam i ja to pismo. Ja moram da kažem da je načelnik Hadžića dosta učinio u pomoći Grasu i zajedno smo pokušavali da iznađemo problem taj. Međutim dođe do iskakanja minibusi imaju dosta loš koeficijent tehničke ispravnosti, tako da ako ga danas ne napravite nije vam nikakva garancija da neće sutra ili za pet dana doći do kvara. To je zato što su vozila jako stara. Mi se nadamo sa nabavkom ovih minibusa da ćemo prevazići taj problem. Govorim generalno za područje Kantona Sarajevo. Međutim, za tamo opštinu Hadžići, evo ja kažem, mogu odgovorno reci sa ovog mjesta da ćemo učiniti sve da pomognemo da u Hadžićima taj problem i dolazak djece u školu bude na vrijeme i da se poveća broj minibusa koji su dole na linijama.

Poslanik/zastupnik Mirza Čelik:

zahvaljujem predsjedavajući, pa evo čuli smo nekoliko stvari oko indirektnih poreza, al evo

za rad svih nas zastupnika imamo zastupnika koji su tek počeli sa mandatom voljeli bi da čujemo što se tiče direktnih poreza, imamo li informaciju, imate li vi informaciju kolike su obaveze po osnovu direktnih poreza i ona koja je zakonska kamata propisana za neplaćanje direktnih poreza i šta bi to značilo za Skupštinu Kantona, odnosno Vladu i za samo preduzeće ukoliko bi se izmirile obaveze po osnovu direktnih poreza? Kolika bi bila ušteda samog KJKP Gras? Hvala.

Direktor KJKP Gras Avdo Vatrić:

ja sam imao par razgovora sa gospodinom Isovićem, direktorom Porezne uprave. On je predlagao način na koji se može u čitavoj FBiH taj problem riješiti. On mi je rekao da je to slao i premijerima, ja mislim da je taj način koji on predlaže jedino možda ispravan i moguć način rješavanja tih problema. Evo ja ću vam imam akumulirani gubitak što se dugo spominje 316.511.000 KM. Od toga su kamate 72 miliona. Govorit ću okruglo da ne čitam ove cifre. Tužbe radnika imaju 65 miliona. Amortizacija 118 miliona. I gubitak tekućeg poslovanja 60 miliona. Kamate učestvuju sa 27,2%, tužbe sa 19,43 %. amortizacija s 37,3% i gubitak tekućeg poslovanja 16,1%. mislim da su ovi problemi svi koji se ovdje očituju rješivi jer najbitnije je sada da mi plaćamo tekuće obaveze što se tiče doprinosa, posebno na plate uposlenika i na ovaj način bi mogli da i Gras je sada u puno boljem stanju nego što je bio prije dvije, tri godine. 2016 je najteža godina bila za poslovanje ove firme. Ja moram da kažem da i Vlada Kantona Sarajevo negdje od sredine 2017 počela da više sredstava ulaže u Gras i to se na neki način vidi i kroz broj vozila. Posebno na autobuskom saobraćaju i kod isplate redovnih radničkih plata.

Poslanik/zastupnik Jasna Duraković:

zahvaljujem predsjedavajući. Pozdravljam direktora i imam evo tri pitanja za vas jer ne vidim da se to igdje navodi. Možete li mi reći koji je tačan broj zaposlenih revizora trenutno u Grasu? Potom također da mi kažete tačan broj osoba koje rade na čišćenju i higijenskom održavanju vozila Grasa? I koja su to tačno sredstva koja Gras planira izdvojiti za osobe koje rade na čišćenju higijenskom održavanju vozila? Toliko hvala.

Direktor Gras Avdo Vatrić:

zahvaljujem se zastupnici na pitanju. 112 revizora je trenutno zaposleno. Oni su raspoređeni u tri smjene i rade na četiri vida prevoza. Tako da možete kada podijelite to radniku se mora obezbijediti jedna dan slobodan, tako da možemo reći da otprilike negdje 10 do 15% od 112 radnika dnevno nije prisutno na poslu. To je zbog korištenja slobodnog dana. Negdje oko 80 ili 90 ljudi je stalno na poslu i ti ljudi obavljaju vrlo težak svoj posao. Dolaze u sukob sa građanima, a ti nesporazumi ili sukobi su uvijek ponukani time što nemaju odgovarajuće karte putnici tako da nekada zovemo policiju da interveniše i oni nam pomažu dosta često u tim slučajevima. Što se tiče higijene vozila, higijena vozila nije na zadovoljavajućem nivou. Mi smo pisali ministru da se odobri čini mi se četiri ili pet uposlenika za održavanje higijene na vozilima. Na tramvaju smo tu higijenu već doveli na zadovoljavajući nivo. Dok je higijena kod drugih vozila jako loša. Tako da se u narednom periodu to mora popraviti. Ne znam, treće pitanje nisam uspio da zapišem. Pa oni primaju po kolektivnom ugovoru primaju svoju platu tako da oni imaju najniži koeficijent i ta plata je negdje na nivou one zagarantovane plate od 430 KM.

Poslanik/zastupnik Zvonko Marić:

zahvaljujem predsjedavajući. Pitanje za direktora, možda i za ministra. Naime, već duži niz godina imamo taj problem ukoliko posebno kategorija nezaposlenih kupuje kupone mjesečne a na tim linijama ne saobraća Gras već Centrotrans. Oni moraju kupiti kartu. Da li se može iznaći neko rješenje, posebno za ovu kategoriju jer je zaista u svojevrsnoj potrebi? I na koncu,

drugo pitanje, ponekad ima se dojam, nije to samo moj, da nekoliko tramvaja na Ilidži na stanici stoji pet, šest tramvaja i u pojedinim trenucima čini se da dođe do stvaranja gužvi. Da li je to regulirano, nekim rasporedom, ta dinamika, saobraćanja tramvaja na ovim relacijama duž tramvajske pruge jer naprosto čini se ponekad da je neracionalno što stoje, a onda se stvore velike gužve. Da li je to tako moguće jel to predviđeno ili se može na određeni način pomjeriti ta satnica i uskladiti sa potrebama građana?

Direktor KJKP Gras Avdo Vatrić.

Zahvaljujem se uvaženom zastupniku Mariću. Zajedničke karte su moguće jedino da se implementiraju kada bude elektronski sistem plaćanja. Međutim mi smo pričali, jučer smo imali sastanak sa ministrom, ima jedan pravilnik koji ćemo mi pokušati uskladiti da bude dobar i za Ministarstvo i za Gras i za ovog drugog prevoznika. Tako da jedna mjesečna karta bi važila u bilo koji prevoz da putnik uđe i da bilo od koga da kupi tu kartu ona bi bila važeća a mi bi unutra napravili tu raspodjelu tih sredstava, negdje u skladu sa dužinom putovanja to bi bilo. Što se tiče ovih stajanja tramvaja na Ilidži bio je to problem veći možda prije jedno tri četiri mjeseca. Mi smo imali sastanak dole u opštini Ilidža i gdje je bilo zamjenik načelnika i bio je načelnik PU Ilidža, bili smo mi iz Grasa i taj problem smo definisali. Mislim da sada nema ono izlaženje putnika ranije, prije nego što uđe na terminus na Ilidžu. Tako da, taj broj tramvaja se nakupi zato što vi ne možete tačno odrediti vrijeme koje je njemu potrebno, jer on zavisi vamo od saobraćaja gdje ide kroz grad Sarajevo, pa nekada završi prije, nekada kasnije, tu dispečer ima mogućnost regulacije da šalje vozila ranije, ne znam interval je na Ilidži 4,5 minute, da šalje ranije neko vozilo, neko zadrži malo da bi napravili ravnomjeran interval da bi ljudi imali kontinuiran prevoz. Mislim da taj problem nije više aktuelan i ja se nadam da smo ga riješili.

Dopredsjedavajući Vior Handžić:

e zahvaljujem se predsjedavajući. Zahvaljujem vam direktori na ovom kratkom izvještaju. Samo imam jedno pitanje, vi ste spomenuli u ovom izvještajnom periodu da je u toku nabavka 17 minibuskih vozila novih i evo ja sada vas pitam hipotetički da taj tender i žalbe budu odbijene, da sve prođe u najboljem redu i da stvarno bude kupljeno tih 17 vozila, vi ste rekli da bi to saniralo u potpunosti minibusi saobraćaj u Kantonu. A ja vas sada pitam, evo sa današnjim danom koliko Gras po registru vožnje obavlja minibuskim linijama u zvanično u Kantonu i koliko danas evo u toku ovog dana ima vozila na cesti, govorim za kombi prevoz?

Direktor Avdo Vatrić:

što se tiče minibusa sa 17 ja sam rekao da bi u Kantonu bilo potpuno zadovoljavajuće stanje, odnosno da bi popunili redove vožnje. To sam govorio s obzirom da je Gras izgubio linije vamo na Starom Gradu da su mu brisane. Sa ovih 17 minibusa mi bi u potpunosti potreban broj tih minibusa. Moram da kažem da je po redovima vožnje potrebno negdje oko 42 minibusa, mi dnevno obezbjeđujemo zavisi od dana govorio sam vam o koeficijentu ove tehničke ispravnosti, on se kreće nekada bude manje nekada više vozila, ali mi svaki dan negdje oko 12 minibusa, to je negdje oko 25%, ispunjavamo tim. Sa ovih 17 mislim da bi potpuno zadovoljili taj minibusi prevoz. Opet kažem sa ovim linijama koje su oduzete i date drugom prevozniku one ne ulaze u onaj prevoz koji bi obavljao Gras.

Zastupnik Igor Stojanović:

zahvaljujem. Ja za vas imam pitanje ne toliko vezano konkretno za izvještaj ovo što ste iznosili, ali imam jedno možda malo više generalno pitanje. Ja bih volio da vi ovdje zastupnicima iznesete šta bi po vama bio red koraka na osnovu kojih bi Gras vratio linije koje je izgubio, ne samo kada je minibusi saobraćaj u pitanju, nego i ostali, autobuski saobraćaj.

Odnosno da ta redovnost bude na nekom nivou koja je bila prije 10 ili 15 godina?

Direktor Avdo Vatrić:

zahvaljujem se uvaženom zastupniku Stojanoviću. Mi sada u ovom periodu imamo 95% možda popunjene linije na autobusu. Autobuski saobraćaj bio je problem prijema ovih vozača koji se primaju na određeno. Moram da kažem da ovdje imamo 120 vozača autobusa koji su na određeno pa smo im produžavali po tri mjeseca, onda upadnemo kada im istekne to a nismo raspisali konkurs i ne možemo da stignemo tu proceduru. Sada je to zaokruženo i mi možemo svaki dan izbacivati po 75 autobusa što u dobroj mjeri pokriva sve linije. Tramvaj zadovoljava ove linije, a imamo najavu iz grada Konje za donaciju još 10 tramvaja. Sporne su linije trolejbuske. Evo 7 bi trebalo da dođe i mi bi u tom slučaju imali potpuno zaokružene trolejbuske linije i ne bi bil tu odstupanja nekih značajnih. Jedino ostaje minibuske linije koje su kažemo 2016 godine pokušamo nabaviti i uvijek se isti ljudi javljaju i obaraju to. Mislim potrebno je da zbog građanstva kažemo da ti ljudi namjerno rade kako bi Gras ostao bez vozila i onda da bude spasonosno rješenje da se daje tome prevozniku da on obavlja te poslove. Eto to je ono.

Poslanik/zastupnik Vildana Bešlija:

pa evo moje bi pitanje bilo upućeno upravo za redove vožnje. Znači mi u Kantonu Sarajevo, možemo jedino po osjećaju znati kada će eventualno naići neko vozilo ili da planiramo. Pa bilo koje vozilo. Možete li sačekati samo da ja završim pitanje a svakako ćete dobiti pitanje da mi odgovorite. Interesuje me zašto nemamo panoa ili redove vožnje na stajalištima kako bi građani bili pravilno informisani, da ne pričam o tome o nekim novijim načinima provjeravanja redova vožnje koje imaju neki drugi prevoznici, kojih ste se i dotakli maloprije u nekom dijelu u izlaganju. Ali ne želim uopšte ulaziti u taj dio. Mene interesuje pravovremeno obavještenje građana da znaju kada će doći određeno prevozno sredstvo, da mogu računati na to, planirati svoje obaveze i sve ostalo što ide uz to. Odgovore tipa da je možda došlo do određenog uništavanja ili da je to zbog vandalizma ili nečeg drugog po meni nisu prihvatljivi, mislim da treba naći ako bude išao u tom smjeru odgovor, treba naći adekvatno rješenje da građani budu obaviješteni, a naravno to znači pored toga i dobru organizaciju kako bi to sve bilo sprovodivo i pridržavali se toga kako treba.

Direktor Avdo Vatrić.

Zahvaljujem se zastupnici Bešlija. Ja mogu da kažem da imamo znači dvojak način obavješćavanja putnika. Jedan je putem papira na stanicama svih vrsta vozila koji nije ažuriran. Međutim imamo aplikaciju koju smo zajedno radili sa BH Telecomom. Ja sada ne znam koji broj treba da se okrene i dobit ćete u svakom momentu kada nailazi sljedeće vozilo. Imamo elektronsku tu ne znam da li ste samo čuli za to. Postoje dvije vrste, ali se slažem da ova sa papirom nije ažurna i da tu treba učiniti više napora da se ti redovi vožnje budu obaviješteni i na dohvat ruke svim našim korisnicima.

Predsjedavajući:

Zahvaljujem. Pitanja ste iscrpili, bila je zastupnica Kerla. Odjavila se. Zastupnica Bešlija se prijavila, ovo možemo sada zvati raspravom. Direktore što se tiče vas vi možete sjesti.

Poslanik/zastupnik Vildana Bešlija:

Pa ja bih samo izrazila nezadovoljstvo odgovorom u smislu da zaista ponuđeno rješenje kao pretpostavljam da je direktor mislio da je to neki vid unapređenja koje dodatno udar po džepu građana da platimo ne znam koliko uopšte košta, to nam je vjerovatno ostao dužan informaciju. Koliko taj jedan poziv košta. Dakle znamo cijenu karte, da li je to zaista besplatno i da li su razmišljali eventualno da se napravi pristup internetu da građani mogu

besplatno provjeravati redove vožnje, jer sama činjenica da gradski prevoz koriste različite kategorije stanovništva, ne može nikako imati finansijsku podlogu. Od djece do starih ljudi penzionera, i da ne nabrajam sve ostalo. Znači nisam zadovoljna odgovorom ili ako mogu dobiti dodatno pojašnjenje ili već samo da ostane kao komentar ili preporuka za unapređenje za neki naredni period. Hvala.

Predsjedavajući:

zahvaljujem. Nemamo ovdje onaj termin nezadovoljstvo odgovorima. Raspravljamo. Dopredsjedavajući Vibor Handžić ima riječ.

Dopredsjedavajući Vibor Handžić:

zahvaljujem predsjedavajući. Otprilike se javljam za diskusiju zbog određenih nezadovoljstva odgovorima jer direktor mi nije odgovorio, ja sam tačno decidno pitao, znam da je u Starom Gradu Gras izgubio minibuske linije, ne sve, nego određene. Koliko danas ima registrovanih linija koje obavlja Gras u minibuskom prevozu? Ali nema veze, ja sam direktora pažljivo slušao i njegova izlaganja, i stvarno svake godine, već dugi niz godina upravo zbog problema minibusnog prevoza u Starom Gradu pratim i čitam izvještaje Grasa. Nema u kojem segmentu se, i nije samo ova Vlada, nego i sve bivše Vlade i zastupnici nisu nategnuli da izađu Grasu u susret kako bi se preduzeće na bilo koji način malo stabilizovalo. Možemo govoriti jako puno. A meni je žao što se o tome nikako ne govori o odgovorima koji su doveli ovo preduzeće do stanja u kojem je ono danas. Dakle mi svjesno kršimo Zakon o cestovnom prevozu FBiH kada je Gras u pitanju. Kršimo svjesno naš Pravilnik, dugo mu je ime da ne navodim cijelo ime gdje je jasno propisano da postoji neka stručna komisija, da postoje prevoznici koji mogu obavljati autobuski i minibuski prevoz pored Grasa u odnosu na trolejbuski i tramvajski. Svjesno kršimo, ova Skupština je prekršila i nalaze tužilaštva i nalog koji je dala inspekciji da utvrdi da li su ispravna vozila na cesti Grasa, i kada je inspekcija dostavila da nisu ispravna ta vozila, ova Skupština je svjesno taj nalaz Tužilaštva prekršila kako ne bi Gras dovela u novu finansijsku dubiozu koja bi bila prouzrokovana sklanjanjem tih vozila na cesti, a direktno na štetu građana Kantona Sarajevo jer im je ugrožena objektivno sigurnost. Dešavalo se, ja znam da ne nabrajam ovdje primjere da se neispravna vozila zabijaju u zgrade, da se zapaljuju na licu mjesta na cesti itd. Dakle, ja pratim ove izvještaje i uvijek imaju tamo u tabelama uporedni podaci u posljednjih nekoliko godina koliko Gras smatra da bi KS trebao izdvojiti miliona za njegovu sanaciju i koliko Kanton izdvaja. I to koliko Kanton izdvaja je stvarno objektivno i ogromna je disproporcija između onoga što Gras traži i onoga što KS može izdvojiti, jer nije saobraćaj jedini segment u Kantonu Sarajevo koji je problematičan i nije javni prevoz jedini segment zadovoljenja potreba građana Kantona Sarajevo. Ovdje ima 12 resora i puno puno drugih stvari koje moramo rješavati u svakodnevnom životu građana. Moramo se približiti na pola puta. Ja ću biti jedan od zastupnika koji će se žestoko protiviti povećanju cijena usluga i ovom nametanju ljudima da kupuju karte Grasa. Jer da bi povećavali cijene usluga u Grasu to mora pratiti povećanje kvalitete usluga javnog prevoza. A ne znam na osnovu čega možemo ljudima dići cijenu karata u Grasu. Još mi jedna stvar nije jasna, vi ste direktore u svom izlaganju rekli da bi povećanjem cijena karata, odnosno usluga korištenja javnog prevoza građanima povećali stepen, iznosa subvencija koje bi vam samim povećanjem se povećale i subvencije s obzirom da bi rasla cijena karata. Povećao bi se iznos subvencija na 39% onoga što Kanton daje Grasu kroz subvencioniranje za šta se ja žestoko protivim dok god se kvalitet usluge u Grasu ne poboljša. Zahvaljujem.

Poslanik/zastupnik Jasna Duraković:

zahvaljujem predsjedavajući. Ja ću e pokušati malo nadovezati na ovu diskusiju kolege Handžića koju apsolutno podržavam i također se slažem da ovo stanje koje imamo apsolutno ne može zahtijevati povećanje cijena karata. Kada nemamo osnovne usluge koje su tu za

građane Kantona Sarajevo pogotovo kada je u pitanju higijena i čistoća vozila. A evo obrazložiti ću. U medijima smo mogli čitati da su građani ogorčeni zbog prljavih tramvaja i trolejbusa, s posebnim naglaskom na trolejbuse iako su u Grasu demantirali tu tvrdnju prije nekoliko dana sa izjavama da se vozila čiste prilikom svakog uključenja u saobraćaj, te da se dezinfekcija kompletnog inventara vrši jednom mjesečno. A evo direktor je maloprije rekao da zapravo čistoća vozila nije na zadovoljavajućem nivou. Na žalost ja također moram demantovati te Grasove izjave od neki dan jer sam i sama često u prilici da se vozim upravo tim trolejbusom i svjedočim poderanim i nadasve prljavim sjedištima, bačenom smeću koje nije očišćeno, po vozilima, prljavim prozorima, dakle ne vidi se ništa ni unutra ni van prozora kada gledate s ulice. O količini bakterija neću ni govoriti, to je evidentno. Svaki običan laik zna da ne bi smio rukohvate one dohvaćati ako nema rukavice, tako da se izrazim. Tako da deratizacija i dezinfekcija vozila se mora vršiti češće, to je neki osnov ako hoćemo imati neku kvalitetu usluge i ako hoćemo na osnovu toga povećavati cijene prevoza vozila se ako ništa drugo moraju prati redovnije, barem običnom vodom. To je, pogotovo u zimskom period kada je zagađenje na najvišem mogućem nivou. I mene zanima kakva je, da li postoji neka strategija da se ovo pitanje riješi sa možda nekim dodatnim sredstvima koja će se izdvajati, moraju se izdvajati, upravo za ove osobe. Postavila sam pitanje, upravo za ove osobe koje rade na čišćenju i održavanju higijene vozila. Te plate koje ste naveli su zaista mizerne. Ne znam kako možemo očekivati da imamo čistoću ako te ljude ne plaćamo po učinjenoj usluzi a onda taj broj ljudi je zaista jako mali i ne možemo očekivati da na takav broj vozila možemo imati čista vozila sa četiri ili pet uposlenih osoba koji rade na tome. Evo zanima me šta će se dešavati u budućem periodu i da li će se ovo pitanje konačno početi rješavati. I ne znam da li uprava Grasa kani poduzeti neke mjere sankcioniranja naplaćivanja kazni onim građanima koji zaista i te kako doprinose da je ovakva situacija prisutna u tim vozilima, odlaganjem smeća, silnim onim grafitima koje vidite, koje ispisuju uglavnom djeca i mladi. To samo potvrđuje činjenicu da taj broj revizora koje ste naveli, 112 ako se ne varam, nije dovoljan broj revizora koji su nadležni da vrše neku vrstu monitoringa onog momenta kada uđu u vozilo prate šta ljudi rade. Ljudi zaista skrnave i ta vozila i dodatno otežavaju tu situaciju. Pa me zanima da li postoji neka strategija i neki pravac razmišljanja u tom kontekstu kako bi se mogle striktno mjere zvesti. Njima dati veće ovlasti da zapravo mogu bez pomoći policije mogu uredovati u naplaćivanju i izricanju nekih kazni koji se tiču ugrožavanju i nanošenja štete tim vozilima koja su već značajno oštećena. Moja neka sugestija bi bila da tu bude zaista pojačana kontrola pa da se kad se to zavede tek onda počne zagovarati o povećanju cijena usluga javnog prevoza. Toliko. Hvala.

Poslanik/zastupnik Elvis Vreto:

hvala predsjedavajući. Evo kroz ovu informaciju čuli smo o stanju mada je ono poznato široj javnosti i građanima Kantona Sarajevo međutim jedna stvar koja pored ovog svega što smo čuli po pitanju problema Grasa jeste jedan segment gdje ja molim Ministarstvo saobraćaja da uvijek reaguje na poziv Grasa i da se tu pokuša uvijek interventno reagovati odnosno smatrati jednom hitnom situacijom. Oblast sigurnosti čuli smo kako ta vozila koja se koriste, posebno autobusi u kakvom su stanju, prije svega iz pozicije ljudi koji rade, uposlenika Grasa nije jednostavno, treba se staviti možda malo u njihov položaj. A takva vozila koristiti i voziti u javnom gradskom prevozu i čekati trenutak kada će takvo vozilo vas izdati i napraviti jednu opštu katastrofu koja se može izazvat, a bilo je takvih situacija na žalost u prošlosti. Mislim da taj segment Gras i Ministarstvo trebaju podhitno uraditi analizu i molim Ministarstvo da u tom segmentu reaguje zbog sigurnosti svih učesnika u saobraćaju u Kantonu Sarajevo. Da se posebna pažnja obrati na ovaj segment. Eto toliko, hvala vam.

Predsjedavajući:

Zahvaljujem vam kolega Vreto. Nema više prijavljenih. Zaključujem raspravu. I ovdje se

konstatuje da je informacija primljena k znanju. Usmena informacija primljena k znanju.

b) Prelazimo na Informaciju o radu Uprave KJKP „Vodovod i kanalizacija” d.o.o Sarajevo;

Drugi dio ove tačke Informacija VIK, nema nam danas direktorice Muzur, tu je gospodin Puriš iz VIK-a, molim vas izvolite. Možete li nam reći nekoliko uvodnih rečenica uz materijal koji su zastupnici dobili prije ove sjednice?

Predstavnik KJKP VIK Puriš: UVODNO IZLAGANJE

Predsjedavajući:

Niko se ne javlja za riječ. Možete li samo nekoliko rečenica o projektu EBRD-a, dokle ste došli, šta se dešava s izborom izvođača? Da li je istina da ste neki tender zatvorili ranije pa se pojavila samo jedna firma sa vrijednosti ugovora većim od onog koji je bio predviđen. I da nam to eventualno znači izbor il da uzmemo tu firmu za puno više para ili da prolongiramo implementaciju. Smatram vas vrlo odgovornim i vas personalno zato što radite na tom projektu i zato što generalno mi se čini da VIK apsolutno ne prati potrebe kredita EBRD-a. Već smo možda čini mi se počeli i penale plaćati. 175.000 KM imamo penala na ne povučena sredstva isključivo radi vašeg odnosa u samom menadžmentu ove kompanije i smatram da nam je ta informacija danas vrlo bitna. Pa nas informišite o čemu se tu radi i gdje smo to zapeli.

Predstavnik KJKP VIK Puriš:

Svakako da ćete dobiti sve adekvatne informacije, mada se ne bih složio s vašim mišljenjem i vašim konstatacijom i uzet ću ga kao vaš lični stav a ne stav ove Skupštine i Vlade jer sam sasvim siguran da niste u pravu. VIK izuzetno prati na jedan visoko kvalitetan način sve aktivnosti koje se tiču projekta. A i vi ste mogli biti sami informisani o svemu tome i o razlozima zastoja tako da ne možete davati primjedbe na nerad VIK-a i na sve ovo što ste iznijeli. Što se tiče same realizacije kredita u toku je realizacija prve tranše kredita koji je potpisan ukupnom iznosu na 25 miliona podijeljeno na tri tranše. Dvije tranše od po 10 miliona, jednu tranšu od 5 miliona. U okviru prve tranše od 10 miliona KM, u skladu sa planom prioriternih investicionih projekata definisane su aktivnosti koje se trebaju realizovati, odnosno konkretni projekti odnose se na povećanje energetske efikasnosti naših tehnoloških objekata odnosno pumpnih postrojenja na tri ključna pumpna sistema u vodovodnom sistemu, to su pumpna stanica Bačevo, s koje se snabdijeva oko 90% cjelokupnoga Kantona Sarajevo. Pumpna stanica Alipašin most i pumpna stanica Centar. I odnosi se još na rekonstrukciju vitalnih distributivnih cjevovoda i potisnog cjevovoda pumpna stanica Alipašin most Centar, distributivni cjevovod na potezu od Bašćaršije do Gajevog trga odnosno ulici Mula Mustafe Bašeskiye, i distributivni cjevovod sa kojim se snabdijeva veći dio područja opštine Vogošća na lokalitetu Dumača. Za sve navedene dionice su raspisani tenderi. Tenderske procedure su zatvorene. U toku je evaluacija ponuda. Nije tačno da je VIK zatvorio ponude, nego se rado o automatskom sistemu kroz koji se prati podnošenje ponuda i davanje ponuda tzv ECEP sistem u sistemu EBRD-a koji automatski zatvara. Detaljne informacije da ne opterećujem možete dobiti u pisanoj formi obrazložene i u toku je evaluacija pristiglih ponuda i rezultati evaluacije će se pokazati koja je ponuda najoptimalnija. Da li su ponude zadovoljavajuće kako sa tehničkog aspekta tako i sa finansijskog aspekta. Ja ne bih dalje.

Predsjedavajući:

kolegica Srna Bajramović ima pitanje pa ću ja samo dopuniti.

Poslanik/zastupnik Segmedina Srna Bajramović:

zahvaljujem još jednom. Ja sam dobila informaciju da Sarajevska pivara odbija plaćati odvodnju. Ako je tačna ova informacija zašto? I šta je menadžment VIK-a do sada uradio po tom pitanju? Da li su poduzete neke pravne radnje i da li još neko pravno lice postupa slično sarajevskoj pivari? Šta se konkretno, odnosno šta se u VIK-u konkretno učinili povodom odluke Skupštine preduzeća racionalizaciji 31.12.2017 godine? I još jedno, postoje li neki problemi koji nisu u ovoj informaciji na koje bi na vrijeme trebalo upozoriti Vladu i Skupštinu Kantona Sarajevo a mogli bi se odraziti negativno na poslovanje KJKP VIK?

Predstavnik KJKP VIK Puriš:

ja sam vas zamolio na sva pitanja koja se ne tiču izvještaja koji je na dnevnom redu i koji je predmet današnje sjednice da dostavite u pismenoj formi, mogu vam dostaviti odgovore, a li bih ipak molio da ih dostavite pismeno i bit će vam odgovoreno.

Poslanik/zastupnik Zvonko Marić.

Ja ću vrlo kratko budući da razmatramo ovaj izvještaj za protekli period. Ali mnogo ranije i mnogo puta i ovo je aktuelno što ću pitati još uvijek, insistirao sam da se formira ekonomska cijena ispumpavanja vode na Bjelašnici itd. Direktorica je često obećavala da će se to desiti međutim nije se desilo. Naravno nemojte se vi ljutiti, ja vidim da se vi ljutite kada vam neko postavi pitanje, pa se ja sada malo ustručavam, ne znam da li smijem. Doduše malo sa strahom ali nadam se da nećete ljutiti na mene, pa vas molim da mi date odgovor na to pitanje.

Predstavnik KJKP VIK Puriš:

mogu vam dati odgovor svakako, međutim rješavanje tog pitanja nije u nadležnosti VIK-a Sarajevo, nego se te aktivnosti provode na nivou Kantona u saradnji sa resornim Ministarstvom sa Opštinom Trnovo i mi očekujemo da će se one vrlo brzo i realizovait. Radi se o uvođenju novog sistema sa vodovoda Hojte gdje će se onda i na taj način definisati svi problemi. Detaljnije informacije možete dobiti kada dobijete upit u pismenoj formi odgovor će vam biti pismeno. A pitajte slobodno sve što vas interesuje bez straga bilo kakvog.

Predsjedavajući.

Evo da ja završim bez straha ono što smo nas dvojica počeli. Ako niste vi ko je po vama kriv za penale koje plaćamo 175.000 KM za nepovučena sredstva EBRD kredita koji je odobren prije više od godinu i po dana sa jasnim procedurama, sa jasnim obavezama svih potpisnika, i obavezama VIK-a da se on implementira. Imali smo godinu dana tog grejsa u kom se to nije plaćalo, i da li vas je osporilo Ministarstvo, Vlada, ova Skupština neki drugi organ bilo ko da se ne desi implementacija ove prve tranše od 10 miliona eura.

Predstavnik KJKP VIK Puriš:

svi smo krivi, kako ja, tako i vi predsjedavajući kada ste bili u ulozi, znači i vi ste zato lično krivi i odgovorni, ja, kriva je Skupština, kriva je Vlada, prethodna jer efektivnost kredita je proglašena 25. januara 2019 godine. Kredit je trebao da bude efektivan još prošle godine na žalost nije bio efektivan iz razloga što Vlada Kantona Sarajevo nije dostavila pravno mišljenje na subsidijalne ugovore koji su potpisani kako između svih relevantnih ugovora počevši od države, u konkretnom slučaju između Vlade Kantona Sarajevo i VIK-a Sarajevo, Vlada je odbijala da dostavi pravno mišljenje na taj sporazum što je bio razlog kočenja i usporavanja

ovoga projekta, čija je efektivnost proglašena tek 25.01.2019 godine. Umjesto da bude proglašena u augustu mjesecu 2018. i to je razlog što se plaćaju penali.

Predsjedavajući:

kada je trebala Vlada dostaviti to mišljenje i kada nije u kom mjesecu prošle godine?

Predstavnik KJKP VIK Puriš:

ugovor je potpisan u junu 2017 godine. I od juna 2017 godine do januara 2019 pravno mišljenje nije dostavljeno i kredit iz tog razloga nije mogao biti efektivan.

Predsjedavajući:

Ima li rasprave? Vama zahvaljujem. Ako nema rasprave, ja moram pojasniti ovu situaciju pošto sam familijaran s ovom procedurom. Dakle ovdje je postojao jedan problema na relaciji menadžment VIK-a osnivač u kojem je menadžment dugo pokušavao nemati nikakvu odgovornost za ovo zaduženje. Dakle mogao je isključivo VIK biti krajnji korisnik ovog, i bez obzira na vaš ovakav smijeh vi znate da ja to dobro znam. Samo je VIK mogao biti korisnik a vi ste kontinuirano tražili da Vlada preuzme na sebe zaduženje koje po pravila EBRD nije bilo moguće. Međutim ta je situacija bila blizu rješenja i mi smo zaista zapeli na ovim drugim stvarima projektnim i stručnim u kojima ništa niste pripremili sve do danas da bi one faze ili situacije za koje nam je potreban novac bile spremne za realizaciju. I plaćamo 175.000 KM penala što je zaista paradoks. O tome neću zamarati Skupštinu o tome ću kada bude detaljniji izvještaj o radu ovog preduzeća.

Nema više prijavljenih. Zaključujem raspravu i KONSTATUJEM DA JE OVA INFORMACIJA PRIMLJENA K ZNANJU.

I predložit ću pauzu za ručak od sat vremena.

A prije pauze jedna važna informacija za ovaj dom. Ustavni sud FBiH odlučio je da Budžet Kantona Sarajevo ostaje potpuno na snazi, da su argumenti koji su korišteni u apelaciji netačni i da normalno život nastavlja u Kantonu Sarajevo.

Molim vas da se izjasnite o pazi od sat i 15 minuta kako je to prošli put bila praksa. 75 minuta je bila pauza za koje je potrebno izjašnjenje Skupštine. Služba molim vas da se zastupnici izjasne. Možete glasati sada. Molim rezultate glasanja, ima dovoljno zelenih.

25 ZA. Pauza sat i 15 minuta. Hvala

NASTAVAK NAKON PAUZE

Predsjedavajući:

Dobro, nastavljamo s radom.

AD – 3.

PRIJEDLOG ZAKONA O IZMJENAMA I DOPUNI ZAKONA O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO"- SKRAĆENI POSTUPAK

Uvodničar ministrica Lejla Brčić, izvolite.

Ministrica Lejla Brčić: UVODNO IZLAGANJE

Predsjedavajući:

Dakle, prvo se izjašnjavamo o proceduri donošenja Zakona. Prvo glasamo o proceduri o skraćenom postupku donošenja Zakona. Ima li eventualno još pitanja neko od zastupnika prije nego što glasamo? Ako nema onda vas molim da se izjasnite da li ćemo **pretres Prijedloga zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo"** provesti po skraćenom postupku.

Glasati možete. Molim rezultate glasanja.

ZA JE GLASALO 27, PROTIV I SUZDRŽANIH NIJE BILO.

KONSTATUJEM DA JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Da li ima potrebe da se raspravlja o sadržaju Zakona? Niko se ne javlja.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNI ZAKONA O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO."

Možete glasati. Molim rezultate glasanja.

ZA JE GLASALO 27, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVAJ ZAKON.

Tačka 4.

AD – 4.

PRIJEDLOG ODLUKE O DAVANJU SAGLASNOSTI NA PROGRAM RADA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Ministar Garibija je stigao, a tu je direktor Bekto, ko će od vas dvojice? Direktor, jel? Direktor Bekto, izvolite.

Direktor JU Služba za zapošljavanje KS Muhamed Bekto: UVODNO IZLAGANJE

Predsjedavajući:

zahvaljujem. Ima li pitanja za direktora. Zastupnik Senad Hasanović. Direktore ostanite malo gore na bini. Zastupnik Hasanović izvolite.

Poslanik/zastupnik Senad Hasanović.

Zahvaljujem predsjedavajući. Pa evo ja imam dva kratka pitanja. U okviru Mjera aktivne politike zapošljavanja u 2019 godini, planirano je povećanje konkurentnosti nezaposlenih osoba na tržištu rada. Već smo imali prilike vidjeti neke od tih efekata iz programa pripravnčkog prvog radnog iskustva, prekvalifikacija i slično. Mene interesuje da li je planirano koliko će se od raspoloživih sredstava procentualno plasirati prema realnom

proizvodnom sektoru, te da li postoji opredjeljenje Službe za zapošljavanje da se pruži veća podrška sektoru koji donosi novu vrijednost. Te da se u tom sektoru stimulira novo upošljavanje. I drugo pitanje, s obzirom da je Planom za 2019 godinu u segmentu kapitalnih projekata navedena nabavka uredske tehničke opreme, za potrebe Službe, da li je planirano značajno ulaganje u web stranicu i dalje ulaganje za aplikacije za on line povezivanje poslodavaca i nezaposlenih osoba. Hvala.

Predsjedavajući:

Možete odmah odgovarati. Tako smo danas.

Direktor Muhamed Bekto:

naravno. JU služba za zapošljavanje Kantona Sarajevo kroz Program mjera za 2019 godinu i Finansijskim planom je obezbijedila 3.150.000 za tri planirana javna poziva, između ostalog obuka, prekvalifikacija, dokvalifikacija javni radovi i samozapošljavanje. Mi smo evo, sutra se završava javni poziv gdje smo odvojili sredstva kroz Rebalans, 9.200.000 gdje ćemo zaposliti 700 pripravnika koji se nalaze na evidenciji, također i 571 koja se nalazi na evidenciji nezaposlenih. Sam podatak da imamo do jutros do 10 sati za pripravnike 213 aplikacija za 606 osoba, a za 571 imamo 356 aplikacija i traženo je 1284 osobe. To je posao za sve. Tu nam je primarni cilj realni sektor. Javni sektor će možda malo više tražiti poslodavci iz javnog sektora što se tiče pripravnika, mada kroz neku analizu smo vidjeli da dosta poslodavaca će biti iz realnog sektora koji će aplicirati, i koji su aplicirali na javni poziv pripravnika. Služba za zapošljavanje Kantona Sarajevo i te kako ima ogromnu obavezu jer imamo na evidenciji 61.193 osobe, kako ih nadograditi, i pružiti, odgovoriti potrebama tržišta rada. Možda ako ste primijetili da smo mi to sufinansiranjem pripravnika digli sa 600 KM na 800 KM, posao za sve sa 500 na 700. znamo da cijene u Kantonu, kao i u samoj državi konstantno rastu, pokušavamo na taj način olakšati poslodavcima jer znamo koliki su nameti preko 70%, a isto tako da prebacimo tu obavezu poslodavcima da daju dobru platu radnicima za koji posao obavljaju. Znam da Služba ima, vjerovatno vidjeli ste ogroman prenos sredstava, isto tako moramo istaći da imamo dosta ugovorenih sredstava i da ćemo praviti javne pozive što kraće da bi to bukvalno rečeno neke stvari počistili da bi mogli u 2020 godinu ući čisti što se tiče finansijske strane. Sam ovaj javni poziv za pripravnike koji traje 12 mjeseci, samim tim ako se ugovore stvari prelaze u narednu godinu. Mi imamo javne pozive od javnih radova, prekvalifikacije, dokvalifikacije, mi smo sufinancirali prvu godinu asistenata 15 asistenata na UNSA, tako da Služba za zapošljavanje Kantona Sarajevo možemo reći, na čelu s Vladom i resornim Ministarstvom i skupštinom i te kako može dosta u Kantonu Sarajevo olakšati što se tiče nezaposlenih osoba. Toliko. Hvala.

Predsjedavajući.

Zahvaljujem. Zastupnica Segmedina Srna Bajramović pitanje.

Poslanik/zastupnik Segmedina Srna Bajramović:

(ne čuje se uvod) nismo objedinili raspravu, je li tako Finansijski plan i Program rada, ne? Dobro. Dakle o Programu rada je riječ. S obzirom na to, mi smo se već vidjeli na Komisiji za rad i socijalnu politiku, no dobro je da to čuju i ostale zastupnice i zastupnici kao i građanke i građani Kantona Sarajevo. Uzimajući u obzir činjenicu da je posredovanje u zapošljavanju osnovna djelatnost službe, da li u okviru ove djelatnosti očekujete broj povećanja posredovanja u zapošljavanju putem službe i interesuje me s obzirom da u Programu rada nije navedeno, planirate li aktivnosti i koje radi unapređenja ove aktivnosti? Dalje, da li ćete u 2019 godini organizovati sajam zapošljavanja i kada planirate to učiniti. U Programu rada kratko je pomenuto da ćete organizovati sajam ali nije definisan rok. Dalje, da li je u Službi počeo proces profiliranja nezaposlenih osoba i šta planirate u 2019 godini preduzeti u vezi s

ovom obavezom propisanom članom 11 Pravilnika o evidencijama u oblasti zapošljavanja. Na strani 19 tačka 5. kapitalni projekti piše da u 2019 godini planirate izvršiti adaptaciju poslovnih prostorija u ulici Đoke Mazalića i poslovnih prostora u Vogošći. U prethodnoj godini, podsjestit ću vas i sve nas zajedno je kupljen poslovni prostor za potrebe Biroa Vogošća, pretpostavljam da se ovdje radi o adaptaciji starog poslovnog prostora u Vogošći, šta se tačno planira uraditi i za koje namjene se adaptira ovaj prostor? I zbog čega se planira adaptacija poslovnog prostora u ulici Đoke Mazalića jer ako se ne varam taj prostor je u potpunosti adaptiran 2010 godine? I još jedno pitanje, hvala, nadam se da ste uspjeli pribilježiti sve, koji biroi nisu prilagođeni novom načinu rada, te je potrebno nabavljati novu opremu i namještaj s obzirom da su u prethodnoj godini kupljeni ili unajmljeni i opremljeni poslovni prostor, mislim tu na biro Novi Grad, biro Vogošća, biro Stari Grad a prethodnih godina i ostali. Znači strana 11 nabavka opreme i namještaja. Toliko, zahvaljujem.

Direktor Muhamed Bekto:

ostao sam samo dužan za web stranicu. Ako ste primijetili mi imamo web stranicu i radimo konstantno na njoj da pokušamo olakšati nezaposlenim osobama da mogu pratiti što bolje naše oglase. Evo i ovom Uredbom što možemo pohvaliti da će sva zapošljavanja u javnom sektoru ići oglašavanje preko Službe za zapošljavanje Kantona Sarajevo što je još jedna odgovornost nas kao društva i Skupštine kao Vlade. Hvala.

Eh, aktivnosti, Služba za zapošljavanje Kantona Sarajevo nikako nije naziv Služba za zapošljavanje Kantona Sarajevo ne opravdava ono za šta je stvarno služba. Služba je za posredovanje pri zapošljavanju. Ta inicijativa treba da se pokrene, sami naziv službe jer ljudi i percepcija ljudi u javnosti da mi se bavimo zapošljavanjem. Mi posređujemo pri zapošljavanju. Prednost službe za zapošljavanje Kantona Sarajevo je ta što mi odvajamo sredstva za sufinansiranje poslodavaca koji žele angažovati osobe koje se nalaze na evidenciji nezaposlenih. Za pitanje posredovanje i te kako služba mora poraditi prilikom posredovanja, i te kako mora napraviti trijažu aktivnih od pasivnih tražioca posla i također trijažu od dobrih i loših poslodavaca. Svi znamo, opća javna tajna kakve imamo poslodavce, čast izuzecima. I da ljudi idu na posao, rade po mjesec dana, da ne dobiju platu. Ali jednostavno svijest ljudi koji potpišu ugovor moramo, imamo instituciju koja se zove inspekcija rada da istu tu neregularnost prijave. Znači jednostavno mi kao društvo, i mi kao služba, osobe koje se nama jave s takvim mi upućujemo. Služba za zapošljavanje Kantona Sarajevo mora podići posredovanje, i možemo reći da kroz naše job klubove individualno savjetovanje koje mi radimo, da smo osvojili nagradu kao prvi u BIH i vjerujem da nismo bez razloga osvojili tu nagradu i ta nam nagrada i te kako daje obavezu da još bolje radimo na tome. S tim u vezi imamo obavezu da kažem da osobe tj uposlenici Službe za zapošljavanje Kantona Sarajevo i te kako trebaju edukaciju jer da imate 130 zaposlenih a 62.000 skoro korisnika, samo da se bavite, kao što se na žalost u većini bavimo pukom administracijom, ne možemo odgovoriti. Ali evo zajedno sa skupštinom i sa Vladom Kantona i sa resornim Ministarstvom i te kako zajedničkim naporima pokušavamo te neke stvari gimnastikom da rješavamo. Što se tiče sajma zapošljavanja Kantona Sarajevo možemo reći da smo 30.11.2018 odradili sajam za zapošljavanje gdje smo po prvi put u saradnji sa Ministarstvom za rad, socijalnu politiku sa Ministarstvom obrazovanja sa udruženjem poslodavaca FBiH i sa Privrednom komorom i deset strukovnih škola u Kantonu Sarajevo odradili sajam zapošljavanja gdje smo pokušali poslodavce koji zapošljavaju djecu iz tih završenih škola da približimo i da vide djeca koja završavaju školu kakve su potrebe tržišta rada i šta poslodavci traže. Također možemo navesti da smo mi također planirali 2019 sajam zapošljavanja u Kantonu Sarajevo ali da ga proširimo na što više ustanova da vide ljudi ono što stvarno što mi radimo da je nama osnovna misija posredovanje pri zapošljavanju. Karijerno usmjeravanje koje se radi u srednjim i osnovnim školama mi ćemo zahtijevati sa Ministarstvom obrazovanja da tu malo spustimo još u osnovnim školama možemo reći od trećeg, četvrtog razreda da djeca znaju kakve su potrebe

tržišta rada a ne da upisuju kao što i sami znamo po željama roditelja nažalost. Najveće je to kod fakulteta izraženo. Vjerujte bitni podaci i potrebe tržišta rada. Evo jedan podatak, zaposlenost u FBIH, zastupljenost zaposlenosti na nivou Kantona Sarajevo u januaru, po biltenu koji mi vadimo je 26%. znači 1/4 zaposlenih je u Kantonu Sarajevo. I to i te kako nam daje obavezu da budemo kao Služba najbolji primjer ostalim službama kako treba šta raditi. Što se tiče adaptacije mi se možemo pohvaliti da imamo odlične uslove za rad, zajedno koje smo uradili što se tiče objekata sa GOPOM i sa JEPOM Švicarskom organizacijom gdje smo mi kupili određene prostore za Biro Novi Grad i Biro Vogošću i on su tamo opremili. Također imamo ovo što se tiče adaptacije Vogošći to je stari biro gdje ga želimo adaptirati i pustiti u funkciju. Da li ćemo kroz naše job klubove ili ćemo vidjeti da pustimo u funkciju nezaposlenim osobama da možemo odgovoriti potrebama. Imamo idealnu saradnju i sa lokalnom zajednicom također sa opštinom Vogošća gdje možemo zajedničke neke aktivnosti sprovoditi. Što se tiče adaptacije u Đoke Mazalića, centrale, direkcije Službe za zapošljavanje Kantona Sarajevo ona je zaista neophodna. 2010 zadnja rađena adaptacija gdje imate sada trenutno zbog povećanja obima posla, srećom kroz aktivne politike zapošljavanja, imate u jednoj kancelariji da sjedi šest do sedam ljudi koji sprovode mjere aktivne politike zapošljavanja gdje su finansiranja. Ne kažemo da neke neophodne stvari koje nisu neophodne raditi, a li moramo neke uraditi da stvorimo uslove rada bi što bolje mogli odgovoriti populaciji koju mi zastupamo za naše korisnike. Neke od biroa koje ne trebaju adaptaciju, mi imamo biro Trnovo, koje nam je načelnik opštine dao na ustupanje da koristimo gdje imamo 457 osoba koje se vode na evidenciji nezaposlenih. To je jedino ono što mi nećemo raditi a i te kako moramo raditi na sebi, na službi, na uposlenicima da bi mi kao Služba svojim korisnicima pružili najbolje usluge koje očekuju. A najbolje usluge da smanjimo broj nezaposlenih, da pokušamo u Kantonu Sarajevo dići platnu moć kroz naše programe sufinansiranja, a isto tako podijeliti, napraviti trijažu između dobrih i loših poslodavaca, između aktivnih i pasivnih tražioca posla. Mi tražimo mogućnost maksimalnu i možemo se pohvaliti da smo u saradnji sa lokalnim zajednicama dosta lokalnih zajednica malte ne privolili da rade programe slične nama tako da rješavaju broj nezaposlenih u svojim općinama jer oni, kao što je svima nama poznato, izdvajaju određena sredstva na žalost ne znaju kako da ih implementiraju, ali evo Služba za zapošljavanje Kantona Sarajevo stoji na dispoziciji. Svaka kritika, dobronamjerna, mi ćemo je svakako prihvatiti, mi smo tu da surađujemo. Hvala još jednom.

Aha, izvinjavam se.

Poslanik/zastupnik Segmedina Srna:

hvala još jednom. Možda niste uspjeli pribilježiti, pitala sam vas da li je u službi započeo proces profiliranja nezaposlenih osoba i šta planirate u 2019 godini preduzeti u vezi s ovom obavezom propisanom članom 11 Pravilnika o evidencijama u oblasti zapošljavanja (Službene novine 74/18).

Direktor Muhamed Bekto:

profiliranje osoba koje se nalaze na evidenciji, mi to sprovodimo kroz aktivnost, kroz job klubove. Evo mi smo neki dan imali sastanak sa GOPOM gdje radimo individualni plan zapošljavanja. I vidjeli smo neke nedostatke što se tiče Službe za zapošljavanje kako moramo to nadograditi i otkloniti kako bi što bolje mi odrađivali svoj posao kako bi nezaposlene osobe pokazale ono što znaju prema svom poslodavcu. To nam je primarni cilj i vjerujte 61.193 nezaposlene osobe da li ih stvarno toliko ima, i koliko se trošimo na osobe koje stvarno ne žele da rade. Mi jedva čekamo da ovaj Zakon o posredovanju bude usvojen na ovoj Skupštini da počnemo da se bavimo sa aktivnim tražiocima posla. Hvala.

Poslanik/zastupnik Bilsena Šahman ima pitanje:

hvala predsjedavajući. Na jedno pitanje sam već dobila odgovor, tako da imam samo jedno kratko pitanje. A prije toga sve pohvale na vaš rad i rad vaše službe, to se zaista vidi i mislim da to građani prepoznaju. Ali ima jedna stvar za koju bih vas pitala, koliko se radi na edukaciji uposlenih? Da li je istina da inspekcije ne izlaze iz Službe, da nezadovoljni uposlenici pozivaju inspekciju i idu na bolovanja?

Direktor Muhamed Bekto.

Na žalost, informacija je tačna. To će imati, resorno Ministarstvo će biti upoznato s tim aktivnostima koje se sprovode. Ja dok sam na čelu te ustanove, evo već sedam mjeseci, iz reda sam uposlenih, kao što sam maloprije rekao, i te kako da treba edukacija uposlenih a i te kako i meni su ruke svezane u nekim stvarima što se tiče tih stvari, inspekcija. Meni dolazi inspekcija, jučer. Sam jednu inspekciju ispratio, najavila mi se iduće sedmice druga. Trošimo se na inspekciju rada, da se više trošimo na ono za šta stvarno trebamo da radimo nadam se da bi ovi rezultati i te kako bili bolji, itekako bi imali manji broj nezaposlenih na evidenciji i da bi novi programi. Jedan samo podatak za vas, Služba za zapošljavanje Kantona Sarajevo je prošle godine zajedno sa federalnim prošli smo jedan pilot projekat služba na zajedničkim projektima gdje smo mi za tri mjeseca skoro sufinansirali 200 osoba koje će se zaposliti. Inicijativom kroz Službu i projekte koje smo napisali i zahtjevom smo dobili cca 2 miliona koji će biti na raspolaganju ovom Kantonu, službi za zapošljavanje za sufinansiranje zapošljavanja kroz obuku, prekvalifikaciju, dokvalifikaciju za poznatog poslodavca. Da se može može se puno, da treba vremena treba, da treba odvojiti od podobnosti do sposobnosti mislim da je to i te kako idealna prilika bar kroz Službu za zapošljavanje Kantona Sarajevo. Mene ne gledajte ko Muhameda Bektu v.d. samo gledajte moje rezultate i nadam se da će to tako biti vodilja. Mislim da ova Skupština i Vlada Kantona Sarajevo će biti pri tome principijelna i da će pokazati da stvarno će prepoznati rad i rezultate. Hvala.

Poslanik/zastupnik Dževad Poturak:

zahvaljujem. Čestitam na radu direktore. Naravno da ću glasati za ovu odluku, javio sam se da ću podržati ovaj Program rada ali također najavljujem da ću u budućnosti biti puno više angažovan kako bi Služba za zapošljavanje postala pravi servis za zapošljavanje. Radila na kreiranju kvalitetnih i ciljanih programa za zapošljavanje deficitarnih kadrova, posebno u realnom sektoru jer je očigledno da se sve teže dolazimo do deficitarnih zanatskih zanimanja. Omladina nam ode van BIH, Europa razmišlja dosta brže tržišno. Naši stručni i iskusni kadrovi odoše van zemlje. Trebaju nam programi sufinansiranja koji će biti dodatni stimulans d ase mladi opredjeljuju za rad u BIH i da ostanu ovdje i u skladu sa tim tražim bolju saradnju Službe za zapošljavanje sa Ministarstvom privrede i Privrednom komorom na kreiranju takvih programa. Moje pitanje bi bilo da li je moguće, kako je to moguće d asu osobe koje su rukovodioci u Službi, oni su članovi Gradskog vijeća, Opštinskog vijeća, raznih komisija itd. I da oni imaju ogromna primanja više od direktora, kako je moguće da oni pored tih svih silnih aktivnosti uspijevaju raditi svoj osnovi posao u Službi za zapošljavanje?

Direktor Muhamed Bekto:

Na žalost, upoznat sam mi ja s tom činjenicom, meni su kao, ponovo ponavljam da ne budem replay v.d. direktor Službe za zapošljavanje, to je iznad moje moći. Podaci su vjerovatno za Ministarstvo i to su situacije koje Vlada Kantona Sarajevo mora da preuzme te mjere i aktivnosti na tim stvarima jer jednostavno Vlada imenuje i opštine i znamo šta su općinski izbori, ali meni je tu da radim i ja s nekim činjenicama ja se stvarno ne mogu nositi niti se mogu izboriti što se tiče Zakona. Zakon je tu da ga mi primjenjujemo radimo, a opšte je poznato stanje u tim stvarima, ja mislim ne samo Služba za zapošljavanje Kantona Sarajevo već i ostale ustanove.

Poslanik/zastupnik Damir Marjanović:

zahvaljujem se predsjedavajući na datoj riječi. Zahvaljujem se direktoru na izlaganju. Samo jedno pitanje. Pregledajući dokumente koje smo dobili, nisam siguran da li sam dobro primijetio eventualno intenziviranje suradnje sa univerzitetima na području Kantona Sarajevo vezano za diskusije o eventualnoj korekciji upisne politike UNSA prilagođeno onome šta vi ste iz svoga domena primijetili. S druge strane nešto što je jako dobre rezultate polučilo u drugim zemljama posebno onim koje pretenduju ka EU, priča o potenciranju i finansiranju star up u suradnji sa univerzitetima kako državnim, tako i privatnim, da li nešto od toga nešto ste možda sakrili u vašem planu a da je meni promaklo, hvala vam velika?

Direktor Muhamed Bekto:

hvala na pitanjima. Što se tiče univerziteta u Kantonu Sarajevo kao što vam je poznato da mi sufinansiramo 150 asistenata gdje smo odvojili sredstva i to je za svaku pohvalu. Na taj način Služba za zapošljavanje pokušava taj dio intelektualne populacije da zadrži u ovom Kantonu i ovoj državi. Što se tiče star upova ja sam radio na referatu skoro pet godina star up tj samozapošljavanje u Kantonu Sarajevo i što je pokazatelj da je od konca 2014 do završetka 2018 godine preko 2400 star up registrovano u Kantonu Sarajevo. I gdje možemo reći da je preko 36% tih start up opstalo i dalje radi i zapošljavanju. Zadnji naš javni poziv za samozapošljavanje mladih gdje smo imali zapošljavanje preko 100 osoba koje se nalaze na evidenciji. Možemo se pohvaliti da je po prvi put u Kantonu Sarajevo zadovoljen i džender, da ćemo više imati mladih budućih poduzetnica nego poduzetnika. Da se nešto pozitivno dešava u Kantonu Sarajevo mi pokazatelje stvarno imamo na papiru i to pokazujemo. Da zajedno trebamo puno više, da. Mi smo UNSA poslali inicijativu da mi dođemo ako treba Služba, evo direktno ja ili neko ko je već kompetentan da objasni, da pojasni završnim generacijama Ekonomskog fakulteta, bilo kojeg fakulteta jer nema šansi da se među tim završnim studentima najmanje 5 do 10 budućih poslodavaca zdravih star up neće opstati i da neće opstati u ovom gradu. Nadam se da ćemo to ostariti. Odličnu imamo saradnju sa UNSA, UNSA nas je čak pozvao na jedno gostovanje predavanje šta sve Služba za zapošljavanje Kantona Sarajevo nudi osim zdravstvenog osiguranja šta sve nudim mladim koji imaju priliku i žele da pokrenu svoj biznis.

Poslanik/zastupnik Damir Marjanović:

ja se izvinjavam, samo malo pojašnjenje pitanja ako mogu. Zahvaljujem se na odgovoru. Jasan mi je drugi dio odgovora, ali ovaj prvi sam prvenstveno mislio vezano za upisne politike koje sprovede univerziteti na području Kantona Sarajevo. Pretpostavljam da vaše mišljenje i vaša intenzivna aktivnost u tome mnogo olakšala da univerziteti na području Kantona Sarajevo kako državni tako i privatni oblikuju upisne politike prema onome što tržište rada Kantona Sarajevo na neki način zahtjeva. Pa me zanima s te strane da li radite.

Direktor Muhamed Bekto:

svakako ćemo iskoristiti tu priliku kada budemo imali ta gostovanja reći kakve su potrebe tržišta rada. A kakva je upisna politika da nije srazmjerna upisna politika potrebama tržišta rada. Mi ćemo dati sve dokaze koji su relevantni statističke podatke, šta nam govori upisna politika a šta nam traži potrebe tržišta rada. Da to pokušamo srazmjerno potrebama tržišta rada politikama zapošljavanja. Tj zapošljavanje studenata. Šta ćemo mi kada proizvedemo studente koji nemaju gdje šta da rade. Trebamo pet ustanova nekih otvoriti da bih njih zaposlili. Jednostavno mi moramo se naša je dužnost da kažemo kakve su potrebe tržišta rada a mislim da Ministarstvo obrazovanja i te kako veliki zadatak će imati kako to da uredi taj sistem. Hvala

Poslanik/zastupnik Segmedina Srna Bajramović:

ja se zahvaljujem a htjela sam zamoliti, propustila sam postaviti jedno pitanje, no ako neću kršiti Poslovnik, evo ja mogu i odustati ako mi ne dopuštate, to, razumjet ću.

Predsjedavajući:

Nismo gotovi s pitanjima. Dakle da možete, izvolite.

Poslanik/zastupnik Segmedina Srna Bajramović:

Još samo jedno, propustila sam. I zahvaljujem direktoru naravno na svim odgovorima na moja prethodno postavljena pitanja. Dakle na strani 5 Programa rada piše da Služba planira donijeti novi Pravilnik o radu. Važeći Pravilnik o radu donesen je u decembru 2016 godine. Izmjene i dopune istog donesene su u januaru 2018 godine, a kao kratak sadržaj navedeno je da će se novi Pravilnik donijeti radi usaglašavanja sa većim propisima. Moje pitanje je znači li to da aktuelni pravilnik, pravilnik koji se primjenjuje nije usaglašen sa važećim propisima.

Direktor Muhamed Bekto:

Kao što vam je poznato u devetom mjesecu 2018 godine donesen je novi pravilnik o evidencija. Ima godina dana da se on implementira. Naravno da moramo mi promijeniti taj pravilnik kako je shodno Zakonu, tj Federalno ministarstvo za rad socijalnu politiku kako je donijelo mi moramo primijeniti. Služba za zapošljavanje Kantona Sarajevo što se tiče pravilnika 31.03. je zadnji Pravilnik s izmjenama i dopunama donesen 2018 koji je stupio na snagu i on je važeći. Da treba neke stvari poraditi, treba poraditi i iz segmenta zato što se mijenjaju potrebe tržišta rada i da ljudi u Službi za zapošljavanje Kantona Sarajevo kao što sam maloprije rekao trebaju edukaciju i naravno da trebamo kvalitetan kadar u Službi za zapošljavanje Kantona Sarajevo da bi mogli što kvalitetnije odgovoriti poslovima i zadacima koji su pred nama. Služba za zapošljavanje Kantona Sarajevo u 2018 godini ima obavezu sve izmjene zakonske koje se tiču službe da ih primijeni u službi. Od Zakona o posredovanju, socijalnoj sigurnosti u Kantonu Sarajevo, možemo mi reći da samo mi i Kanton Livno imamo Zakon o posredovanju. Tako da i krovni i federalni. Hvala.

Poslanik/zastupnik Vildana Bešlija.

Hvala. Ja ću kratko. Spomenuli ste žene. To sam nešto pitala i na Komisiji za budžet i finansije čija sam članica a li evo opet bih voljela malo da mi pojasnite, u kom smislu je urađeno unapređenje po pitanju zapošljavanja više žena? Koji su to programi? Sjećam se da ste neko obrazloženje dali ali eto voljela bih da nabrojite koje su to kategorije žena jer mi je bilo nešto poprilično čudno da moraju biti ili zlostavljane ili ovako na neki način da nešto da bi mogle inače dobiti to? Pa bih voljela da mi to posebno malo pojasnite. I da li su u tim linijama predviđene određene olakšice u finansijskom smislu za žene prilikom pokretanja biznisa? Znači ne davanja za pokretanja biznisa, nego prilikom otvaranja ili eventualno zatvaranja biznisa kada je u pitanju administracija. Hvala.

Direktor Muhamed Bekto:

što se tiče sufinansiranja samozapošljavanja žena ili zapošljavanja žena koje se nalaze na evidenciji Kantona Sarajevo kroz kriterije koje Služba za zapošljavanje Kantona Sarajevo navodi u svojim javnim pozivima prednost ima prilikom zapošljavanja žene. Također ako ste mogli vidjeti da Federalni zavod za zapošljavanje čije mi mjere sprovodimo da prednost ima poseban javni poziv žena. Kroz star up. Čak imaju više sufinansiranje žene nad muškarcima. Tako da tu mi politiku sprovodimo. Što se tiče vašeg pitanja šta vas je bunilo mi smo napravili bili javni poziv za prekvalifikaciju i dokvalifikaciju na inicijativu žena žrtava nasilja. Na inicijativu Udruženja mi smo napravili javni poziv i ono što je poražavajuće je da apsolutno niko nije htio da se prijavi od te kategorije tih žena. Što je poražavajuće. Da li je do sistema,

do čega je. Mi smo čak odvojili sredstva za obuku, prekvalifikaciju, našli izvođača, školu, konkretno za šivanje krojačice, našli obuku gdje će se izvoditi. Našli da sufinansiramo sredstva čak, našli čak i poslodavca koji će se zaposliti ali vjerujte dva puta ponavljali javni poziv, niko se na žalost nije javio. Možda je malo agresivnije služba krenula s ovim programima baš vezano za to da ljudi nemaju prave informacije u pravo vrijeme i moramo publikovati neke dobre stvari stvarno koje Služba za zapošljavanje Kantona Sarajevo stvarno radi. Hvala.

Predsjedavajući:

Pitanja više nema. Zahvaljujemo direktore. Da li se neko javlja za raspravu. Nema prijavljenih. Zaključujem raspravu.

Kolega Stojanoviću. Kolega Dević je u pravu ne mogu vam dati riječ. Dakle prošli put njemu nisam dao. I stvarno bi bio presedan. Kada kažem zaključujem raspravu to smo uveli kao termin. Još sam malo sačekao da vidim ima li prijavljenih. Nemojte se ljutiti. Ja vas nekako vidim ovamo izloženog, najbliži ste mi. Pa zaista mislim da je principijelno. Jednom sam ovako postupio. Malo smo sačekali. Bit će druga tačka, na njoj možete raspravljati. Finansijski plan. Tako da imate prigodu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU.

Možete glasati. Molim rezultate glasanja.

ZA JE GLASALO 29, PROTIV I SUZDRŽANIH nije bilo.

KONSTATUJEM DA JE SKUPŠTINA DONIJELA OVU ODLUKU.

Naredna tačka je:

AD – 5.

PRIJEDLOG ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU SA ODLUKOM O IZVRŠAVANJU FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU

Je li potrebno uvodna riječ poslije ovog što smo čuli? Pitanja ako imate po ovoj tački, raspravljati možete ako nemate pitanja. Pitanja nema. Otvaram raspravu. Kolega Igor Stojanović i vuk i ovce i svi siti.

Poslanik/zastupnik Igor Stojanović:

E hvala lijepo. Samo da se poštuju procedure što bi rekli iz Kluba SDA ja sam uvijek za to. Ja želim da prokomentarišem ovaj Finansijski izvještaj i da dam par sugestija i naravno ovaj dio koji sam želio prokomentarisati vezano za program rada ipak jednim dijelom vezani i za finansije. Kada je u pitanju sam Program rada, ja imam jednu sugestiju vezano za donošenje novog pravilnika i statuta koji je prema Programu rada, statut je planiran za septembar a pravilnik je planiran za august. To bi otprilike značilo da ako prvo doneseno pravilnik pa nakon toga statut da bi onda ponovo morali pravilnik usaglašavati. Ja mislim da bi te dvije stvari trebalo zamijeniti i jednostavno da bi ta dva akta bila u korespondenciji nekoj da ne bi radili dupli posao. Osim toga prokomentarisat ću da u Službi za zapošljavanje generalno bi

ova institucija bez obzira na pripadnost političkoj opciji bilo jako bitno da ima generalni stav, plan razvoja i uticaja na smanjenje nezaposlenosti. Zašto ovo govorim? Zbog informacija koje poznajem iznutra iz Službe za zapošljavanje a to su prije svega ove izmjene sistematizacija gdje smo imali u godini dana tri izmjene sistematizacije, koje su naravno uticale na strukturu same službe, i mislim da bi se takva jedna stvar trebala definisati mnogo ranije kako bi znali na koji način šta od koje službe želimo, i od kojeg odjeljenja unutar same službe za zapošljavanje. Postoji konkretan slučaj gdje smo u augustu 2017 otvorili recimo kancelariju za poslodavce koja je samo dva mjeseca poslije toga zatvorena, da bi se opet nakon toga razmatralo ponovo njeno otvaranje, što govori o neusuglašenosti politika, i govori ja moram reći izraziti jednu kritiku svim strankama u Kantonu Sarajevo, a to je da kako se promijeni koji direktor dolazi sa nekom novom filozofijom. Moja namjera ovdje je da mi uskladimo sa ljudima iz Službe za zapošljavanje program rada i razvoja službe kako bi tu politiku definisali za narednih 10 godina. Naravno da će se kroz istraživanje tržišta nakon toga definisati u koje bi se konkretno programe trebao novac uložiti ali to ne bi trebalo pretjerano uticati na sistematizaciju unutar same službe. Kada je u pitanju finansijski izvještaj. Najspornije od svega za mene je ovih 15-850.000 prenesenih sredstava neutrošenih od programa od kojih mi jednostavno nismo dobili željeni efekat. To je novac koji je planiran za smanjenje nezaposlenih osoba, za razvoj privrede u Kantonu Sarajevo, koji očigledno nije dobro planiran. I ovo je jedna konstanta u Finansijskom izvještaju Službe za zapošljavanje već godinama. Ovo je najveći planirani budžet Službe za zapošljavanje od 50 miliona KM što govori da mi očigledno moramo voditi računa u samoj Službi kako da dobijemo efekat od ustanove koju smo osnovali da bi poboljšali jedan segment. Za koji složit će se svi ovdje, bez obzira na političku pripadnost je bolna tačka Kantona Sarajevo a to je nezaposlenost. Programi koje je služba provodi na osnovu novca koje planira, po meni, jedan od glavnih problema što ovi programi vrlo kasno krenu sa realizacijom jer se ne usklađuju evo konkretno sa programom i sa samim finansijskim, sa budžetom same službe. Novac se određuje nekada malo, ako možete malo iz Kluba SDA, ja sam vas slušao, pa bih vas zamolio ako možete malo tiše. Dakle, mislim da je jako bitno da plan za utrošak sredstava na programe bude usklađen sa programom rada i sa finansijskim izvještajem na početku godine kako bi i sam utrošak sredstava krenuo već sa početkom godine. Mi sada dolazimo u situaciju da programe realiziramo tek u drugoj polovini i onda naravno ne stignu se utrošiti sva sredstva, nemamo vremena za neku preraspodjelu i uspostavljanje novih programa i onda dolazi do prebacivanja sredstava. Moje dakle prijedlog da već početka godine, evo naredne, možda smo ove već zakasnili, ali već za 2020 da već imamo spreman i set programa kako bi utrošili taj novac usklađen sa finansijskim planom i programom rada i da bi već mogli raspisati sve programe sa početka godine pa ako oni ne budu adekvatno realizovani s obzirom da Služba za zapošljavanje obavlja i istraživanje tržišta rada da se onda već polovinom godine mogu raspisati i predložiti neki drugi programi koji bi u potpunosti realizirali ovu stavku. To bi bilo planski i ja vjerujem da ne bi više dolazili u situaciju da prebacujemo 10 ili 15 evo ove godine 15.850.000 KM. Hvala.

Poslanik/zastupnik Bilsena Šahman:

Hvala predsjedavajući. Pitanje za direktora da li je tačna informacija o pronevjeri u službi gdje je uposlenik za 10 godina otuđio 600.000 KM. Imam informaciju da je taj uposlenik otišao u penziju bez sankcija. Osobe koje su bile nadređene istom i danas rade u Službi, a danas služba mora platiti milionsku kaznu za plaćanje poreza na taj otuđeni novac. Da li je to istina?

Predsjedavajući:

Zastupnica Neira Dizdarević- pitanja su prošla ali direktor može na kraju dati eventualno u osvrtu na.

Poslanik/zastupnik Neira Dizdarević:

Hvala predsjedavajući. Pa evo ovako, ja ću pokušati da se ne ponavljam. Kolega Igor je zaista prikazao jednu analizu ovog finansijskog plana a ja ću da se dotaknem u svojoj diskusiji par važnih činjenica, sa napomenom da zaista ove kritike koje ću uputiti ne adresiram direktoru koji je tu sedam mjeseci, radi se o jednom dugoročnom problemu u ovoj službi i mi smo i ranijih godina na neki način vrlo kritički govorili o samoj rastrošnosti i o jednom komoditetu koji ova služba sebi dopušta. Dakle veoma često u dokumentima koje mi razmatramo ovdje na sjednicama nema veze da li su u pitanju finansijski planovi rada, programi rada i li izvještaji o radu, nekako ključni momenat koji veoma često izostaje jeste ta kvalitetna analiza poduzetih mjera i njihovih efekata. Dakle u svojoj diskusiji ću istaći par činjenica vezano za sam finansijski plan Službe za zapošljavanje koji je danas pred nama. Što se tiče samih finansijskih pozicija u planu službe za 2019 godinu na poziciji novčane naknade nezaposlenim licima planiran je iznos od 13.300.000 KM što predstavlja povećanje u odnosu na plan 2018. to u prevodu znači da ćemo imati čak i veći broj lica koja će ostati bez posla što zbog otkaza što zbog isteka ugovora. Broj ovih lica otprilike je konstantan negdje od 2015 u izvještajima se kretao od negdje 8,5 do 8.700 lica što ukazuje samo jedno da mjere ne daju dugoročne efekte smanjenja nezaposlenosti di da se iste moraju nužno mijenjati. Predviđa se da će pravo na uplatu zdravstvenog osiguranja imati oko 56.500 nezaposlenih lica, 28.000 članova njihovih porodica i u ovom dijelu je također veoma važno napraviti razliku između onih koji aktivno traže posao i onih koji se javlja na evidenciju nezaposlenih samo zbog zdravstvenog osiguranja. Zaista moramo imati evidenciju koliko nezaposlenih spada grupu onih koji traže posao duže od jedne godine, duže od pet godina, duže od 10 godina. Koje su to struke i kako prilagoditi programe struke svakoj kategoriji. Smatram da je potrebno više transparentnosti u provedbi aktivnih politika zapošljavanja. Nemamo informaciju kako su mjere u proteklim godinama uticale na smanjenje nezaposlenosti u pojedinim sektorima, odnosno detaljnije informacije o rezultatima. Kada govorimo o javnim radovima, za koje javne radove su ljudi zapošljavanju, koji je benefit koji su oni ostvarili a koje društvo. Politike prvo radno iskustvo, nemamo informacije u kojim firmama su se zapošljavala ta lica, da li su to privatna preduzeća, da li su javna preduzeća, šta se desilo s tim licima poslije, da li su oni ostali zaposleni ili su ostali bez posla nakon jedne godine. Također želim da istaknem što sam uradila i na samoj sjednici radnog tijela na kojoj je prisustvovao i direktor. Posebno jednu kategoriju mladih ljudi koji recimo nakon jedne godine odrađenog pripravničkog staža ostaju bez posla, naravno ne mogu više biti pripravnici, jer ne zasnivaju radni odnos prvi put, a teško mogu aplicirati na druge konkurse zato što se obično tražili ili pet ili tri godine radnog iskustva. Dakle poslodavci otpuštaju pripravnike i onda kroz par mjeseci raspisuju konkurse i primaju druge ljude što je sam v.d. direktor istakao na sjednicama komisija. I ovdje zaista apelujem na resorno Ministarstvo i na službu da zajednički iznađu model koji će zaštititi ovu populaciju kako bi se ova praksa zloupotrebe zaustavila. Iako su kupljeni novi poslovni prostori a to je i kolegica Segmedina problematizirala u općini Vogošća i Novi Grad u finansijskom planu stoji da iznos za iznajmljivanje imovine, opreme i nematerijalne opreme, tek blago smanjen u planu za 2019 dakle sa 55.000 planiranih 2018 na 47.000 pa se ja zaista pitam d ali je moguće da efekat svih tih silnih investicija iz prethodnih godina u ove nove objekte tek ušteda od par hiljada KM na godišnjem nivou. Također troškovi koji su veoma karakteristika za javne službe a radi se obično o kupovini modernije opreme, ovdje je sada planirano 243.000, nabavka softvera 95.000, ti softveri koji se malo malo po službama mijenjaju, održanje iziskuje visoke troškove a nameće se zaista pitanje ko je u fokusu, da li je to služba i njen komoditet ili nezaposlene osobe koje se unatoč toj silnoj informatizaciji i dalje moraju redovno fizički javljati na biro. Ja se nadam da ćemo Izvještaj o poslovanju Službe za 2018 godinu dobiti odgovore na bar neke od ovih otvorenih pitanja koje sam ja i problematizirala u diskusiji. A Klub zastupnika Naše stranke će, kako ne bi naravno zaustavili procese, podržati Finansijski plan služne za 2019 godinu. Hvala.

Predsjedavajući:

Ima li još prijavljenih? Nema. Molim direktora da onda odgovori na ove dvije opaske zastupnice Šahman i ovo interesantno oko cijena zakupa i plana bez obzira što smo kupili neke prostore.

Direktor Muhamed Bekto:

Hvala još jednom. Uvaženom poslaniku Igoru Stojanoviću. Svaku kritiku, dobronamjernu naravno, Služba za zapošljavanje Kantona Sarajevo i te kako će prihvatiti i sprovesti. Zakon o radu doživio je zadnje izmjene 29.11. gdje se osobe koje se primaju u radni odnos ide konkursna procedura na određeno i neodređeno. I gdje ste rekli da je septembar i august, naravno da ćemo mi to i prije donijeti, ali bit će sigurno još izmjena Zakona o radu i moramo ga mi primjenjivati kroz naš pravilnik. Plan i razvoj službe i aktivnosti službe kroz job klubove, kroz potrebe tržišta rada, jednostavno mi ne određujemo niti možemo odrediti poslodavcu da će tu osobu koja se nalazi na evidenciji baš on izabrati i baš nju zaposliti. Zna da nemamo tu vlast ni ovlast da mi moramo reći poslodavcu ta osoba će biti koja se nalazi na evidenciji primljena ovdje kod vas. Svi znamo da poslodavci iz realnog sektora i te kako žele samo radnika, uopšte ne pitaju ni ko je ni šta je ni čiji je jednostavno žele radnika koji je spreman da radi i da radi na sebi i da mu pruži ono što poslodavac traži od njega. A mi kroz naše mjere aktivne politike zapošljavanja sufinansiramo, olakšavamo namete prema poslodavcima koji svi znamo koliki su, a isto tako stvaramo obavezu poslodavcima da platnu moć gdje smo imali kroz dva javna poziva gdje smo povećali da plata mora biti neto cca 700 ili 800 KM da stvorimo obavezu poslodavcima. Što se tiče iznosa prenosa sredstava, kao što je poznato mi smo rebalansom kroz ovih 9,2 miliona koji je ušlo u ovih 15 miliona plasirali sada dva javna poziva pripravnici i posao za sve. 1271 osoba. Ostali ostatak su ugovorna sredstva. Ja sam maloprije to rekao prilikom izlaganja imamo ugovorena sredstva kroz finansiranje pripravnika gdje je finansiranje 12 mjeseci. Evo sada ugovori koji se zaključe u aprilu idu april 2020 i samim tim da će taj ostatak, ta tri ili četiri mjeseca preći u 2020 godinu. Naravno da je kritika na mjestu da trebamo brže trošiti novac kroz neke programe koji daju stvarno efekta. Sami podatak da smo pripravnike i posao za sve da imamo za posao za sve za 571 osobu prijavljenu do sada 296 poslodavaca, preko 1050 osoba. Znači realni sektor potražuje., stvarno realni sektor je prepoznao kao partnera u budućnosti Službu za zapošljavanje Kantona Sarajevo. Što se tiče koliko sam mogao zapisati, ako je još nešto bilo vi možete napomenuti. Kao što ste vi naveli povećanje novčane naknade znamo da tržište rada ako negdje radite, čovjek dok je živ teži da radi posao da radi koji je najbolje plaćen. I svi smo svjesni toga da ljudi koji žele da rade na sebi, samim tim ako se ne zadovolje na jednom poslu da žele tražiti i ići na drugo. Što se tiče tih izvještaja, koliko je korisnika novčane naknade, kakav je monitoring o mjerama, to će biti u našem izvještaju za 2018 godinu koji će biti pokazatelj. Mi smo ove dvije mjere koje sam maloprije naveo i po osnovu naših monitoringa pokazali, tj objavili ta javna poziva i evo na obostrano zadovoljstvo stvarno imamo veliki broj aplikacija i nadam se da ćemo tim poslodavcima odgovoriti a ljudima koji se nalaze na evidenciji pružiti priliku da ostvare svoje osnovno pravo tj pravo na rad. Služba za zapošljavanje Kantona Sarajevo što se tiče da smo bitno smanjili sa 55.000, mi rentamo opštinski prostor Stari Grad, imao Ilijaš. Mi pokušavamo da riješimo to. Mi znamo da sve naše ispostave ne odgovaraju onako kako bi trebalo, kako je u Europi ali pokušavamo da obezbijedimo kvalitet ljudima kojima koristi, našim korisnicima ali vjerujte i te kako da treba poraditi na edukaciji ljudi koji rade u Službi za zapošljavanje Kantona Sarajevo. Mi smo toga svjesni i zajedno s vama i te kako možemo puno uraditi. Služba za zapošljavanje Kantona Sarajevo je zajedno sa nekim resornim ministarstvima krenula u neku aktivnost od Ministarstva obrazovanja, boračkog Ministarstva, nadam se i Ministarstvo saobraćaj da ćemo u budućnosti nešto raditi. Znači služba za zapošljavanje Kantona Sarajevo u svakom segmentu stoji na raspolaganju, kako ovoj Skupštini tako i Vladi, a naravno i korisnicima koji

se nalaze na evidenciji nezaposlenih u Kantonu Sarajevo. Hvala.

Pardon, nisam odgovorio na pitanje, bilo je pitanje za pronevjeru u Službi za zapošljavanje Kantona Sarajevo. Istina je da je uposlenik od 2006 do konca 2016 godine otuđio, tj pronevjerio cca oko 600.000 KM: da je isti penzionisan. Dobio je otkaz o radu. Sada se nalazi u penziji. To je apsurd. Mi smo dobili od poreske ispostave kaznu koja je preko milion da mi moramo platiti prorez na 600.000 KM koji je gospodin iz reda uposlenih napravio tu pronevjeru. Mi imamo preko 6 urgencija prema Tužilaštvu gdje smo na neke dobili odgovor na neke nismo, na žalost to je takva stvar, dok sam ja na čelu mi ćemo slati urgencije tražiti da se ko je vinovnik toga da se kazni jer vjerujte milion razloga imamo da tražimo to jer zato imamo 61.193 nezaposlenih koji sigurno bi imali priliku kroz taj novac da se finansiraju da riješe svoj status, da budu zaposleni da imaju priliku. Služba za zapošljavanje Kantona Sarajevo i dalje će nastaviti urgencijama prema tužilaštvu. Nadam se da će nas svjetlo dana ugledati da će jednostavno se pristupiti sprovođenju Zakona. Dok sam ja na ovom čelu vjerujte da ćemo sve moguće urgencije, sve ovlasti da se radi po Zakonu i zakon da se poštuje. Hvala.

Dopredsjedavajući Vior Handžić:

Dobro. S obzirom da nema više zahtjeva za riječ, zaključujem raspravu po ovoj tački dnevnog reda.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU SA ODLUKOM O IZVRŠAVANJU FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU.

Molim vas da glasate. Dajte rezultate glasanja.

ZA JE GLASALO 25 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na tačku šest dnevnog reda:

AD – 6.

PRIJEDLOG ODLUKE O DAVANJU SAGLASNOSTI NA ODLUKU O IZMJENI I DOPUNI STATUTA JAVNE USTANOVE OPĆA BOLNICA “PRIM. DR. ABDULAH NAKAŠ”

Prijedlog odluke ste dobili uz poziv za sjednicu. I molim ministricu Sofić da da uvodno izlaganje.

Ministrica Amela Sofić: UVODNO IZLAGANJE

Dopredsjedavajući Vior Handžić:

Zahvaljujem ministrice. Da li predstavnici radnih tijela žele riječ? Dobro. Ima li pitanja? Nema. Otvaram raspravu. Prijavljenih za raspravu nema. Zaključujem

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O IZMJENI I DOPUNI STATUTA JAVNE USTANOVE OPĆA BOLNICA “PRIM. DR. ABDULAH NAKAŠ.”

izvolite glasajte. Rezultate glasanja molim.

KONSTATUJEM DA JE SA 24 GLASA ZA, BEZ PROTIV I SUZDRŽANIH SKUPŠTINA DONIJELA NAVEDENU ODLUKU.

(Vođenje preuzeo predsjedavajući)

AD – 7.

PRIJEDLOG ODLUKE O VERIFIKACIJI ODLUKE O SPAJANJU JAVNIH USTANOVA KULTURE U JAVNU USTANOVU "BOSANSKI KULTURNI CENTAR KANTONA SARAJEVO" - PREČIŠĆEN TEKST

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Nema, jel? Dobro. Ima li pitanja i rasprave? Nema. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O VERIFIKACIJI ODLUKE O SPAJANJU JAVNIH USTANOVA KULTURE U JAVNU USTANOVU "BOSANSKI KULTURNI CENTAR KANTONA SARAJEVO".

Glasati možete. Molim rezultate glasanja.

ZA 25, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

AD – 8.

PRIJEDLOG ODLUKE O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVO GAS" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe?nema. Pitanja, rasprave? Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVOGAS" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE.

Možete glasati. Molim rezultate glasanja.

ZA JE GLASALO 25, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka devet:

AD – 9.

- a) **Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B 3, izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina;**
- b) **Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo stambeno-poslovnom objektu Niz B, Lamela B 2, izgrađenom u naselju Dobrinja V, Općina Novi Grad Sarajevo, koje će**

Kantonalni stambeni fond Sarajevo, kao Prodavac, zaključiti sa kupcima nekretnina.

Prijedloge odluka ste dobili uz materijal. Ima li potrebe? Iščitali ste. Ne treba uvod. Ima li pitanja? Nema. Rasprava? Niko se ne javlja. Zaključujem raspravu.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B 3, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJE ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA NEKRETNINA.

Molim da se izjasnite. Molim rezultate glasanja.

ZA JE GLASALO 24 ZASTUPNIKA, PROTIV 1, SUZDRŽANO ništa.

KONSTATUJEM DA JE SKUPŠTINA DONIJELA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO STAMBENO-POSLOVNOM OBJEKTU NIZ B, LAMELA B 2, IZGRAĐENOM U NASELJU DOBRINJA V, OPĆINA NOVI GRAD SARAJEVO, KOJE ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA NEKRETNINA.

Molim da se izjasnite. Molim rezultate glasanja.

ZA JE GLASALO 25 ZASTUPNIKA, PROTIV i SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

Tačka deset:

AD – 10.

PRIJEDLOG ODLUKE O IZMJENI ODLUKE O IZBORU PREDSEDavajućih, ZAMJENIKA PREDSEDavajućih i ČLANOVA STALNIH RADNIH TIJELA SKUPŠTINE KANTONA SARAJEVO

Prijedlog odluke ste dobili u dopunskom materijalu. Treba li uvod? Zamjena dva člana. Ne treba. Pitanja nema. Rasprava? Niko se ne javlja, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IZBORU PREDSEDavajućih, ZAMJENIKA PREDSEDavajućih i ČLANOVA STALNIH RADNIH TIJELA SKUPŠTINE KANTONA SARAJEVO .

Molim da se izjasnite. Molim rezultate glasanja.

ZA JE GLASALO 23 ZASTUPNIKA, PROTIV i SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka 11.

AD – 11.

PRIJEDLOG ODLUKE O IZMJENI ODLUKE O DAVANJU SUGLASNOSTI O STATUSNOJ PROMJENI FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA

Prijedlog odluke ste dobili u dopunskom materijalu. Ima li potrebe za uvod? Pitanja ili rasprave? Nema. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O DAVANJU SUGLASNOSTI O STATUSNOJ PROMJENI FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA.

Možete glasati. Molim rezultate glasanja.

ZA JE GLASALO 25 ZASTUPNIKA, PROTIV I SUZDRŽANO nije bilo.
KONSTATUJEM DA JE SKUPŠTINA DONIJELA OVU ODLUKU.

Tačka dvanaest:

AD – 12.

PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene. Ima li potrebe? Mirza Čelik kaže ima potrebe, ima potrebe. Izvolite. Zastupnik Čelik, pardon.

Ministar Adnan Šteta: UVODNO IZLAGANJE

Predsjedavajući:

Ima li pitanja za ministra Štetu? Ne javlja se niko. Otvaram raspravu. Za raspravu se niko ne javlja, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO.

Možete glasati. Molim rezultate glasanja.

ZA JE GLASALO 21 ZASTUPNIKA, PROTIV 6, SUZDRŽANO ništa.
KONSTATUJEM DA JE SKUPŠTINA DONIJELA OVU ODLUKU.

Tačka 13.

AD – 13.

PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA:

A)"RAD" D.O.O. SARAJEVO;

B)"PARK" D.O.O. SARAJEVO

Prijedlog odluke ste dobili u dopunskom materijalu. Predlažem da vodimo jedinstvenu raspravu, a izjašnjavat ćemo se pojedinačno.

MOLIM ZASTUPNIKE DA SE IZJASNE O OVOM PRIJEDLOGU.

Možete glasati. Molim rezultate glasanja.

ZA JE GLASALO 28 ZASTUPNIKA, PROTIV I SUZDRŽANO NIŠTA.

KONSTATUJEM DA SMO SE DOGOVORILI DA RASPRAVLJAMO JEDINSTVENO.

Molim predstavnika Predlagača da podnese uvodne napomene. Ministar Mandić.

Ministar Srđan Mandić: UVODNO IZLAGANJE

Predsjedavajući:

Ovo su već pitanja, ja mislim. Kolega Čelik i Dević, jel tako? Izvolite. Ministre ostanite malo tu.

Poslanik/zastupnik Mirza Čelik.

Zahvaljujem predsjedavajući. Pa ja ću postaviti pitanje resornom ministru i ministrici pravde i uprave i premijeru, pa evo neka mi odgovore, zašto nije u preambuli se nije pozivalo na Zakon o javnim preduzećima i Zakon o privrednim društvima, kada kaže i Zakon jedni drugi da se najmanje jednom godišnje u članu 3 ili 7, u članu 7 se definiše da se najmanje jednom dostavlja izvještaj osnivaču odnosno Skupštini Kantona, u ovom slučaju. A ja koliko znam imenovanje ovih Skupština se desilo 26.06.2018 godine a mi nismo dobili izvještaj o radu preduzeća koje danas imamo na dnevnom redu. Stoga poziva na odluku o osnivanju koja je definisala samo načine na koje se razrješava je nešto što bi danas napravili presedan ovom parlamentu a to je sljedeće: imenovanjem bilo koje nove Vlade bi podrazumijevalo da ne moramo dobivati izvještaje kako bi mijenjali ili kao što vi često svi koristite riječ plijen podijelili, i da na taj način dođemo u situaciju da se evo svako malo mijenjaju Skupštine preduzeća. To nije principijelno i nije u skladu sa zakonom, niti jednim niti drugim koji sam pomenuo, a pogotovo o nekim stvarima za koje mi kao zastupnici ne znamo. Evo pitam premijera i resorne ministre, koje sam pomenuo, da li su dobili izvještaje o poslovanju za 2018 od dana 26.06. kada su imenovane ove Skupštine. Ne kao v.d. nego je bio javni poziv i na taj javni poziv su se ljudi javili, obavili su intervju, izabrani su, imenovani u Skupštini kada sam pomenuo datum 26.06. i nisu dostavili izvještaj o poslovanju od datuma imenovanja pa do 31.12. ili do nekog datuma do kojeg je trebala Skupština da se odredi. Stoga vas molim zaista da se držimo Zakona ovih koje sam naveo i da ove tačke dnevnog reda o razrješnju danas povučete sa dnevnog reda jer trebate zatražiti izvještaj o poslovanju Skupština preduzeća pa tek razmatrati u ovoj sali trebamo ne usvojiti izvještaj i onda da dođemo u situaciju da razrješujemo te ljude ako nisu radili svoj posao, iza čega mi nećemo zaista ništa sporiti ako preduzeća koja dostave izvještaje a Skupština to proslijedi Vladi na razmatranje a Vlada nama i ako utvrdimo činjenicu da to nije kako treba, mi ćemo glasati naravno za smjenu svih onih koji nisu radili dobro svoj posao. Stoga ja sam postavio pitanje, ponovit ću, zašto se nisu primijenili u preambuli Zakon o javnim preduzećima i Zakon o privrednim društvima i zašto mijenjamo ljude koji su imenovani 26.06. a ako nemamo izvještaj o poslovanju istih a u raspravi ću svakako uzeti učešće pa ću pojasniti neke stvari. Hvala.

Poslanik/zastupnik Mahir Dević:

Zahvaljujem. Tražim naravno od sivih ministara da mi obrazlože razloge za smjenu Skupština. Nemojte mi čitati tamo neke članove, znači razlozi za smjenu članova Skupština.

Predsjedavajući.

Zahvaljujem zastupniče Deviću. Zastupnik Aljoša Čampara.

Poslanik/zastupnik Aljoša Čampara.

Zahvaljujem predsjedavajući. Ja tražim da mi se odgovori od resornih ministara, premijera Vlade, koji su razlozi za smjenu ovih Skupština obzirom da ove skupštine ne mogu biti odgovorne za bilo kakav rezultat rada JP jer su imenovane tek čini mi se u julu 2018 godine. Ni jedan izvještaj ovih Skupština nije razmatran od strane Skupštine Kantona da bi se mogao ocijeniti rad ovih Skupština. Također mislim da se ne može neko razriješiti dužnosti samo što je to nečija volja, odnosno što je to želja nove Vlade ili nove skupštinske većine i ja bih molio da nam se navedenu razlozi zbog čega se nekome uskraćuje pravo na rad u ovim skupštinama, koji su razlozi zašto se oni smjenjuju, ko je utvrdio razloge za tu smjenu, koji su razlozi, na osnovu kojih dokumenata odnosno pravnih propisa je ovo utvrđeno i dobro bi bilo da nam dostavite neki dokaz, nama kao zastupnicima koji ovdje glasamo o načinu na koji je utvrđeno da ti ljudi nisu dobro radili svoj posao, da su uradili neke greške, da su napravili neki prekršaj ili neko krivično djelo ili da su doveli u pitanje samo preduzeće. Hvala.

Predsjedavajući:

Zahvaljujemo zastupniče Čampara. Generalno je ovo skoro kao jedno pitanje. Ali evo možete odgovoriti, ministrica Lejla Brčić prvo, pa ukoliko ima potrebe premijer i ministar Mandić.

Ministrica Lejla Brčić:

Hvala lijepa. Ja ću se ograničiti samo na ovaj formalni dio pitanja. Naravno drugi dio pitanja će ministri, jer nije samo jednom ministru i ostalim ministrima je postavljeno pitanje. Pitanje zakonskog osnova, odnosno ako sam dobro shvatila zašto u preambuli nije navedena odredba Zakona o javnim preduzećima kojim se obavezuju skupštine da jednom godišnje podnose izvještaje. Prosto iz razloga što se ovdje radi o razrješenju Skupština a taj član govori o usvajanju. Dakle nije tom članu mjesto ovdje nema nikakve osnove. Ja se slažem da možda jeste malo zbunjujuće za članove skupštine ili barem dio članova Skupštine činjenica da niti odlukom našom kantonalnom mislim da je iz 2009 godine niti zakonom o javnim preduzećima, pa ni zakonom o privrednim društvima nije propisano niti jedna odredba koja ukazuje koji su uslovi za razrješenje Skupštine. Čak ako se gleda Zakon o javnim preduzećima vidjet ćete da on od NO predviđa primjenu Zakona o vladinim ministarskim i drugim imenovanjima prilikom imenovanja pa i razrješenja za Skupštinu, tu odredbu ne predviđa. Moram priznati da je meni lično to bilo malo zbunjujuće, bio mi je izazov da istražim tu pravnu situaciju. A onda sam uvidjela i na nivou Federacije i na nivou opština, na žalost kantoni zbog netransparentnosti rada vrlo teško i putem interneta doći do bilo kakvih podataka, onda uočite jednu stvar koja je zapravo i vrlo logična. Članovi Skupštine su punomoćnici ove ovdje skupštine. Skupština Kantona Sarajevo je dioničar odnosno vlasnik JP. A ljudi koji sjede u Skupštini preduzeća su zapravo opunomoćenici. Ono što mi jesmo napravili na KS to je ovom odlukom iz 2009 neko je tada vidio to kao rješenje da se imenovanja vrše na ovakav način, niko to, odnosno ne mogu reći niko ali ono koliko sam ja uspjela naći informacije ne radi na takav način. Nego se prosto ovlaštenje Skupštine prenese na izvršnu vlast, odnosno na opštinskog načelnika ili na Vladu a oni od sjednice do sjednice imenuju svoje punomoćnike za zastupanje interesa osnivača. To je negdje potpuno i logično. Iz tog razloga u materijalima niti jednog od ministara ne nalazite niti možete naći razloge za razrješenje jer je i čak mi smo razmatrali sve osnivačke akte da vidimo da li u osnivačkim

aktima svakog pojedinačnog JP postoji neko ograničenje, da li postoji neka odredba kojom je utvrđeno koji su to uslovi za razrješenje, međutim izričito su samo propisane procedure i ništa izvan procedure. Tako da evo mislim da je to odgovor u principu generalno na pitanja. Osim ovih koji se odnose. Hvala vam.

Predsjedavajući:

Zahvaljujem. Ministar Mandić imate li neku dopunu?

Ministar Srđan Mandić:

Ja ne što se tiče pravnog dijela ne bih dopunjavao pravnog osnova, ja ne bih. Ja mogu eventualno dati pojašnjenja i razloge zašto sam ja kao ministar a to mi Zakon omogućava da predložim Vladu. Znači ja ne donosim odluku o razrješenju ja predlažem. Moj osnovni motiv je činjenica, da izvještaji. Ja razumijem da je izvještaj za 2017 nije usvojen, da ova Skupština imenovana 2018 to mi je potpuno jasno. Ja želim da ove firme što prije počinju ispunjavati svoju osnovnu misiju a to je poboljšanje kvaliteta usluga koje pružamo građanima. To je prvi prioritet. Drugi prioritet jeste da se popravi stanje uslovi u kojim radnici u ovim firmama rade. Dakle to su dvije ključne stvari. Sa te dvije stvari ja kao resorni ministar nisam zadovoljan. I aktuelna Skupština, NO i menadžment mi nije ekipa sa kojom ja na osnovu ova dva mjeseca provedena imam osjećaj da mogu da sarađujem. Dat ću vam konkretan primjer i evo koristim priliku da se obratim ovako javno sindikatu Rada koji u dva navrata preko medija, ako dozvoljavate predsjedavajući. Dakle imali smo dva sastanka sa sindikatom Rada, ja i premijer. Jedan je bio u prostorijama Vlade a drugi u prostorijama kompanije gdje nam je rečeno da su radnici uplašeni za svoj status, da se boje da će nova Vlada rasparčati preduzeće, da će ga rasformirati, da će ljudi dobijati otkaze i da će oni svim sredstvima braniti aktuelno rukovodstvo. Tada sam im rekao i poručujem im sada, da nova Vlada i ja kao resorni ministar nemamo namjeru ponavljam nemamo namjeru otpuštati radnike, zatvarati preduzeća, privatizirati bilo koji dio tih preduzeća i te usluge koje su oni pružali davati nekom drugom. Dakle moj osnovni cilj je, a zato trebam podršku ove skupštine da mijenjamo menadžment ovih firmi s ciljem da one zato što izvještaj u 2017 nije usvojen počinju bolje raditi. Naš grad mora biti čišći, to se odnosi na firmu Park, grad mora biti čišći, grad mora biti uredniji, radnici koji tamo rade moraju imati bolje uslove. Ja imam određene pritužbe i iz Parka i čak rješenja za devet radnika Ombudsmana gdje su ti ljudi izloženi mobingu. Što se tiče preduzeća Rad u saradnji sa ministricom pravde smo naložili inspekciji rada da ode i utvrdi da li se u firmi Rad i u kojoj mjeri poštuje kolektivni ugovor o radu. Dakle to su sve razlozi zašto tražim smjenu aktuelnog rukovodstva.

Predsjedavajući:

Zahvaljujemo ministru Mandiću. Pitanja više nema. Rasprave ima. Zastupnik Mirza Čelik se javio za raspravu. Izvolite.

Poslanik/zastupnik Mirza Čelik:

Zahvaljujem predsjedavajući. Pa evo koliko sam čuo resornog ministra, zaista poštujem, uvažavam i cijenim nadasve ovo što je kazao i stojim iza toga da ako nova politička hajmo reći većina koja već u Kanton Sarajevo egzistira, imaju svoju Vladu razumijemo i želju za postavljanjem svojih upravljačkih struktura u ove javne kompanije, ali procedure koje su definisane zakonima bi se trebale poštovati. Razumljivo je bilo sljedeći postupak da se učini, a to je da se poštuje Zakon o javnim preduzećima i da se razmatra najmanje jednom godišnje izvještaj o radu preduzeća. Razlozi za donošenje iz 2017 neusvajanjem izvještaja je nešto što ne bih da bude i predmet pravni osnov a kamo li nešto drugo. Bitno je evo da smo čuli i da je ušlo u stenogram da nema razloga da se razmatra izvještaj kako bi se pokrenula smjena Skupština preduzeća. I to smo evo danas čuli. To je nešto što ćemo imati svi kao argument u

toku rada našem periodu u kojem smo izabrani da možemo koristiti ukoliko dođe do smjene bilo koje političke strukture u Skupštini Kantona Sarajevo. Pa ne bih rekao da su Skupštine preduzeća opunomoćenici, mi smo njih imenovali, da tamo prate, mi smo to predlagali iz SDA u mandatu 2014-2018 imali smo nezadovoljstvo koalicionih partnera da šaljemo opunomoćenike kako bi smanjili troškove i sve ostalo, ali smo kazali, evo na kraju nismo našli taj kompromis pa smo imenovali Skupštine preduzeća. Bilo je prvo pet, pa smo smanjili na tri, čisto da bi tu političku volju nove većine koja je činila da bi promijenili Skupštine preduzeća. Mogli ste na taj način izmijeniti. To bi značilo u praksi sljedeće: da razlozi nove skupštinske većine, ukoliko se dese u ovom mandatnom periodu, razlog za smjenu premijera odnosno kompletne Vlade bi bio taj zato što evo ne bi da spominjem, ali evo, spomenut ću na način da je Konaković napustio političku partiju SDA 2017. znači razlog za smjenu premijera Forte će biti zato što je napustio Konaković 2017 godine stranku SDA. To vam je isto. Stoga vas molim da se vratimo u zakonske okvire i da dostavite Izvještaj Skupštini izvještaj o radu Skupštine preduzeća za period ovaj koji je bio od dana imenovanja od 26.06. pa do 31.12. da Skupština imate većinu, ne usvoji taj izvještaj i da pokrenete legalnu proceduru. Ili ćete ostaviti nama na razmišljanje da u narednom periodu koristimo argumente koje danas smo čuli od ministricе pravde i uprave da nije potrebno razmatrati izvještaje da bi se pokrenula smjena Skupština preduzeća. Ako sam dobro razumio, ako nisam evo molim ministricu da me ispravi. A ovo ćemo svakako koristiti ovaj stenogram je veoma bitan za nastavak rada ove Skupštine i ako bog da nove parlamentarne većine. Hvala.

Predsjedavajući:

Zastupnik Mahir Dević se javio, izvolite.

Poslanik/zastupnik Mahir Dević:

Predsjedavajući jesmo li mi na tački pitanje ili rasprava? Rasprava. Nisam dobio odgovor na pitanje od ministra Bašića, isto sam pitanje postavio svima da mi razloge daju. A on nije došao na red još, jel? Rekli ste da ćete objediniti ako sam dobro razumio.

Predsjedavajući:

Samo RAD i Park.

Poslanik/zastupnik Mahir Dević:

A samo te dvije? ok.

Predsjedavajući:

Kolega Deviću koncentracija malo, nije vas bilo dugo, cijeli dan, malo uđite u materiju. Glasali smo za tačku A i B da je objedinimo. Nismo druge. Vi ste svi glasali za. Naredne su tačke nadležnosti privrede, možete tada pitati ministra Bašića. Sada je ovo tema, vi ste svi postavili pitanja. Nakon što se niko više nije javio, u drugoj rundi, tri zastupnika SDA mogu samo raspravljati. I ja sam otvorio raspravu i vi ste na redu, i sa nule dajte zastupniku Deviću, nemojte da ovo ulazi u njegovu raspravu.

Poslanik/zastupnik Mahir Dević:

Zahvaljujem. Ja sam mislio da ćemo ustvari sve Skupštine postavljati pitanja ministrima, pa iz tog razloga sam rekao da postavljam isto pitanje, ali naravno, postaviti ću ga kada bude bilo vezano za privredu. Valja bi kazati radi javnosti nekoliko rečenica jer nisam bio jutros, zaista javio sam sekretaru Skupštine, imali smo neko otvaranje vodovoda u Ilijašu, vezano za Dan općine. I zakasnio sam malo iz tog razloga. Ali evo kolege su to problematizirale, a ja sam to kazao naravno i premijeru Forti jučer u jednom neformalnom ne sastanku, sreli smo se na hodniku, predsjedniku Komisije zakonodavne sam pokušao ukazati na to na samoj sjednici

Zakonodavno-pravne komisije i nismo se najbolje razumjeli. Pitao sam ga naravno zašto na toj sjednici Zakonodavno-pravna komisija mi ne razmatramo materijale koje je utvrdio Kolegij Skupštine Kantona Sarajevo. Odnosno dopunu tih materijala. Kolega je meni rekao da on može uvrstiti moj prijedlog, pazite, moj prijedlog kao dopunu. Pokušao sam da objasnim da to nije moj prijedlog dopune dnevnog reda, već je to dopuna dnevnog reda koju je utvrdio Kolegij Skupštine Kantona Sarajevo i ne postoji ni jedan pravni akt koji se može razmatrati na Skupštini Kantona Sarajevo niti smije doći na Skupštinu Kantona Sarajevo a da o njemu mišljenje nije dala Zakonodavno-pravna komisija. Ako uvodimo sada ponovo neko novo pravilo koje direktno krši Poslovnik, jer tamo u članu se jasno kaže, ako bi slučajno negativno mišljenje Zakonodavno-pravna komisija bilo, pazite negativno, Skupština se o njemu mora izjasniti. Mi ga nemamo nikako. A dopunili smo taj dnevni red. Očigledno je to neka praksa ponovo da predsjedavajući i ostali Poslovnik koriste kao neki švedski sto, ono što im odgovara rade, bez ikakvih procedura itd. Naravno ja apsolutno razumijem potrebu da se realizira politički dogovor u smislu smjena ovih ljudi, ali ono što bi bilo zaista pristojno i elementarno važno zbog budućnosti Kantona Sarajevo, jer je on ogledalo cijele države BIH, jeste da se navedu barem neki razlozi za smjenu ovih ljudi. Ovi ljudi su imenovani u junu mjesecu 2018 godine, mi njih danas treba da glasamo za njihovu smjenu bez da smo i jedan papir poslali prema njima kao ova Skupština ili vi kao Vlada. Da ste im bilo koju mjeru vi naložili, pa da su oni to odbili, da ste ih na bilo šta pozvali, pa da su oni to odbili, pa da bi glasamo danas za njihovu smjenu, to bi bilo po meni nekako logično. Ako je ovo opet ona procedura, znamo da to nije po Poslovniku ali nama se žuri, meni je to zaista žao. Mi ćemo zaista kao Klub SDA insistirati na zakonima, na ustavima, na procedurama, i kada su u pitanju ove skupštinske komisije. Mi smo o tome jutros malo govorili nešto na Klubu. Dobrano ćemo razmisliti. Ukoliko će se zaista nastaviti ovakva praksa da se krši Poslovnik u smislu i sazivanja komisija i rokova, a posebno ovo posljednje što se desilo, da prijedlog razrješenja članova Skupština i Prijedlog imenovanja članova Skupština ne bude kao tačka dnevnog reda na Zakonodavno-pravna komisija a da na toj istoj komisiji bude informacija iz oblasti VIK-a i Informacija iz oblasti Grasa, to je zaista stvar koja apsolutno.

/ zastupnik Mirza Čelik govori bez uključenog mikrofona /

Predsjedavajući:

slažem se možda je ovo vratio kolega u revoltu kada ste vi njemu. Ali ne opravdavam. Izašao je. Kritika kolega Stojanoviću, nemojte ako čujete.

Poslanik/zastupnik Mahir Dević.

Imat ćemo mi naravno priliku za replike, nije to uopšte sporno, ponašanje svakog od nas govori najviše o nama samima. Prema tome, mi ćemo zaista razmotriti ukoliko se ovako nastavi da sve komisije koje su u kojima učestvujemo kao Klub SDA povučemo naše ljude iz svih komisija, dat ćemo kolektivnu ostavku i zaista nećemo u tome učestvovati. Mi to možemo uraditi, jer ukoliko te komisije nemaju smisla, ukoliko se ne poštuje Poslovnik, onda nema potrebe da se sastajemo. Ako mi dolazimo danas u situaciju da glasamo za Prijedlog odluka o razrješenja i Prijedlog odluka o imenovanju, a da taj materijal nije bio na Zakonodavno-pravna komisija da u tom dokumentu nema obrazloženja odluke zašto mi te ljude smjenjujemo. Ne možemo mi ljudi pod političkom krinkom, znate mi smo se dogovorili da trebamo neke ljude smijeniti hajmo sada smjenjivati sve redom, idemo komesara, pa ćemo Skupštine, pa ćemo direktore. Pa sve zašto, zato što smo se mi tako dogovorili. Postoje procedure zakoni, uvest ćemo sebe u jednu pravnu anarhiju koja može skupo koštati Kanton Sarajevo. Ovdje se ne radi o personalnim stvarima, ovdje se radi o tome da evo ako nastavimo ovom praksom, desetine i stotine ljudi su u Skupština i NO, i na pozicijama direktora, možemo dovesti Kanton do te situacije da sutra trebamo da plaćamo milionske odštete po

sudovima. Tako da zaista ja meni je ovo, posebno mi je ovo frapantno što je ministar Mandić kazao. Kada ga pitamo za razloge, sve ono što je on nama nabrojao su ustvari političke želje koje uopšte ne pišu tamo u odluci o razrješenju. Ja bih volio da ovo sve što je on kazao da to stoji u toj odluci tamo. To bi super vako bio pravni osnov za tužbe itd. Znači tamo ne postoji ništa za što mi te ljude smjenjujemo. Zato sam ja to i pitao. Naravno da je ok. Mi želimo da smijenimo. Ali ljudi treba da napravite proceduru kako da te ljude zamijenite. A ne ono, hajmo, eto hoćemo da glasamo. Nisu dovoljne ruke da bi se realizirala neka politika. Postoje zakoni, postoje procedure itd. Znači vodite računa o tome, a naravno u daljoj diskusiji mi ćemo o ovim stvarima razgovarati. Ovo je očigledno jedno novo pravilo koje se uvodi u Skupštini, ja sam to pitao i ministricu, čini mi se na Kolegiju da je to bilo, u kome bukvalno mi uvodimo sada pravilo mi smjenjujemo nekog zato što smo ga mi imenovali. To je taj neki odgovor otprilike. Mi ga smjenjujemo zato što ga je neka druga Skupština imenovala, sada ga mi smjenjujemo. I ovo je kolega Mirza potpuno u pravu to bi otprilike izgledalo da mi sada pokrećemo inicijativu za smjenu premijera Forte zato što je Adem Zolj nešto uradio. Eto tako bi to bilo otprilike u ovom objašnjenju. Jer ove Skupštine su imenovane u 2018, mi smo raspravljali o izvještajima iz 17 godine. Tako da zaista razmislite naravno o ovome. Ja pretpostavljam naravno vi nećete ove materijale vratiti, vi ćete to izglasati, preglasati, uvesti neku novu praksu. Tako je krenulo ponašanje od starta rada ove Skupštine, evo i od strane predsjedavajućeg, nažalost. I očigledno je da se to nastavlja. I trajat će, evo koliko će trajati, bože moj, vidjet ćemo.

Predsjedavajući:

Hvala kolega Deviću. Ispravka krivog navoda. Nikada, nikada nije bilo nikakvog govora o smjeni komesara političkoj. A to ste pokušali provući u ovoj aktuелnoj situaciji sada. A sve drugo jeste. Ovo smo se drugo dogovorili ko nosi političku odgovornost za izbor tih ljudi. I ovaj vaš pokušaj da politiku gurnete u ovu aktuелnu temu, ja zaista osuđujem. Na to sam morao reagovati.

Izvolite kolega Deviću. Ispravka krivog navoda.

Poslanik/zastupnik Mahir Dević.

Znači znam dobro šta sam rekao i pazim šta govorim na ovim sjednicama. U diskusiji kolege Okerića kada je obrazlagao tumačenje Zakona su bile te stvari u kojima je rečeno u koliko ne promijenimo ovaj, nećemo imati mogućnost za smjenu komesara. Vratite stenograme malo nazad pa ćete vidjeti da je diskusija u tom pravcu išla.

Predsjedavajući.

Zastupnik Aljoša Čampara. Replika kolega Suljević.

Poslanik/zastupnik Samir Suljević:

Hvala. Morao sam reagovati na diskusiju gospodina Devića. Očito on nije bio tu kada je izvještaj moj bio vezano za Zakonodavno-pravna komisija. Znači gospodine Deviću nemojte ovdje ubjeđivati ljude da ste vi nekome nešto objašnjavali, da ste vi nekome nešto naturali. Ja sam kao predsjedavajući te komisije vas saslušao, vaš prijedlog stavio na dnevni red, i taj prijedlog nije dobio potrebnu većinu. A ovo što vi govorite kasnije, na stranu to što ste taj čin prozivali politikantstvom, ali moram da reagujem na vašu malopredašnju rečenicu: „Mi nećemo ovako raditi, povučemo sve svoje ljude iz komisija”. Ja moram da napomenem da ako je ko slušao maloprije Zakonodavno-pravna komisija imala šest sjednica, moram da kažem da kolega Dević ni na jednu od pet prethodnih sjednica nije došao, na šestu sjednicu je došao i bio 10 minuta. I napustio. I ja mu zahvaljujem na tom radu od 10 minuta. Hvala.

Predsjedavajući:

Zahvaljujem. Zastupnik Dević vama odgovor na repliku.

Poslanik/zastupnik Mahir Dević:

Naravno ja sam bio jedan vremenski period zaista, kada su ove komisije sazivane bio sam odsutan, bio sam na Umri, to svi znaju ovdje i najavio sam se da ću biti odsutan tu. Nije bitno da li sam ja na nekoj sjednici komisije uspio prisustvovati bitna je suština rada te komisije. Evo vi ste sada čuli predsjednika komisije Zakonodavno-pravna komisija u Skupštini komisije koji kaže da je moj prijedlog da se uvrste prijedlozi odluka o razrješenju i prijedlozi odluka o imenovanju skupština na dnevni red Zakonodavno-pravna komisija. Predsjedniče Zakonodavno-pravna komisije nije to moj prijedlog. To je bila vaša obaveza i sekretara Skupštine i rukovodstva da stavite to na dnevni red zato što je to utvrdio Kolegij Skupštine Kantona Sarajevo. Na osnovu članova Poslovnika gdje se to jasno kaže. I ja sam samo pokušao da ukažem na to a vi ste i tu po Poslovniku pogriješili jer ste taj moj prijedlog stavili na glasanje. O njemu se nije moglo glasati. Moja dopuna dnevnog reda se mogla odnositi na neku tačku koju sam ja delegirao, nisam ja delegirao ove tačke, već ove tačke utvrdio Kolegij Skupštine Kantona Sarajevo. Prema tome tu ste potpuno pogriješili, znači.

Predsjedavajući:

Zastupnik Aljoša Čampara, imao je riječ, pa smo zbog ove rotacije isključili ga. Čampara ima red.

Poslanik/zastupnik Aljoša Čampara.

Zahvaljujem predsjedavajući. Evo pokušat ću biti što kraći, koncizniji i precizniji. Dakle, kada je riječ o ovoj temi, mislim da mi ovdje imamo otprilike četiri propisa sa kojima se trebamo baviti, to je Zakon o javnim preduzećima, Zakon o privrednim društvima, Zakon o ministarskim, vladinim i drugim imenovanjima i Odluku o osnivanju Skupština JP čiji je osnivač Kanton Sarajevo. Ja sam na jednoj od ovih prijašnjih sjednica govorio da ova odluka nije usklađena sa važećim zakonom. Vi to svi dobro znate. Mislim da i vi u Vladi to znate ili bi ste trebali znati, na to sam upozoravao prije i sada upozoravam, jer je Zakon o privrednim društvima usvojen 2015 godine a ova godina se oslanja na 2014 godinu. Čak ste u jednom od obrazloženja za smjenu, odnosno razrješenje, čak evo ovdje se vidi zaboravili i navesti tu 2014 godinu. Pa vam je ostalo u preambuli samo 2013, 2011 i 2009. nedostaje dakle broj 21/14. pa vas upozoravam da to ispravite. Ali nebitno. Želim da vam kažem sljedeće: da sve ove Skupštine, članovi ovih Skupština su imenovani u skladu sa zakonom o ministarskim vladinim i drugim imenovanjima F BiH, koji se primjenjuje ovdje i u Kantonu. I da su ti ljudi prošli određene procedure, konkurse i sve ono što je trebalo proći. Dakle, svaki Zakon pa i ovaj ima neke osnovne svoje principe Zakona i u članu 3, postoje principi ovoga Zakona koji su fino decidno navedeni i njih bih se trebali držati i kod imenovanja i kod razrješenja. Na kraju krajeva to i sama ova odluka propisuje u svom članu 3 i 7. To je prije svega pod a) zakonitost, odgovorni javni službenik osigurava da se sva javna imenovanja obavljaju na zakonit način, i sukladno svim važećim pravilima propisima i zakonima, pa samim tim i sama razrješenja. Pa onda pod b) kvalitet, da ne čitam sve šta se podrazumijeva pod kvalitetom, imate to u ovom članu 3. ovoga Zakona, pa neovisne provjere, pa otvorenost i transparentnost, pa zastupljenost pri upošljavanju, itd. Dakle, ja bih vas molio da se pridržavamo ovih propisa, ovih zakonskih odredbi koje su vrlo precizne, tačne, definisane, a uostalom ako ćemo ovako raditi, pa onda mi možemo svakih mjesec dana možemo mijenjati ove Skupštine preduzeća. Možda je i to zamisao, ali onda trebalo bi promijeniti ove zakone, odnosno reći da ih se ne treba pridržavati, da nam ovi zakoni ne trebaju, e onda ćemo onako po ovome nekom slobodnom, umjetničkom dojmu, kako se ko kome sviđa, jel neko visok, niži, deblji, mršaviji, možemo onda i po tome birati ljude u same Skupštine preduzeća. Da ne govorim dalje da smo

biografije o kandidatima koji trebaju biti v.d. dobili prije dvije tri minute, tačnije u 16,15 minuta. Hvala.

Predsjedavajući.

Hvala kolega Čampara. Zastupnica Vildana Bešlija ima riječ.

Poslanik/zastupnik Vildana Bešlija:

Hvala predsjedavajući. Zaista je ovako promjena jednog diskursa u diskusiji vrlo primjetna i vrlo interesantna posljednjih par sjednica, od strane Kluba konkretno SDA. Ja zaista moram reći da nije mi jasno šta kolegama nije konkretno jasno. Postavili su pitanja ministru, ministar je dao vrlo precizne odgovore, koje evo možemo i ponoviti. Znači da postavimo pitanje bilo kom građaninu Kantona Sarajevo da li je zadovoljan sa sistemom odvoza smeća, sa čistoćom, sa uređenjem zelenih površina, konkretno o onom što je sada bilo govora, ja sam sigurna da svi ovdje znamo odgovor koji bi to bio. Sigurno nisu. To je jedna strana priče koju je ministar naglasio. Druga se tiče zadovoljstva, odnosno nezadovoljstva uposlenika i treća stvar koja je isto tako jasno naglašena da se u dva navrata, na dvije različite lokacije, ovdje u zgradi institucije i u samim prostorijama firme obavio razgovor i sa radnicima i sve je kristalno jasno. Donesena je odluka, ne preko noći, ne samo radi političkih nekih dogovora, ne samo radi nove većine. Nego na bazi relevantnih činjenica. Pozivanje na izvještaj da je kao jedini razlog zbog koga se neko može smijeniti, odnosno članovi konkretno Skupštine je totalno deplasirano. To nije tačno. To uopšte nije tačno. To uopšte ne osporava činjenicu da ćemo mi razmatrati izvještaj ovih kompanija. Naravno da hoćemo. To moramo uraditi bez obzira ko bude tamo. I to smo uradili i sada, i to smo i prošle i pretprošle sjednice ustvari razmatrali, odnosno imali smo podnošenje informacija od određenih direktora, koji su na čelu firmi, koje se vi gospodo postavljali, koji nisu bili u periodu tada direktori i to su nam jasno ovdje za govornicom rekli, to možemo pročitati i to možemo vratiti snimke i čuti svi zajedno ako nam je nešto promaklo. Znači ovo nije nešto što nije u skladu sa zakonom, što nije provodivo, čuli smo mišljenje i ministrice koja je jasno dala pravni osnov i zna se da tu nema apsolutno nikakvog kršenja Zakona osim ovako javno izraženog nezadovoljstva određene grupe ljudi. I dajte da se na tome to i završi. Znači nema nikakve sprege uopšte da se ovo završi i sprovede. Sva pitanja koja su bila postavljena, dobila su adekvatan odgovor. I ja bih zaista molila da krenemo u glasanje za ono što jeste tačka dnevnog reda. Hvala vam.

Predsjedavajući:

Zahvaljujemo kolegici Bešlija. Zastupnik Dević ima repliku, izvolite.

Poslanik/zastupnik Mahir Dević:

Možda vas nisam najbolje razumio, ako ste nas nazvali grupom ljudi. Mislim da mi nismo ovdje grupa ljudi, ako ste na nas mislili, naravno. Mi smo ovdje Klub zastupnika SDA i to je koji ima deset mandata u Skupštini Kantona Sarajevo. Ako ste na to mislili. Ako ste na nešto drugo to je drugo pitanje. Mi smo upravo kazali isto kolegice Bešlija. Kazali smo sljedeće da u prijedlogu odluka o razrješenju ne postoje razlozi. Sada ste vi njih ovdje usmeno nabrajali pa ste kazali da je to nezadovoljstvo uposlenika, da je to smeće itd. Trebali ste samo to napisati u prijedlogu tih odluka. To bi bilo posebno zanimljivo da ste pisali u obrazloženju tih odluka da to radite zbog toga. Mi smo ukazali na zakonitost ovakvog načina u smislu da u Prijedlogu odluka o razrješenju tih članova Skupština ne postoji ni jedna jedina rečenica zašto te ljude mijenjamo. Ja razumijem vašu želju da vi imenujete svoje ljude, da realizirate kadrovska rješenja vaša itd. Ali to što vi sada govorite i i pričate to je politička priča. Mi ovdje pričamo o pravnoj priči. Možda smo gledali različite dokumente. Jer vi sada pričate političku priču a mi ovdje govorimo o dokumentima, o zakonima, o procedurama, o obrazloženjima, razlozima. O mišljenju Zakonodavno-pravna komisija itd.

Poslanik/zastupnik Vildana Bešlija:

Hvala. Kada sam rekla grupa ljudi, ako smo pažljivo slušali, a ja jesam ministra, i čitala određena saopštenja, javno obraćanje sindikata ne samo na vas kao zastupnika ovdje, kada sam rekla određena grupa ljudi jer to naravno ne radi se samo o zastupnicima, odnosno Klubu zastupnika SDA, nego se radi i o javnom obraćanju recimo sindikata na način koji pa evo možemo diskutovati koliko je primjeren ili ne. A razloge, opet kažem dobili smo usmeno, ako vam nije nešto dovoljno jasno, ja sam sigurna da će vam evo ministri su tu na raspolaganju, odgovoriti još ako treba neko dodatno obrazloženje. A evo ja bih onda postavila pitanje šta je navedeno što nije u skladu sa zakonom? Vi uporno govorite da nešto nije navedeno. Evo da li postoji nešto što je navedeno a da nije u skladu sa zakonom u odlukama koje smo dobili ovdje? Ja znam da nema ništa al vi ako imate nešto još da kažete da nije, evo možemo diskutovati i na tu temu. Hvala.

Predsjedavajući:

Zahvaljujem. Kolega Dević ima prednost. Kolegici Bešliji odgovor na repliku drugi.

Poslanik/zastupnik Mahir Dević.

Zahvaljujem. Pa vi ste upravo rekli ono što smo mi kazali. Mi smo rekli da tamo u toj odluci nema ništa navedeno za smjenu. A onda nam to izlažete ovdje usmeno. Pa ljudi mi smo ozbiljna Skupština. Tamo moraju postojati razlozi za smjenu tih ljudi. To šta mi usmeno mislimo, pa pišite to sve što ste kazali u tu tamo prijedlog odluke o razrješenju i OK. Zato što tamo ima neka grupa ljudi, zato što ovo, zato što ono. To nije tamo napisano. Ne postoji ništa. Ako ste čitali naravno te odluke, nadam se da jeste čitali. Tamo ne postoji ništa. Tamo stoje samo pozivanja na neke članove odluke u kojim se uopšte ne obrazlaže zašto mi ljude smjenjujemo. I zato sam i pitao u uvodnom dijelu pitanje da mi navedu ministri razloge za pokretanje smjene. Nije ekskluzivno pravo bilo kog ministra zato što e ministar da kaže evo ja pokrećem smjenu nekoga. Već treba da obrazloži zašto pokreće smjenu nekog čovjeka. Kao što premijer da danas izjavu i kaže zato što nemamo reagensa u Domu zdravlja ja sam poslao inspekciju. Povukao sam neki potez pa ćemo vidjeti šta će reći inspekcija. Pa ću sutra povući neki potez itd. Ovdje ništa ne piše. Ja o tome govorim. I upravo ste vi potvrdili ono što sam ja kazao. Hvala.

Predsjedavajući:

Sljedeća replika je Jasmina Bišćević-Tokić

Poslanik/zastupnik Jasmina Bišćević-Tokić:

Hvala. Evo predsjedavajući i ja repliku imam kolegici Vildani Bešliji. Ona je rekla evo moli nas iz Kluba iz SDA da nam kaže šta to nije u skladu sa zakonom kod ovih razrješenja pa evo ja ću kolegici Bešliji vrlo decidno reći da nije u skladu sa zakonom da je jedan od razloga za razrjeđenje skupština preduzeća ono što je ministar Mandić rekao da ne može raditi sa tim ljudima. I evo ja mislim da sam ja sada decidno joj objasnila da to nije u skladu sa zakonom. I još nešto, sve što je rekla kolegica Bešlija ja predlažem da u odlukama ministar Mandić to napiše za razrješenje ovih članova Skupštine preduzeća. Hvala.

Poslanik/zastupnik Vildana Bešlija odgovor na repliku:

Izvući nešto iz konteksta kolegice nije dobar razlog za obrazloženje bilo čega. Znači izvukli ste samo jednu jedinu rečenicu koju je na kraju ministar rekao, a ja sam pobrojala tačno tri, četiri stvari koje je on detaljno obrazložio. Pa evo mogu opet ponoviti jer to građani sigurno godinama ponavljaju i znamo svi. Znači: nezadovoljstvo imamo užasno prljav Kanton, ne samo Grad, užasno nezadovoljstvo. I vjerovatno je to dovoljan razlog. Imamo nezadovoljne

uposlenike tih preduzeća. Obraćali se ombudsmanima. Imamo dva pokušaja razgovara da se nešto tu uradi. I ministar je rekao da to nije uspjelo se. I na kraju svega toga je izgovorio tu rečenicu, koju ste vi meni dali kao obrazloženje. Hvala vam. Meni obrazloženje ne treba. Ja sam se javila da pojasnim vama, jer vama neke stvari nisu bile jasne. Hvala.

Predsjedavajući:

Zahvaljujem. Za replike više nema niko. Replika. Kolega Nikšić replika ima.

Poslanik/zastupnik Damir Nikšić:

Ja sam bio isto na Kolegiju Skupštine kada smo to raspravljali, kolegi Deviću jer je on bio tu. Nije sada zbog toga nego zbog toga što je bio tamo. I stvarno nije mi bilo jasno kaže zašto smjenjujemo. Razmišljao sam o tome zašto se smjenjuju ti ljudi. On je sam rekao da su ti ljudi u prvom redu postavljeni nezakonito. Tako je nešto govorio slično ako se ne varam da je čitava procedura da je bilo nešto nezakonito. U jednom momentu sam ja pomislio da želi reći da bi bilo nezakonito smijeniti one koji su nezakonito postavljeni jer je to da je to nezakonito. Ne možemo mi po Zakonu, ili na bilo koji način smijeniti one koji su nezakonito postavljeni. Tako da sam se malo prepao tog driblinga pravničke države. Nije pravne države nego pravničke države gdje smo mi došli u situaciju da ne možemo više ništa radi toga što je neko, nije on, jer on nije bio tu tada nekada, nešto uradio nezakonito. I sada mi uopšte ne možemo ispraviti te nezakonite pogreške. Ako na kraju krajeva ako su nezakonito postavljeni, onda je sasvim dovoljan razlog da ih sada smijenimo zbog toga što su nezakonito postavljeni. Osim ako sada na neki čudan, volšeban način ne želi da odbrani tu nezakonito postavljanje kao da je bilo zakonito. Ne znam ja sam se totalno spetljao. Stvarno mi treba pomoć od ovih pravničkih službi da mi raspetljaju ta prava o kojima pričamo čitav dan.

Predsjedavajući:

Hvala kolega Nikšiću. Zastupnik Zvonko Marić. Kolega Dević replika.

Poslanik/zastupnik Mahir Dević replika:

Ja stvarno ne znam šta je ovdje bila replika kolege Nikšića.

Predsjedavajući:

Na šta onda replicirate kolega Deviću?

Poslanik/zastupnik Mahir Dević.

Repliciram na diskusiju kolege Nikšića koji je rekao da je replicirao meni. Ja ga pitam ne razumijem šta je njegova replika uopšte?

Poslanik/zastupnik Damir Nikšić.

Da ste bili nerazumljivi.

Poslanik/zastupnik Mahir Dević.

Da sam bio nerazumljiv? Pa možda vama, moguće.

Predsjedavajući:

Eto ga. Idemo dalje s diskusijama. Zastupnik Zvonko Marić ima prvu diskusiju.

Poslanik/zastupnik Zvonko Marić.

Zahvaljujem predsjedavajući. Ja sam se htio javiti za repliku ali ipak radi toga što cijenim vrijeme svih zastupnika i naših gledatelja jer mislim da vodimo poprilično besmisleni raspravu, želio bih samo da kažem kolega Čelik je rekao kako vi kažete pline. Ja ne znam ko

je to i čija je to terminologija. Jer smatram ako to ne znamo, nije adresirano konkretno nekome da je svojevrsna podvala. Kako on kaže razrješujemo ili razrješavamo, ne znam ljude, a za to nam nije potrebno nikakav razlog jer Zakon tako nešto ne poznaje. Onda smo čuli ovdje na šta sam ja i ranije ukazivao premijer Vlade. Tako nešto ne postoji. Premijer je sam po sebi prvi ministar kao što je u Švedskoj. Zamislite premijer Skupštine Kantona Sarajevo, Elmedin Konaković. Mislim to je potpuna besmislica i nema nikakve veze. Znači odnosi se na izvršnu vlast, premijer i prema tome volio bih da ne zbunjujemo ljude, barem toliko vremena imamo u ovim političkim vodama da bi morali te neke osnovne temeljnu terminologiju da poznajemo. Dakle suština je ovdje ja se ne slažem sa kolegicom Bešlijom, mislim da je ona potpuno pogrešno razumjela diskusije kolega iz SDA. A evo reći ću i zašto, možda nisam ja u pravu. Oni koliko sam ja shvatio, malo je to neugodna situacija žele da na neki način ukažu kako su nakon pet godina od odluke 2014 godine za koju je kolega Dević rekao na Kolegiju Skupštine Kantona Sarajevo da je nezakonita. Razgovarali smo mi o tome. Dakle tu nezakonitost je neko proizveo. Ko je bio kičma vlasti 2014 godine? Jasno je potpuno. Pa onda ko je bio kičma vlasti 2009 godine? I ja znam da im je neugodno. I ja mislim da oni pokreću inicijativu, ja sam to tako shvatio da se ta odluka nezakonita promijeni. I ja ću glasati za to. Ali ko će snositi posljedice, to je ta neugodnost, za sve ono što se dešavalo u proteklih pet godina smjenjivali i kako kaže kolega Čelik razrješujemo ovaj, ili ne znam, ljude. Dakle ko ih je na taj način smjenjivao i postavljao? Dakle ako otvaramo tu vrstu pitanja onda su sva imenovanja na temelju te odluke ništavna pravno. Odluka koja je pravni temelj za promjenu članova Skupština ne poznaje razlog smjene i imenovanja. To je suština. I ne znam zašto se insistira na tome ako to Zakon ne poznaje. Ne poznaje ova odluka koja je proizvod političkog projekta SDA. I ako se ona sva ova diskusija bazira na tim temeljima onda zaista treba podržati tako nešto i razmatrati mogućnost da se što prije otkloni ovako nešto. Ja razumijem kolege iz SDA jer su i oni izrazili razumijevanje i kako reče kolega Dević želite svoje ljude kao da su oni imali tuđe ljude na tim pozicijama. To nije logično. Kolega Čelik također kaže, poziva se na neki Zakon, a li ja njega pitam koji je pravni osnov da mi citira koji je povrijeđen? Ne možete vi neodređeno govoriti, to vam neće gledatelji, jer nemojte ih ponižavati, ipak oni su inteligentniji razumiju puno toga. Pravni okvir prema kojem mi danas postupamo jer ne može drugačije, ste zapravo vi proizveli i pet godina na temelju toga postavljali i razrješavali ljude u upravljačkim strukturama javnih poduzeća i ustanova. Kolega Dević kaže u jednom trenutku komisije nemaju smisla. Zato što nisu uvrštene te tačke dnevnog reda na kojima je on insistirao. Zaboravlja pri tome da je on svojim ponašanjem obesmislio te komisije svojim nedolascima. Od epizode do epizode dođe, i tako dalje. Ja ću vam reći obesmišljavale su i njegove kolege jer sam ja bio član komisije u prošlom mandatu a kolega Dević ne prati kontinuitet rada Skupština za razliku od mene. U kojima čak ni vanjski član komisije koji je dolazi iz SDA, ni zastupnik nikada nisu došli na sjednicu komisije za pravdu i ljudska prava. Nikada. I to su korijeni obesmišljavanja. Dakle, to je evidentno i može se provjeriti. Ako kolege iz SDA pak smatraju da je ovo nezakonita odluka i da oni samo imaju pravo da postupaju nezakonito, i kao u mnogim segmentima društva kao što traže ekskluzivitet ja smatram da mi ne bi trebalo da im osporavamo to pravo na nezakonitost. Iz prostog razloga što bojim se da bi svako ko bi se upustio u tu utrku da bi izgubio. Kolega Čampara kaže odluka nije usklađena sa federalnim zakonom 2014. kolega Dević je rekao da je nezakonita. Ko je sprječavao SDA koja je uvijek bila kičma i stub vlasti i kičma te vlasti da tu odluku uskladi sve ove godine? Ja ne mogu da vjerujem, a ponovit ću još jednom, bez namjere da polemiziram sa bilo kim da se samo ima u vidu sljedeće, Odluka koja je pravni temelj za promjenu članova Skupština ne poznaje razlog smjene i imenovanja članova Skupštine i upravljačkih struktura javnih poduzeća i ustanova. Dakle to je ključ svega. Svaka druga rasprava je svojevrsna opstrukcija. Svaka druga rasprava je traženje alibija, urušavanje, ne pružanje mogućnosti da. Ako neko nije u vlasti ja nikada to ne bih uradio. Znači li to da život treba da stane u ovom društvu? To je nedopustivo i mislim da će to građani znati da

prepoznaju, a o tim novim koalicijama ako se uopće dese treba raspravljati tada. Sada moramo ispunjavati svoju obavezu uostalom. Mi smo svi ovdje prisutni položili i zakletvu ili prisegu kako god hoćete da ćemo raditi u interesu građana Kantona Sarajevo jer su nas oni birali.

Predsjedavajući:

Zahvaljujem kolega Mariću. Vjerovatno kolega Dević replika izvolite.

Poslanik/zastupnik Mahir Dević:

Zahvaljujem. Pa djelimično je bila ova diskusija kolege Marića usmjerena. Naravno rekao je nekih stvari koje ja nisam kazao. Ja ono što sam ja govorio na Kolegiju to nema veze s onim što sam govorio maloprije ovdje na Skupštini. Ja sam, ponovit ću još jednom pitao za razloge. Nisam to slučajno uradio. Znači u toj Odluci o imenovanju članova Skupština se jasno kaže da se ta imenovanja vrše u skladu sa Zakonom o vladinim i ministarskim imenovanjima. U tom Zakonu tamo isto lijepo piše kako se vrši razrješenje. Prema tome, ja sam ovdje bio kristalno jasan. U tom Zakonu piše kako se imenuje i kako se razrješava. Ako je temelj naše odluke taj Zakon o vladinim i ministarskim imenovanjima onda ga treba poštovati. Da li ovu odluku treba uskladiti sa izmjenama Zakona, odnosno sa novim zakonom koji je donesen 2015, da. Da li je sada ova odluka na snazi? Da, ona je snazi sve dok je neko ne promijeni. Ili ova Skupština ili sud. Naravno to treba da uradi ova Skupština i to nije problem. I ova faktura da je kao SDA kriva samo što to kao nije usklađeno. Napomenut ću vas kolega da ste vi ovdje sjedili u ovoj Skupštini u koaliciji sa SDA zajedno, četiri godine i koliko ta parlamentarna većina snosi odgovornost što nije eventualno uskladila toliko je i vi snosite. Ali je to u ovom momentu i nevažno. Znači nije se desilo, treba to uraditi, uskladiti je sa tim zakonom iz 2015 godine. I ja nisam ovdje pričao o odluci, na Kolegiju jesam upozoravao na to. Ja sam ovdje pričao o razlozima. Te razloge su mi odgovarali moje kolege zastupnici u usmenoj formi. Ja sam rekao da to treba tamo da piše u pismenoj formi a vaša priča o obesmišljavanju komisija ja mislim da neprisustvo na nekoj komisiji nije obesmišljavanje te komisije. I nije to bio moj prijedlog na Zakonodavno-pravna komisija ponavljam još jednom, to je bila dopuna dnevnog reda koja je utvrđena od strane Kolegija Skupštine Kantona Sarajevo. Ja sam tražio da kao takva bude, ustvari ona je trebala biti. E sada, ako neko ne razumije procedure pa to kaže sada da je to moja dopuna. Ne to nije moja dopuna dnevnog reda bila. Tu dopunu je utvrdio Kolegij Skupštine Kantona Sarajevo četiri dana prije početka sjednice. Pošto smo nakon toga imali sjednicu, te tačke je trebalo uvrstiti o njima da raspravljamo. I mi ovdje govorimo o tome da je treba obrazložiti. Zašto ljude smjenjujemo, poštovati procedure i napraviti pravni osnov za to. A mi ne ulazimo uopšte u ova kadrovska rješenja. Naravno politike žele da postave svoje ljude. To nije sporno.

Predsjedavajući:

Hvala kolega Deviću. Rasprava kolega Elvis Vreto.

Poslanik/zastupnik Elvis Vreto:

Hvala predsjedavajući. Pa moram istaći da smo u uvodnom izlaganju po pitanju bar konkretno ove komunalne privrede čuli od ministricе pravde kao i od ministra određene razloge zašto je došlo do ovog koraka. Dalje u potpunosti razumijem kolege iz SDA koji određene stvari sugerišu, ali se ne slažem s njima iz razloga što percepcija vladavine koju oni imaju je potpuno različita od onoga šta ova šestorka, odnosno ova većina želi. Ja znam zaista razumijem da su određene vaše izjave utemeljene na onome vjerovatno na koji način se kako ste se ponašali 23 ili 24 godine dijeleći odgovornost sa drugima, da ne zaboravimo i druge, i doveli nas u stanje da je potpuno normalno kada jedno preduzeće u 2017 godini posluje pozitivno, zato što je godinama unazad bilo negativno, umjesto da razmišljamo kako ono

treba biti uspješnije, bolje, kako to ne smije biti osnovni parametar već percepcija javnosti građana zadovoljstvo uslugama, mi smo se doveli u situaciju, odnosno neko nas je doveo, ne vi danas možda koji sjedite ovdje, ali sigurno vaše kolege koje su sjedile nekada ovdje u ovoj sali ili u Vladi i mislim da je to ono što je osnova. Ja sam uvijek za to, pošto je Kanton Sarajevo vlasnik, osnivač JP, to su političke odluke, dobre politike trebaju JP. Dobre politike znače struka, rad, kvalitet, sve ono što treba da donesu imenovanja. Ja zaista smatram da je dosta loših politika da su nas one dovele tu gdje jesmo. Na žalost neka preduzeća su u jako teškom stanju iz nekih drugih resora, zahvaljujući tim lošim politikama. I mislim da vi treba prije svega ovom dijelu oko formalno pravne prirode, a zaista imaju ljudi koji će dati odgovor na ta pitanja, pogotovo ministrica pravde, ljudi koji se bave tim procedurama, ali zaista treba da, ako ništa, dopustite i date prostor da pokaže nova upravljačka struktura, odnosno v.d. kako to mi vidimo i na koji način želimo da funkcionišu ta JP i onda ćete imati prostor da li u 2020 kada se budu razmatrali izvještaji iz 2019 jaku argumentaciju da li smo mi bili u pravu ili ne, imat ćete ili ćemo mi s druge strane vama a u to sam siguran pokazati kako se može bolje raditi u tim JP; upravljati u interesu građana ovog Kantona. Eto toliko, hvala.

Predsjedavajući:

Hvala kolega Vreto. Replika kolega Dević.

Poslanik/zastupnik Mahir Dević:

Kolega Vreto mi ovdje govorimo zaista o procedurama ne govorimo o političkoj priči. A cijelo vrijeme od vas slušam političku kako vi nešto želite. I treba da želite, i da realizirate vaše mjere i vaše politike. Međutim ljudi, vi nas ovdje stvarno dovodite u jednu situaciju, ja ne znam više kako bih je definisao pazite. U JP Park predlažete ime i prezime da ga ne citiram sada ovdje, razrješenje Skupštine, razrješavate ga pod a) a pod b) istog tog čovjeka imenujte. Evo ime ne znam Selma Zundža. Po Zakonu o vladinim i ministarskim imenovanjima to ne može. To ne može a temelj je taj Zakon u našoj odluci. Znači mi pričamo ovdje cijelo vrijeme o tim stvarima. I vi to nazivate opstrukcijama, vi to nazivate ne znam 23 godine je neko nešto radio, 24 itd. Kako ne valja itd. Evo pitam kolege u ovoj nekoj pauzi u našoj raspravi jel se ovako ikada radilo, kolega Mirza mi kaže nije nikada ovako bilo. Ako je to nešto novo da se ljudi smjenjuju bez razloga, i da možemo jedno ime sada razriješiti a za dvije minute ga ponovo imenovati ako to valja e onda stvarno je ovo što je bilo te 23 godine izgleda dobro kako je sada.

Predsjedavajući:

Zahvaljujem kolega Deviću. Kolega Čelik se javio za drugu diskusiju ali ću ja iskoristiti pravo za prvu, pošto imam tu prednost, čekao sam da se iscrpi ovaj prvi red govornika. Meni je ovo treća ili četvrta skoro identična skupština kada dođu novi smjenjuju stare, stari se bune, novi kažu sve je u redu ne brinite, i taj perpetum mobile traje. Dakle i on će sigurno trajati dok je ove Skupštine. Posebno bih pohvalio Vladu Kantona Sarajevo i ministricu Lejlu Brčić koja nam je nekako ono što je u pravu najteže vrlo jednostavno objasnila kako nešto može a mi to stvarno do sada nismo znali. Dakle, temeljem ove danas tačke, zadubio sam se, žao mi je što nema pravnika kolege iz SDA i poznavalaca Poslovnika da samo kažem nekoliko rečenica. U duhu Zakona o privrednim društvima tačno se i jasno se vidi da vlasnik kapitala ima uvijek pravo opozvati opunomoćenika. Da li je on mali dioničar, veliki, zavisi koliko mu tamo ruku opunomoćenika pripada, on uvijek ima pravo upravljati svojim kapitalom. Dakle to je jedan od ovih Zakona na koji se pozivate i nema nikakvih ograničenja da ni privatnik ni javni vlasnik svoga opunomoćenika ne povuče. Klasičan primjer je Federacija koja po istom tom Zakonu funkcioniše. Vrlo je moguće i pratite to, ne znači imenovanje na mandat to strogo slovo Zakona četiri te godine niko ne smije dotaći, niti je uslov za smjenu jedino ne usvajanje izvještaja. Tako da je to fundament koji nam je ova briljantna ministrica Brčić jednostavno,

bacila na sto, ja dva dana sam iščitavao kontao jel moguće da mi ovo još nismo skontali. A kako znam da nismo skontali? Podsjećam vas ovdje 2011 se promijeni vlasti, dođe predsjedavajući Denis Zvizdić i dosjetimo se mi tada kako ćemo mi smijeniti Skupštine a da ne usvajamo izvještaje a da ih ne obaramo. Hajmo izmijeniti osnivačke akte, hajmo sa tri povećati na pet i time formalno odmah prestaje mandata Skupštine. Tako da nismo vodili uopšte računa ko su tamo ljudi, čime se bave i kako se zovu i kako rade. Nego smo to pomeli u trku da bi u duhu nove politike kapitala mi imenovali svoje ljude. A onda vidite čuda, 2015 u februaru novi izbori, nova vlast e puno nam je pet, hajmo izmijeniti osnivačke akte hajmo sada vratiti na tri i ponovo se stekli uslovi za promjene upravljačkih struktura i mi ponovo pometemo sve skupštine u jednom danu imenujemo v.d. i ovo je treća ili četvrta ista rasprava koja je meni skroz OK, ovi nemojte niste vidjeli, ovi jesmo mi ćemo odgovarati. Dakle, nema potrebe. I sve je naravno u duhu Zakona. I još jednom pohvale i ministru Bašiću i ministru Šteti i premijeru prvom, naravno Forti i ministrica Brčić što su pojednostavili ovu našu priču. Mi tamo hoćemo nove politike ovog osnivača. Da li je tačno da neka naredna većina može, pa tačno je, naravno. Dođe naredna većina samo primijeni istu matricu, dovede svoje ljude i odgovara za svoje rezultate. Hoće li to neko raditi dovoljno dobro da se dugo zadrži na vlasti ključno e pitanje. Ako to neko bude radio dobro sa novim ljudima u komunalnoj privredi i privredi i u saobraćaju, ako neko imenuje ljude od struke koji odmah pokažu drugu politiku, teško će se ti ljudi smijeniti ili će biti šteta ih smijenit. Dakle, to je jednostavna jedna politička priča. Golim okom je vidljivo da je nužno mijenjati ove skupštine. Golim okom samo da evo redom krenem ZOI Skupština ova kada god je imenovana da nije poduzeća ni jedno slovo ni jednu radnju da konstatuje utvrdi ogromnu materijalnu štetu na projektima koji je ostavio bivši menadžment je sramota. I vjerovatno nosi neku odgovornost. Ni slovo u ime vlasnika kapitala onog smrznutog četverosjeda koji je uništen. Niko iz tog NO to nije a rekao niti problematizirao. Ne treba nam nikakav poseban izvještaj da kažemo da to nije na tragu ovih politika. Da povučem paralelu sa Radom ili sa ovim dešavanjima trenutno u kojem neki sindikalac kojem dole radi cijela porodica brani to što je njima unutra dobro, to je njihovo pravo, ali je naša obaveza da to ne dozvolimo nego da ljudima izvan sistema pružimo dobru uslugu a ne da unutar sistema sebi pravimo komociju. U Grasu, ova skupština je imenovala onaj NO koji je odmah namjestio tender za kupovinu kombibusa i uhapšen je onaj jedan član NO. To je nakon onih prinudnih uprava došla nova Skupština, došao novi NO ni slovo ni od jednog člana Skupštine nismo čuli. Ni od jednog. Park, evo ministar Mandić je govorio o tome šta rade ti ljudi u skupštinama preduzeća. Dozvolite da ja kao povratnik u činjenju tih zakonitih djela jer sam to radio u imenovanjima i smjenama, ona su bila zakonita nikada nam to niko ne može osporiti kažem da način delegiranja ljudi koji tamo trenutno sjede nama nije zadovoljavajući. Da li će ovi drugi raditi bolje? Vidjet ćemo. Ako budu radili bolje, ove će politike trajati duže. Ako budu radili loše ili lošije sigurno će brzo doći neke nove politike. Tako da smo se danas iscrpili na jednoj materiji a podsjetit ću naravno i na procedure. Potpuno je čisto da se neka tačka raspravlja bez stava neke od komisija. Ponovit ću to, nisam danas htio ulaziti u raspravu, a čak sam na početku dozvolio Poslovníkom nedozvoljenu stvar da raspravljate o dnevnom redu pa ste se na mene obrušili. To je bila dobra volja da kažete da niste imali pravo pa da neko nije osporio. Pustio sam to radi javnosti a onda ste se obrušili da neko nekome ovdje nešto brani. Tako da je ovo poslovnički, zakonski potpuno čista procedura. Evo još jednom umjesto one gimnastike mi ćemo s pet na tri, pa onda mi pričamo o smanjenju troškova il ćemo s tri na pet, pa opozicija ruži a eno ih povećali troškove, ovi ljudi našli jedno jednostavno rješenje, delegiraju se oni ko ji će slijediti politike ove većine koliko god ona bude trajala. Kada dođu novi imaju super model što je po mom mišljenju odlično. Izbori nam služe da se ovdje odaberu ljudi koji su predstavnici naroda. Narodni zastupnici. Oni u ime tog naroda koji ih bira sprovode tu politiku. U skladu sa brojem ruku koje ovdje može napraviti neku Vladu i nije logično da mi administrativnim začkoljicama ne damo ovima koji su preuzeli vlast da preuzmu funkciju. Ja bih napravi propis u kojem je potpuno jednostavno ima

nova Vlada nova Skupština većina. Tim danom prestaje mandat svih skupština i svih NO i svih direktora. To bi za ove ljude bilo najbolje, ove za čije se mi glasove borimo. Za funkciju ovog društva bi to bilo najbolje. Tako da će ovo rješenje biti jednostavno. Imate nove članove. I još bih samo jednu digresiju, nikada se ovdje nisu dostavljali CV v.d. članova Skupština preduzeća. Ovo je prvi put i na tome sve čestitke Vladi i kolegici Segmedini Srni koja je to tražila. Dakle to je prvi put transparentno da vidite ko su i v.d. U slučaju ovih drugih imenovanja. I podsjećam još jednom ovo su v.d. tako da apsolutno nisam siguran da stoji činjenica da neko ko je razriješen kao član skupštine ne može biti imenovan na poziciju v.d. ne mislim da to kako je kolega Dević ima neku zakonsku zabranu. Dakle potpuno bi to bilo regularno da se neko ko je eventualno dobro radio posao možda i ostavi. I čak je bio prijedlog druge političke stranke što je po meni isto tako pohvalno. Dakle, četvrti, peti put isti scenarij, on neće imati isti epilog i mislim da evo ne bi smo se previše na tome trebali iscrpljivati i pogotovo ne sumnjati u one pravnike koji su već izvojevali jednu ozbiljnu pobjedu pravnu. Dakle ozbiljno je ministrica Brčić, pravobranilac, premijer, ozbiljno je kod ove presude Ustavnog suda ozbiljno pokazao da zna svoj posao. I još jednom naučila je ministrica i mene i vas da se iz osnivačkih akata JP može menadžment podnositi izvještaj ovoj Skupštini, to su neke stvari koje pokazuju da oni znaju šta rade i u tome imaju našu punu podršku i ohrabujemo ih da tako nastave i da brzo donesete promjene i u drugim preduzećima i ustanovama kojima je osnivač i gazduje Kanton. Hvala.

Kolega Čelik druga diskusija.

Poslanik/zastupnik Mirza Čelik:

Evo drago mi je da smo nekako došli jer dugo sam i ja u procedurama Skupština preduzeća i sa pet i bio sam i na tri i svašta nešta, od 2011 ili 2010 sam bio u nekim skupštinama pa su nalazili te pravne okvire kako bi imenovali odnosno razriješili kada bi došla nova vlast odnosno nova parlamentarna većina u skupštinske klupe danas kao što imamo primjer ovdje. Drago nam je da smo našli konačno jedno rješenje koje evo daje nama i ulijeva nadu da na kraju krajeva izvještaji sa tih preduzeća neće biti uopšte predmet razmatranja na način da ćemo lomiti vrat nekome ili nećemo da bi ga smijenili. Jednostavno Vlada može pokrenuti proceduru ako nije zadovoljna, odnosno resorni ministar ako sam dobro razumio može podnijeti prema Vladi zahtjev za smjenu Skupštine a da Skupština dalje ide u proceduru imenovanja od NO, pa uprave itd. Evo to nam je jasno i ovo će nam zaista trebati u toku daljeg rada vjerovatno i vama za sve ostale Skupštine koje trebaju da dođu na dnevni red. A nekako bih volio da se osvrnemo na ono dešavanje koje ste sada spomenuli a to je oko Ustavnog suda FBiH vezano za Apelaciju koju je podnio premijer FBiH Fadil Novalić. Prvenstveno smo kazali da nema pravo da podnese apelaciju i to smo čuli u medijima i to nije bilo jednostavno nešto što bi trebali danas da spominjemo ali evo jeste izvojevali pobjedu i ne kažemo da nije pobjedu neko dobio. Znali smo da neće u meritum ulaziti zato što je nacrt Zakona, zato što je prijedlog Zakona već bio usvojen. Ali smo imali i ministricu koja kaže da nije ovlašteni predstavnik premijer Federacije da može podnijeti apelaciju. E to je činjenica. Zato vas pozivam još jednom ako je to zakonski a ne politički da se mogu imenovati v.d. Skupština preduzeća poštujemo i uvažavamo. Ali vjerovatno će ovi naši koalicioni partneri koji su imenovali Skupštine preduzeća u Parku vjerovatno će podnijeti sudu privremenu mjeru za ocjenu današnje odluke koju ćemo donijeti pa ćemo vidjeti. Vjerovatno i kolege iz SBB nisu bili zadovoljni radom njihovog direktora. Mi možemo slobodno kazati da je direktor radio svoj posao kako treba, NO radio kako treba, skupština preduzeća radila kako treba. Mogli su podnijeti ostavke ti ljudi, mogli su tražiti od njih da podnesu ostavke kako bi se imenovali. Evo neću dugo, jednostavno mislim da trebamo se svi držati i poštivati Zakona i Ustava svakako kako Kantona tako i FBiH. Hvala.

Predsjedavajući:

Hvala kolega Čelik. Nema više prijavljenih za raspravu. Zaključujem raspravu. Premijer Forto se javio da kaže nekoliko rečenica. Izvolite.

Premijer Edin Forto:

Zahvaljujem predsjedavajući. Dobar dan svima, pozdravljam gledaoce TVSA. Ja sam imao jednu dužu raspravu ali predsjedavajući me je preduhitrio i rekao je puno stvari koje sam namjeravao reći pa ću samo kratko rezimirati jednu suštinsku ovdje miješanje dvije vrste diskusije koje smo imali na ovoj tački dnevnog reda, to je pravna i suštinska. Znači formalna i suštinska diskusija. Kolege iz Kluba SDA posebno gospodin Dević, Čampara i Čelik najviše su govorili o ovoj pravnoj formalnoj, insistirajući na razlozima koji treba da pišu u razrješenju ovih ljudi. Ministrica je to rekla a ja ću to ponoviti. Nema pravnih i formalnih osnova. Nema, nigdje ne piše, nigdje nije propisano. Razgovarali smo prvo nadležni ministri, pa je onda ministrica pravde i uprave, pa je onda detaljno smo proučavali Ured za zakonodavstvo, Pravobranilaštvo, cijela Vlada, svi sjedili. Tražili u svim zakonima koje ste pobrojali razloge pravne formalne za razrješenje Skupština i nismo našli. Zato ne stoji tu. Zbog toga što nema. A suštinski zašto se mijenjaju o tome ste svi govorili i mislim da se tu svi slažemo, novi vjetar je puhnuo i nove stvari će se raditi. Znači to je suštinski. A pravno nema prepreka. I citirat ću ministra Bašića koji je na jednom od naših tih rasprava jer smo imali iste dileme kao i vi koji je rekao: ljudi moji jel moguće da je ovo ovako jednostavno? Je li moguće da su oni sve one godine radili gimnastike koje predsjedavajući pobrojao, hajmo s tri na pet, hajmo s pet na tri, hajmo čekati izvještaj. Ne treba čekati izvještaj, ne morate s tri na pet, ne morate ništa mijenjati, nova Skupština ovdje, nova Skupština u preduzećima jer oni su naši predstavnici. Oni nemaju ugovor o radu, oni nisu državni službenici, oni samo predstavljaju volju ove većine ovdje i ništa drugo. Kada budemo razgovarali o menadžmentima koji imaju ugovor o radu, koji imaju, to su već druge stvari i zakoni su drugačije primjenjuju. Za ove članove Skupština nema ništa. I kao što je premijer Konaković je rekao dugo je trajala rasprava na ovu temu, ali odgovor je isti. Stvari su stvarno jednostavne i gospodin Čelik kao što je rekao olakšali smo i svakom narednom sazivu Skupštine rad. Bar mi tako mislimo. Svi pravni eksperti su potvrdili to. Idemo raditi. Hvala.

Predsjedavajući.

Hvala premijeru. A i ja sam skoro naučio, bio sam tri godine, Zolj me je naučio da nisam premijer Vlade. To je istina. Čovjek se učio dok je živ. Ja sam govorio premijer Vlade, vjerovali ili ne.

Dakle izjašnjavamo se. Molim zastupnike da uđu u salu da zauzmu svoja mjesta. Jesu li jesu?

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "RAD" D.O.O. SARAJEVO.

Možete glasati. Molim rezultate glasanja.

ZA JE GLASALO 21, PROTIV 7, SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "PARK" D.O.O. SARAJEVO.

Možete glasati. Molim rezultate glasanja.
ZA JE GLASALO 21, PROTIV 7, SUZDRŽANO nije bilo.
KONSTATUJEM DA JE SKUPŠTINA DONIJELA OVU ODLUKU.

Tačka 14.

AD – 14.

**PRIJEDLOG ODLUKE O POTVRĐIVANJU RAZRJEŠENJA DUŽNOSTI
PREDSJEDNIKA I ČLANOVA SKUPŠTINE KANTONALNOG JAVNOG
PREDUZEĆA:**

A) “ZOI 84” OLIMPIJSKI CENTAR SARAJEVO D.O.O. SARAJEVO;

**B) PREDUZEĆE ZA GOSPODARENJE DRŽAVNIM ŠUMAMA “SARAJEVO-
ŠUME” D.O.O. SARAJEVO**

Prijedlog odluke ste dobili u dopunskom materijalu.

Predlažem da vodimo jedinstvenu raspravu, a izjašnjavat ćemo se pojedinačno. Ako vam je lakše da onda objedinimo i ove tačke pošto je ista tema. Da se izjasnimo da rasprava bude o razrješenjima. Ništa onda nemamo sad. Na imenovanjima ćemo moliti da raspravljamo da ne gubimo više vremena. Dakle ovdje sada se izjašnjavamo da glasamo o ove obje tačke razdvojeno a raspravu obavimo jedinstveno.

MOLIM DA SE IZJASNI SKUPŠTINA.

ZA JE GLASALO 27, PROTIV nije bilo, SUZDRŽANO 0.

KONSTATUJEM DA SMO SE DOGOVORILI DA RASPRAVLJAMO JEDINSTVENO
GLASAMO ODVOJENO.

Ministar Haris Bašić: UVODNO IZLAGANJE

Predsjedavajući:

Ostanite ipak tu, kolega Dević je postavio pitanje za sve, želi da ga ponovi. Izvolite kolega Deviću.

Poslanik/zastupnik Mahir Dević.

Evo ne znam ima li potrebe da ga ponovim. Znači razlozi za smjenu ove dvije Skupštine.

Ministar Haris Bašić.

OK. Ima li potrebe da ja kažem ono sve što su prije mene sugovornici rekli da nema razloga da nalažem razloge.

Predsjedavajući:

I to je odgovor. Hvala kolega. Niste pardon kolega, vi ste ministar Bašić. Dakle pitanja više ima li? Nema. Otvaram raspravu. Ne javlja se niko. Zaključujem raspravu. Zamalo Nikšić. Izjašnjavamo se odvojeno.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O
POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I
ČLANOVA SKUPŠTINE KANTONALNOG JAVNOG PREDUZEĆA “ZOI 84”
OLIMPIJSKI CENTAR SARAJEVO D.O.O. SARAJEVO.

Kolege s hodnika ulaze. Možete glasati sad. Molim rezultate glasanja.

ZA JE GLASALO 21, PROTIV 7, SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA ZA GOSPODARENJE DRŽAVNIM ŠUMAMA "SARAJEVO-ŠUME" D.O.O. SARAJEVO.

Možete glasati. Molim rezultate glasanja.

ZA JE GLASALO 21, PROTIV 7, SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

Petnaesta tačka.

AD – 15.

PRIJEDLOG ODLUKE O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO

Možemo li ovu raspravu obaviti jedinstveno zajedno sa privrednom i zajedno sa komunalnom privredom. Izjašnjavamo se naravno odvojeno. Predlažem Skupštini ko je za ovakvu raspravu jedinstvenu. Tačke 15,16 i 17.

Molim rezultate glasanja.

ZA JE GLASALO 27, PROTIV I SUZDRŽANO nije bilo.

KONSTATUJEM DA SMO TO USVOJILI I DOGOVORILI.

Ministar Šteta za imenovanje, treba li uvodna riječ. Sve ste čuli generalno. Ima li pitanja? Rasprave? Niko se ne javlja. Zaključujem raspravu.

Dakle, tačka 15.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO.

Možete glasati. Molim rezultate glasanja.

ZA JE GLASALO 21, PROTIV 7, SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

Tačka 16.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "RAD" D.O.O. SARAJEVO.

Možete glasati. Molim rezultate glasanja.

ZA JE GLASALO 21, PROTIV 7, SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

b)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "PARK" D.O.O. SARAJEVO.

Možete glasati. Molim rezultate glasanja.

ZA JE GLASALO 21, PROTIV 7, SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

Tačka 17.

AD – 17.

a)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA "ZOI 84" OLIMPIJSKI CENTAR SARAJEVO D.O.O. SARAJEVO.

Možete glasati. Molim rezultate glasanja.

ZA JE GLASALO 20, PROTIV 7, SUZDRŽANO nije bilo. Nije glasalo 4.

KONSTATUJEM DA JE SKUPŠTINA DONIJELA OVU ODLUKU.

b)
MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA ZA GOSPODARENJE DRŽAVNIM ŠUMAMA "SARAJEVO-ŠUME" D.O.O. SARAJEVO.

Možete glasati. Molim rezultate glasanja.

ZA JE GLASALO 21, PROTIV 7, SUZDRŽANO nije bilo.

KONSTATUJEM DA JE SKUPŠTINA DONIJELA OVU ODLUKU.

Sljedeća tačka je tačka osmanaest:

AD – 18.

INFORMACIJA O STANJU UZROKOVANIM POPLAVAMA NA PODRUČJU KANTONA SARAJEVO

Informaciju ste dobili u dopunskom materijalu. Izvjestilac je direktor Civilne zaštite.

Direktor Kantonalne uprave civilne zaštite Samir Džihic: UVODNO IZLAGANJE

Predsjedavajući:

Zahvaljujem. I bit će pitanja. Kolega Damir Nikšić se javio za pitanja. Izvolite.

Poslanik/zastupnik Damir Nikšić:

Moje pitanje, ja sam zbunjen ovim, recimo, znamo da sada za vrijeme ovih poplava javnost je na navalila na Civilnu zaštitu u smislu da nije nešto bilo organizovano itd. Bilo je nekih problema. Međutim onda su mi neki ljudi rekli neke druge informacije, povratne informacije. I ovdje imam jedno pismo koje ne bih možda sada čitao, ali mogu ga jednom predložiti u

kojem se pojavljuje jedan interesantan problem, a to je da ja pretpostavljam da se radi tu o Civilnoj zaštiti, kako se to kaže, Komisija opštinskog ureda CZ. Općinske službe koja izađe na teren da pogleda. Radi se u sužavanju korita rijeke od strane privatnih firmi. I komisija, vaša komisija CZ opštinske.

Direktor Samir Džihiić:

Opštinska, to radi općina, to su komisije za procjenu šteta.

Poslanik/zastupnik Damir Nikšić.

Recimo problem se može riješiti ali niko se ne odazove na taj izvještaj te komisije. Recimo, načelnik ne ispoštuje. Ja pretpostavljam da se načelniku ili opštinskom vijeću predoči taj izvještaj.

Direktor Samir Džihiić:

Načelnik opštine je po funkciji komandant štaba CZ a shodno obavezama iz Kantonalnog plana odbrane od poplava rukovodilac odbrane od poplava na svom području.

Poslanik/zastupnik Damir Nikšić:

E sada recite mi ako je ova komisija učinila svoj posao, završila svoj posao i napisala izvještaj i očigledno predočila tome, kako to da ne postoji djelovanje u smislu da se oslobodi korito rijeke da se napravi onako kako je bilo jer zbog tog sužavanja dolazi do poplave privatnih kuća. I ljudi su zvali komisiju i desilo se to. Kako to, gdje je po vašem mišljenju gdje tu zapinje? Šta je problem u tom sistemu, koga možemo kriviti za nereagovanje na terenu?

Direktor Samir Džihiić:

Problem je u slojevitosti vlasti, u stratifikaciji vlasti na području BIH. Zna da imamo četiri nivoa vlasti. Zna da su općine jedinice lokalne samouprave koje su maltene države u državi. Imaju svoju inspekciju, imaju svoje službe za imovinsko pravne odnose, imaju svoje službe za urbanizam i u njihovoj stvarnoj mjesnoj nadležnosti je ovo pitanje. S druge strane mi djelujemo preventivno. Kantonalna uprava CZ svake godine izdvaja izdašna sredstva za uređenje riječnih korita kao sufinansiranje pomoć općinama, pravnim licima, u čijoj je nadležnosti vodoprivreda, pa tako i ove godine smo za vašu informaciju odvojili pola miliona gdje ćemo ići sufinansirati sa resornim Ministarstvom privrede uređenje neuralgičnih tačaka koje Ministarstvo delegira kroz svoj projekat. Također smo odvojili milion KM kao i svake godine za uređenje klizišta na području Kantona Sarajevo. Ovo znači može da se riješi institucionalno da se obrati jedinica lokalne uprave za pomoć drugostepenom organu, to je Kanton, ali prije toga ima sve svoje pravne lijekove koje mora da sprovede.

Predsjedavajući:

Kolega Nikšić hajte vi postavite sva svoja pitanja, direktore sačekajte samo sva pitanja pa odgovorite ako ima još.

Poslanik/zastupnik Damir Nikšić:

Samo da pitam jel mogu onda kome da dostavim ovaj problem? Jel mogu vama dostaviti?

Direktor Samir Džihiić.

Možete naravno. Mi smo servis građana i 24 sata smo on line.

Predsjedavajući:

Hvala kolega Nikšić. Jel ima još pitanja? Mogu li ja jedno pitanje? Možda je laičko. Da li je bilo procijenjenih šteta koje bi smo trebali zbog ovih zadnjih poplava kao elementarne

nepogode eventualno izmiriti građanima i koji nivo vlasti? Opština ili mi?

Direktor Samir Džihić.

Samo opština trenutno Ilidža ima podnešeno 21 zahtjev, ni jedna druga opština se nije oglasila niti tražila nisu građani tražili da se izmiri šteta. Komisije su bile na terenu. Opštinskom načelniku opštine Ilidža je dostavljen izvještaj i na dalje postupanje. U slučaju da opština nema svoja redovna sredstva predviđena za izmirenje ovih namjena, mi ćemo tu biti kao i do sada senzitivni i pomoći ćemo.

Predsjedavajući:

Zahvaljujem. Otvaram raspravu. Niko se ne javlja za raspravu. Zaključujem raspravu. Direktor se zahvaljujemo na informaciji. Ovdje u materijalu stoji da se izjašnjavamo, ali se ne izjašnjavamo.

Informacija se prima k znanju i time smo iscrpili ovu tačku dnevnog reda.

Idemo na sljedeću:

AD – 19.

IZVJEŠTAJ O POSLOVANJU KJP CENTAR „SKENDERIJA” ZA 2017.GODINU

Kolega Marić javio se, izvolite.

Poslanik/zastupnik Zvonko Marić.

Zahvaljujem predsjedavajući. Može i poslovnička intervencija. Naime stalno mi pristižu informacije da je direktor Zavoda za zapošljavanje dobio prijetnje i da se nalazi u policiji poslije Skupštine i njegovog izlaganja, pa evo ukoliko je moguće, evo ministar ako je tu da nam da neku informaciju ili slično.

Predsjedavajući:

Ministar Katica izvolite ako ima potrebe. Izvolite.

Ministar unutrašnjih poslova Admir Katica:

Ja sam također informisan o tome, o tome sam odmah informisao i komesara policije. Dakle, zvao me je čovjek iz PU Centar, ide procedura dalje. Policija će preduzeti ono što je iz njihove nadležnosti. Eto.

Predsjedavajući:

Hvala ministre Katice. Hvala kolega Mariću.

Tačka 19.

AD – 19.

IZVJEŠTAJ O POSLOVANJU KJP CENTAR „SKENDERIJA” ZA 2017.GODINU

Izvještaj ste dobili uz poziv za sjednicu. Predstavnik Predlagača uvodne napomene, direktor Kapo.

Direktor KJP Centar „Skenderija” Amer Kapo: UVODNO IZLAGANJE

Predsjedavajući:

Zahvaljujem. Ima li pitanja? Nema. Otvaram raspravu. Niko se ne javlja. Izvinjavam se. Kolega Čelik izvolite.

Poslanik/zastupnik Mirza Čelik:

Zahvaljujem se predsjedavajući. Pa evo ja ću iskoristiti svoje pravo da nešto kažem o radu KJP Skenderija za 2017. zaista nemam razloga da tražim razlog da razlog bude sve na direktora jer je direktor zaista radio kako treba i to se vidi iz izvještaja. To je nakon 10 godina preduzeće poslovalo pozitivno. Pročitali smo 81.185 KM. Rast je bio prihoda u svim segmentima poslovanja nakon tri godine možemo vidjeti da je isplaćivano nakon tri godine isplaćivanja samo neto plaća bez doprinosa, u 2017 godini radnici su dobivali plaće sa svim doprinosima. U skladu sa mogućnostima koje je menadžment imao, ulaganja su bila i u infrastrukturu, što je primjetno i na samom prilazu objektu. Evo kazao je već direktor da je prvi put u vlastitoj organizaciji realizovano dva velika koncerta, što je doprinijelo još boljem prihodu. A do tada su davali u zakup drugim organizatorima. I smatram da zaista se trebamo pozabaviti ovim što je kazao direktor da trebamo osloboditi da nemaju Hitnu pomoć kada se organizuju ovi koncerti i obezbjeđenje kako bi zaista Skenderija mogla da pravi za ono što je Dom mladih i namijenjen. Prilagođene su cijene usluga, pristupačnije cijene svih korisnicima. Posebno mladim. Ako se sjetite 2017 to je bilo ovdje kao informacija koja je odjeknula u javnosti, to je jedan dobar primjer ove uprave i ovog direktora, i smatram da mi svi trebamo podržati ovaj Izvještaj i Klub SDA će svakako principijelno glasati za sve izvještaje koji su pozitivni. I evo koristim još jednom priliku da čestitam upravi ovog preduzeća na dobro obavljenom poslu u 2017 godini.

Predsjedavajući.

Hvala kolega Čelik. Niko se više ne javlja za riječ. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O POSLOVANJU KJP CENTAR „SKENDERIJ“ ZA 2017.GODINU.

Možete glasati. Molim rezultate glasanja.

ZA JE GLASALO 28, PROTIV I SUZDRŽANIH nije bilo.

KONSTATUJEM DA JE SKUPŠTINA USVOJILA OVAJ IZVJEŠTAJ.

Prije nego se razidemo, iscrpili smo dnevni red današnje sjednice, premijer Forto ima samo nekoliko rečenica da vam kaže. Zamolit ću vas za samo malo strpljenja.

Premijer Edin Forto:

Želim vam u ime Vlade čestitati 1. mart, Dan nezavisnosti i želim vam reći par stvari. Nekako se ustanovila se praksa baš kao i onih prije par tačaka nismo prije ovako radili pa se pretpostavlja da bi trebali nastaviti tako raditi. Evo postoji jedna praksa da se 1. mart obilježava isključivo u organizaciji Kantona, Grada i opština. Predsjedništvo i državne institucije nisu do sada to radili, a i ovi što su radili nisu radili na otvorenom i nisu pravili neku vrstu slavlja, nešto što bi trebalo stvarno da izgleda kao praznik, nego uglavnom se to svodilo na neke svečane akademije itd. Ovaj put mi ćemo malo promijeniti. 1. mart molim vas dođite sa svojim porodicama na otvoreno, Trg Alija Izetbegović i Trg oslobođenja. Bit će neki prigodni program, bit će i koncert. Grad smo već okitili na neki način. A sljedeće godine 1. mart 2020 kada budemo imali više vremena za pripremu, da stvarno napravimo da bude praznik a malo manje da sjedimo po zatvorenim prostorima. Eto to je. Sretan vam praznik i pridružite se proslavi.

Predsjedavajući:

Kolegica Kerla ima samo jednu rečenicu. Kolegice Kerla izvolite.

Poslanik/zastupnik Bibija Kerla.

Pa danas sam pročitala da KP Rad i za 1. maj ja bih molila da se ipak i tim ljudima da slobodan dan i da i oni praznuju taj 1.mart Dan nezavisnosti BIH.

Predsjedavajući:

Hvala kolegice Kerla. Hvala vama na radu, na današnjoj sjednici. Time smo iscrpili dnevni red.